

DIPOTŠIŠO LE DIKARABO

 . . . fa, ke no e phutha. E rile:

24b. A o tsea letšatši go nagana dilo tše o yago go di bolela bošego?

Ka kgonthe go tla tsea letšatši kgonthe, a go ka se?

Aowa, Mokriste, ngwanešu wa ka, ga nke ka tsea kgopolo e tee ya se ke yago go se bolela mo phuluphithing. Ke tla bala Lengwalo felotsoko. Gomme ke—ke dirile ditsebišo dinako tše ntši gore ke tla ya phuluphithing, ke be ke eya go rera ka thuto ye e itšego, go fihla fale, Moya wo Mokgethwa o mpušetša thwi morago go dikologa, go ntira go dira se sengwe gape.

Ke e lekile makga a mabedi goba a mararo go ngwala dinoutse le go rera ka dinoutse. Ge feelsa ke lebeletše tšona dinoutse, ke na le monagano wa ka go tloga go Modimo. Kafao ke no swanelo go ya pele le go di rathaganya le go di lahlela fase le feelsa e ka ba eng A e bolelago. Dinako tše dingwe ke thoma ka go Genesi le go feleletša ka go Kutollo, ke . . . Kafao ga ke bontši kudu bja mo—mo modiredi feelsa go—go . . . Ke swanetše go hwetša melaetša ya ka go tšwa Godimo.

Gomme ke—ke badile Lengwalo, go swana le ge ke boletše, godimo ga leswao la sebata. Ke . . . Mosadimogatša wa ka, mme wa ka, le bona ba ba tsebago, mmatswale wa ka o dutše mo, yo a lego ntlong ya nako, ke no, go bapela e ka ba iri ya boraro morago ga sekgalela, ke thoma go rapela. Ke ya ka gare, ka thoma go rapela. Ka gona ke no ya tlase, ke a nagana, “Gabotse, ke rile ke tla bolela bosegong bjo ka *Leswao La Sebata*.” Ke tla ya godimo. Gomme ke tlišitše, bosegong bjo, bakeng sa karabo ya—ya pukutlhalošo ya Cruden. Gomme seo ke go hwetša dikarabo, goba, e sego—e sego dikarabo, eupša le tseba se pukutlhalošo e lego: yohle ke mantšu a Beibele a ngwadilwe. Kafao, ke no tsoma pukutlhalošo go hwetša, nako ye nngwe, moo potšišo ya motho e lego.

Eupša ka go ba kudukudu, bjalo ka ge ke bona yo mongwe wa bagwera ba ka mo ke kopane le yena ka lebenkeleng, goba ka lebenkeleng morago ga sekgalela se, o . . . re be re bolela ka dipotšišo tše, le go ya pele, ka mokgwa woo.

Bjale, bophelo bjohle bja ka ke bilego le bjona, ge e sa le ke eba modiredi, ke ile ka swanelo go lwa gabotse ka se sengwe le se sengwe. Ga se nke ka tsoge ka ya go sekolo se itšego sa seminari. Gomme selo se nnoši nkilego ka ithuta ke se A mpoditšego. Gomme nako yeo ke nno dula go sona gomme—gomme ka se dumela. Gomme ke ile ka swanelo go lwa gabotse ka se sengwe le se sengwe seo ke—ke se dumelago, go dikologa lefase. Ke . . .

Ba... Godimo ka Afrika, ka mafelong a go fapano le tšhemmo ye šele, le hwetša diism tšeо Amerika e sego ya ke ya gopola ka tšona. Gomme seo se lahletšwe thwi ka gare go wena. Eupša selo se segolo ka mehla ke lekilego go ema feela godimo ga Lentšu le, thwi mo; le a bona, e sego feela go Lengwalo le tee, e swanetše go tla tsela yohle go kgabola Beibele.

Bjale, o ka kgona go tšeа Lengwalo le tee le go le dira le bolele e ka ba eng. A le a tseba baganamodimo ba šomiša Beibele ye bakeng sa pukungwalwa ya bona? Kgonthe. Eupša go swanetše go swana tsela yohle. Bjale, ge le ka swarela tlhagišo (ke tla, feela, kafao, bakeng sa tsela ya thuto go ren), Beibele e bjalo ka mararankodi a saga ao a ripilwego. Tlwa. Gomme le tla swanela go lebelela go Kriste Jesu, Phethene, go tseba mokgwa wa go e bea mmogo. Ge o sa dire, o tšeа kgopolo ya gago mong, le tla ba ka go lefelotiragalo la lena, kgomo e fula bjang ka ntlhoreng ya mohlare, selo sa pele le a tseba. E no se šome gabotse. Eupša ge o ka no dumelala Moya wo Mokgethwa; o no se šomiše monagano wa gago mong ge o ithuta Beibele. Ge o leka go šomiša tsebo ya gago mong goba monagano wa gago mong, ka kgonthe o tla retologa go dikologa nako ye nngwe le ye nngwe. Le a bona?

Ka gore bjalo ka ge Kriste a rile, "Ke e utile go tloga mahlong a seminari, ba bohlale le ba tlhaologanyo, gomme ke tla e utolla go masea ao a tla ithutago." Le a bona. "Ke e utile." Kafao ga go dikolo, le dipoto, le—le dipoto tša kereke, di rutago Lengwalo ka tsela ye le swanetšego go ba. Bjale, seo ke selo se segolo go bolela. Ba ka no ba le therešo ye ntši, eupša Moya wo Mokgethwa o e utolla go batho ka batho. Kagona, Moya wo Mokgethwa ke wa batho ka batho. Ke ka baka leo mokgatlo o hwetšago batho go tšwa mothalong wa Modimo nako le nako. Gobane Modimo o fa se sengwe se seswa kgafetšakgafetša, O sepelela pele ka mokgwa woo. Gomme, eupša bjo ka mehla ke bokamorago. Šetšang gomme le e bone ge e ebola Beibele, e lebeleleng ka fao e ebolago mo nakong. Gona le ka bona moo le yago.

Bjale, ka go dikarabo tše, bjalo ka ge ke boletše, ke nna morutiši wa go šokiša kudu. Eupša ke nyaka go bolela gore se ke se tsebago, ke duma go—go se hhalosa go ba bangwe. Gomme ge o fapano gomme wa re, "Gabotse, Ngwanešu Branham, ke no se e dumele ka tsela yeo," seo se lokile, seo ga se re kgaole go beng banešu gape, le a bona. Re no ba banešu. Ke... Ge le nyaka go ba te—te—te... go ba ba Temple of Continuity, le a tseba, seo se lokile le nna. Le a bona. Gomme ge o dumela go Morena Jesu Kriste, re tla be re sa le badirišani le go ya thwi mmogo. Gomme—gomme ke a dumela tlhwekišo ye botse ya fešene ya kgale e tla go dira o ikwele ka tsela yeo ka yona. A ga le? Yeo ke nnete, re dire re dumelane.

Bjalo ka ge monna yo a eme mantšiboeng a go feta, a eme thwi fa, ka maemo a mohuta wola. Gomme—gomme ke kopane... Mopišopomogolo wa India šo mo, godimo ga

dimilione tše makgolo a mane le masomešupa tša batho. Gomme o tlile, gomme o kwele ka ga yona gomme o tlile godimo fa, o rile, “A ye ke therešo?”

Ke rile, “Ke yona.”

O rile, “Ke amogela bjang Moya wo Mokgethwa?”

“Go beeng ga diatla.” Ke beilwe diatla go yena, gomme Moya wo Mokgethwa wa tla go yena.

O eme ka Chicago, fa, dibeke di se kae tša go feta, ka kopanong ye kgolo ya Banna ba Kgwebo ba Bakriste, o rile, “Ke bile le dikhadinale tšohle le se sengwe le se sengwe gape se bea diatla go nna godimo fale; banna ba bagolo, dipišopo tše kgolo, le go ya pele, ba bea diatla godimo ga ka ge ba mpeile mopišopomogolo wa India, mopišopomogolo wa Moepiscopalian wa India le mopresidente wa Kopanelo ya Bokriste ya India.” Leswao le legologolo la bodumedi ka India. Gomme o rile, “Go be go se selo se diregilego ge ba beile diatla godimo ga ka.” A re, “Ke tlile godimo mo go mothaka yo a bego a sa tsebe boABC ba gagwe, le gannyane, gomme o beile diatla go nna, gomme ke amogetše Moya wo Mokgethwa.” Yeo ke nnene. Seo se a tlabaa, a se be se se? Le a bona.

Kafao, ga e tle ka thuto goba tsebo; e tla ka go ikokobetša wenamong pele ga Modimo. Yeo ke nnene.

Gomme ka gona, ke ka mokgwa wo o tla tsebago gore o Mokriste: Ka dikenywa tše o di enywago. Bjale, e sego ka tsela ye o goelelago. Ke dumela go go goelela, eupša ga se ge eba o a goelela, goba aowa, ke . . . goba—goba ge eba o bolela ka maleme, goba aowa. Gore . . . ke dumela go go boleleng ka maleme. Ga se ge eba o fodiša balwetši, goba aowa. Ke dumela go phodišo. Eupša dikenywa tša Moya šedi: lerato, thabo, khutšo, pelofalo, bobotse, boleta, kgotlelelo. Yeo ke kenywa ya Moya. Le a bona? Gomme ge maswao ao a go latela, gona ke—ke mohuta wa go dumela seo ke se Jesu a mpoditšeego go se lebelela.

O rile, “Se batho bohole ba tla tsebago gore le barutiwa ba Ka, ge le na le . . .” [Phuthego e re, “Ratana seng.”—Mor.] Yeo ke nnene. “Ge le ratana seng.” Le ge motho a ka fapania le wena, efela o mo rata feela go swana. Le a bona?

Oo, ge o no rata bao ba go ratago, moputso ke eng o nago le wona? Badiradibe ba dira selo sa go swana. Le a bona? Le a bona? Eupša o swanetše go rata bao ba go hloilego, e sego go no itiriša o a ba rata, eupša ka kgontha o a ba rata. [Phuthego e re, “Amene.”—Mor.] Ke a le leboga. Yeo ke nnene. “Amene,” ke nnene. Le a bona? Ge motho ka kgontha a go hloile, gomme a netefaditše o go hloile, gomme o sa le ka pelong ya gago o a mo rata, o batamela kgauswi gabotse le Mmušo. Yeo ke nnene.

Bjale o se ke wa mo rata, wa re, “Gabotse, ke a tseba ke swanetše go e dira.” Eupša o a mo rata go le bjalo. Ge o sa mo rate

go tšwa pelong ya gago, ge o re o a mo rata ge o sa dire, o tseba se seo se go dirago? Moikaketši. Le a bona. Kafao o se sepele le go mmotša o a dira ntle le ge ka kgontha o dira. Gomme ge o sa ikwele ka tsela yeo, e no dula thwi mo go fihla o ikwela ka tsela yeo. Gobane ke tla go netefaletša, go ne mogau wa go lekanelo go go dira o ikwele ka tsela yeo. Yeo ke nnete. Ka kgontha e tla dira.

Bjale—bjale, dipotšišo tše... Gomme elelwang bjale, go swana le ka ditirelong, dilo tšela tšohle ga tša lebanywa go kereke ya e ka ba mang, tumelo ya e ka ba mang, le gannyane. Ke no ba ka go tabarenekele ya ka ye nnyane ya kgale mo go no hlagiša maikutlo a ka go dithuto tše. Le a bona.

Gomme bjale, ge le fapana, seo se tla loka. A le a tseba ga go na, le gatee, e ka ba ba babedi ba rena fa, gomme ga go na yo itšego wa rena fa yoo a nago le mogogorupo wa go swana. Ga go le e tee ya dinko tša rena e swanago. Ke a thanka le thabile ga le na le e tee ya go swana le ya ka. Eupša—eupša ke... Eupša ga a gona fa wa go swana. Le a bona? Gomme gona re ya go fapana. Bjale, nka no rata phae ya tšheri gomme wa rata apola, eupša ka moka re ja phae. Seo e no ba se—se selo. Kafao, re... Yeo ke kgopololo. Ge feela re rata Morena Jesu, gomme re tswetšwe gape ka Moya wa Modimo, re Bakriste. Bjale, kereke e ka se kgone go go direla seo. Jesu a ka kgona go go direla seo. Le a bona.

Bjale, ka go dipotšišo tše, go lebeleleng ka fa, go na le gabotse tša go hlabka ka fale. Gomme kafao, go di arabeng bjale, yo mongwe le yo mongwe o tšea setoko se sebotse ka kgontha sa se, le a bona, go e maraka: ke no di araba bokaonekaone bja tsebo ya ka ka Lentšu la Modimo. Le a bona? Gomme ge e se ya arabja ka go nepagala go ya gago... gomme wena, potšišo ye nngwe, gobaneng, wena o... Ke tla no rata go le bea morago sefaleng goba go tla go bolela le rena ka yona, goba e ka ba eng re ka kgonago go e dira. Gomme mohlomongwe Ngwanešu Neville le nna fa, re ka bona dilo tše re sa no go dumelalana go tšona.

Gomme—gomme Mna. Baxter, yo mongwe wa badirišani ba ka ba kgauswiši ka kopanong ya ka, Mna. Baxter, re bile mmogo lebaka la mengwaga; le mohlaramolli wa kgontha wa Beibele a lego, eupša ga a dumele ka go Mileniamo. Gomme ke a tla, gomme ke re, “Ngwanešu Baxter, o ya go fihla bjang go dikologa Lengwalo le?” O be a tla taboga lehlakore le tee, ke re, “Bjale, o se itshware bjalo ka tšie. O dula tuu.” Le a bona. Gomme ke rile, “Gomme ba phetše le go rena le Kriste mengwaga ye sekete mo lefaseng.” Ke rile, “Go reng ka seo?”

O rile, “Ke a dumela mengwaga ye sekete feela e ra lebaka le itšego.”

Ke rile, “Bjale, ema motsotso, o tšea teori. Beibele e rile, ‘mengwaga ye sekete.’” Uh-huh. Ba—ba no tšwelapele ba taboga go dikologa. Eupša bona, le a bona, ga se ra dira, eupša, ga se ra fapana ge eba go na le mileniamo goba aowa; re ya gae

Legodimong, mmogo, gobane o tswetšwe gape gomme o ne Moya wo Mokgethwa.

Kafao yeo ke tsela ye ke nyakago le ikwele ka dipotšišo tše: Tše e no ba bokaonekaone bja tsebo ya ka go lena.

Gona ge ke bone yo mongwe a dutše fa, gomme ba dumetše gore Jesu o be a etla a nametše pere ye tšhweu, gomme ke a dumela O be a etla ka lero le lešweu; bjale, ge ke rile “pere ye tšhweu” feela gobane mogwera wa ka o dumetše pere ye tšhweu, go le bjalo, ka Mangwalo, ke a dumela O be a etla a nametše lero, ke tla ba moikaketši. Yeo ke nnete. Ke swanetše go itlhagiša nnamong feela ka fao go lego le go fa lebaka la ka gobaneng.

Paulo o rile, “Ebang komana go—go dihla tšohle, le be madulaalaotše, ka sehleng, le ka ntle ga sehla; le loketše go fa monna karabo ya kholofelo ye e robetšego ka go lena.” Le a bona. Gomme seo ke se re lekago go se dira.

Bjale, ke ikwela gore Mangwalo a, a mangwe a wona mo, a no ba ditshwao tše nnyane, le go ya pele, gomme ke tla leka go di araba pele, ye ke lekilego go di kgethologanya. Gomme nka no swanelo go ba le ye, go šomiša pukutlhalošo bakeng sa nakwana ye nnyane go hwetša ye nngwe ya ye. Gomme ka gona, ka mo, ge ke bitša ka go fošagala goba eng kapa eng, le no bitša šedi ya ka ka go phethagala, le a bona, le go nngwalela noute, le go mpotša.

Bjale, pele re leka go bula se . . .

Bjale, lebaka ke dira se, bagwera. Ke tla le botša, ke bakeng sa morero. Lena bohole le tseba seo. Kopano ye e be e le bakeng sa morero. Ke a dumela Modimo o mphetotše go dikologa, ka go ledimo lela la lehlwa, mošola, le go nthomela morago bakeng sa wona morero wo thwi mo. Gomme go sa no ba se sengwe se sennyane sa phošo go dikologa tabarenekele mo nako ye telele. Ke nyaka go e hwetša. Ge ke hwetša yeo, gona ke ya go bona ge eba nka kgona go dira se sengwe ka yona. Yeo ke nnete. Gomme ke nyaka kerekere e sepele mmogo ka kwano. Gomme go no ba se sengwe se sennyane sa phošo, gobane ga le tšwelepele. Le dira batho go phološwa, yeo ke therešo, seo se a makatša, eupša ga le tšwelepele ka tsela ye le swanetšego. Re swanetše go be re lokolletše bareri ntle le se sengwe le se sengwe. Molaetša o swanetše go be o eya thwi mmogo.

Ke bile le ngwanaborena, modiša, ntle, gomme re ile go kgabola tšhilo mmogo, Ngwanešu Neville le nna re bile. Gomme ke—gomme ke nyaka go bona ge eba . . . Bjalo ka yo mongwe wa badiša ba lena, ke—ke mošomo wa ka. Gomme mantšiboa a go feta . . . Feel a ge ke bona e ka ba eng e no go ba ka kerekeng bjale, ke ka lebaka leo ga se nke ka kwalakwatša kopano ye. Ke no e fa; feela, gobaneng, yo mongwe le yo mongwe o amogetšwe. Nnete, re nyaka le tle. [Lefelo la go se be le selo godimo ga theipi—Mor.] Gomme, eupša, e no ba ka kerekeng ye.

Gomme ke naganne, “Ge nka ruta bosegong bja mathomo, se kereke lehono . . . le lebaka, ka thutafase, ka Beibeleng, moo re dutšego madulong, gona kereke ka kgonthe e tla phafoga go seo. Gomme morago ka bolela ka ‘leswao la sebata,’ gomme a ka ba dira ba bone se leo le lego sona; gomme morago ‘Setswalelo sa Modimo.’” Yeo ke pele le morago bjale, leo ke leswiswi le Seetša bjale, seo e ba gore se ka gare goba ka ntle bjale, gomme seo ke selo se bohlokwa kudu go rutwa go sona bjale.

² Gomme ke a le botša, bagwera, ke bolela se go tšwa pelong ya ka, pele ga Modimo, ka go kokobela, Ga se ka ke ka tsoge ka kwa tlotšo ya Moya wo Mokgethwa go bolela mantšu a ke nago le wona ka mašegong a mararo a go feta. Yeo ke nnete. Eupša e nno nthwalela kgole. Ke be ke tla ya gae, ebile ke sa kgone go robala morago ga ke fihlile gae, feela tlotšo ye bjalo!

³ Bjale, ke lahletše *tše* ntle mo ka go holofela gore ke tla hwetša se sengwe felotsoko. Le a bona? Go wetša ma—ma maikutlo a batho ohle godimo ga ntsekana ya pampiri mo. Ge ke sa hwetše se ka tsela ye, gomme Morena a sa se utolle go nna, ke tla tšwelapele go fihla ke se hwetša. Gomme Modimo o tla e fa go nna. Yeo ke nnete. Gomme kafao gona ge re e hwetša, e ka no ba feela gannyane, wetše ya kgale e bolokilwe godimo felotsoko, eupša Akane o bile le e tee, le yena. Le a tseba, re swanetše go fediša selo seo, gona re tla tla thwi pele le go sepela mmogo ka Mmušong wa Modimo.

⁴ Bjale, Morena a le šegofatše. Gomme bjale pele re bula Lentšu . . . Gomme bjale—bjale, yo mongwe le yo mongwe wa lena yoo a nago le sekolo sa Lamorena mo mosong, ka nnete, lena le . . . Nka—nka se le kgopele go hlaiwa ke sekolo sa lena sa Lamorena, leo ke—leo ke lefelo la lena la mošomo go kereke ya lena. Yeo ke nnete. Eupša, bjale, ge le sa ye go sekolo sa Lamorena, etlang godimo gomme le re bone mosong. Gomme ka gona ge kereke ya gago e se na le ditirelo gosasa bošego, ka Lamorena, o amogetšwe. Re tla thaba go ba le lena nako efe kapa efe. Gomme kafao Morena a le šegofatše. Gomme dumediša Bakriste bohole bakeng sa ka; ga ke be fa bontši kudu.

⁵ Ke be ke nno lebelela ka kamoreng kua, pampiri ye nnyane ke nago le yona e ngwadilwe ka fale e sa dutše fa bjalo ka segopotšo go kereke ye. Gomme ke rile, “Morena o mpiletša kgole,” gomme bohole re llile le go lla. Ke elelwa bošego bja mathomo ke ilego. Bohle le elelwa pitšo ya ka ya mathomo, e ka ba mang fa? Lena bohole le tšere tšhelete go nthomela godimo ka St. Louis, moo Betty Daugherty yo monnyane a go fodišwa. Ke dutše . . .

⁶ Elelwang, ke adinngwe jase ya yo mongwe mo go apara. Ke be ke se ne jase e ka ba efe go apara. Gomme ke ile godimo gomme ka dula ka setulong sa kgale sa koloi go ya St. Louis. Le elelwa nako? Gomme ke adinngwe ye nngwe ya dijase tša banešu, e be

e le ye kgolo kudu go nna, ke e rwele mo letsogong la ka; gobane go be go fodile gomme ke be ke se ne jase.

⁷ Gomme ka gona re ile godimo, gomme ke ile St. Louis gomme ke kopane le Ngwanešu Daugherty kua. Mosetsana wa gagwe yo monnyane, dingaka tšohle go dikologa fale, le ditsebi le dipetlele, ba be ba mo hlobogile. O be a le bjalo ka segafa se bogale. Badiredi go kgabola ntle toropokgolo ba be...mogohle, ka fale ba mo rapelela. Gomme ke ile ka gare le go mo rapelela, gomme batho ba go šokiša ba no lebega bopududu kudu. Gomme mosetsana yo monnyane ka fale, a goeletša le go lla, a elwa.

⁸ Gomme—gomme o be a sa kgone go dira lešata boka motho gape, o kwagetše boka phoofolo, o be a le makgwakgwā go tšwa...oo, e ka ba dikg wedi tše tharo goba tše nne. E be e le menentšaitisi wa mongetsana goba...aowa, mmino wa Saint Vitus, ka go—ka go mongetsana. Gomme dipounama tša gagwe tše nnyane tšohle di llwe, di etšwa madi. Gomme menwana ya gagwe ye mennyane e no tšwa madi gohle godimo, moo a lomago menwana ya gagwe, le dilo boka tše, le go no goelela le go ya pele.

⁹ Gomme ke rapetše, ke ile tlase kerekeng. Ke letile diiri morago ga diiri. Ke dutše ntle ka koloing ya kgale le go leta. Ke be ke sa ye go tlogela taba yeo go fihla ke kwele go tšwa Legodimong. Gomme ke dutše fale ka koloing, pono e phulegile pele ga ka, e rile, “Eya o botše tate, gomme tate...” E rile, “Eya o botše mosadi gore letšatši le lengwe, toropotlase, o rekile ye nnyane, ye tšhweu ketlele. Ga se ya ke ya ba le meetse ka go yona pele.” Gomme e rile, “Mmotše go lebelela ka go torowa ya boraro gomme o tla hwetša sakatuku seo se lego ka go seripa sa pampiri, seo se sa nkago sa šomišwa pele. Mmotše a se tlatše ka meetse. Emiša tate ka seatleng sa gago se setona, gomme tatemogolo ka seatleng sa gago sa nngele, gomme o bušeletše, ‘Tate wa rena, Yo a lego Legodimong...’ Gomme ge o thoma yeo, mo dire a phumola lešela go kgabaganya sefahlego sa lona. Morago mo bogareng bja thapelo mo dire a kgoma diatla tša lona, morago maoto a lona. Morago ema gomme o re, ‘O RIALO MORENA!’”

¹⁰ Le tseba se se diregilego, a ga le? O fodišitše thwi fao. Gomme re beile diatla tša rena mmogo gomme ra theoga mokgotha gomme re nwele senomaphodi, mmogo mo mateneng. Yeo ke nnete. E huduile St. Louis; kopano ya ka kua, dikete tše lesomenne bošego bja mathomo. Yeo ke nnete. Ka St....

¹¹ Go no befa kudu gore ke tlogile go tšwa go seo; go ya le go no ba thoma go tla go kgabola mothalo, feela yo motee thwi ka morago ga yo mongwe yo motee, ka morago ga yo mongwe yo motee. Go no ya ntlong le go dula fale go fihla go fedile, le go boela gae, ke a dumela seo se ka be se bile kaonana go feta dikopano.

¹² Go lokile, a re inamišeng dihlogo tša rena ge re bolela le Mongwadi wa Lentšu le, bjale.

¹³ Ka botho bja Morena wa rena Jesu Kriste, re batamela Wena, Tate wa rena. Gomme ka Leina la Gagwe re kgopela bakeng sa kgaogelo ye Kgethwa, gore O tla swarela dibe tša rena le dikarogo kgahlanong le Wena. Gomme ge go na le sebe se se itšego ka kerekeng ye nnyane ye bošegong bjo, re a rapela, Morena, bjalo ka—bjalo ka mohlanka a eme fa, bjalo ka modiši godimo ga dinku... Bjalo ka ge Beibele e rile, "Hlokomela mohlape wo Moya wo Mokgethwa o go dirilego mookamedi godimo ga wona, gore o a ba fepa." Gomme bjale, Tate, ke phophothela bona, gore O tla ba šegofatša le go tloša dibe tšohle tša bona. Fodiša bolwetši bjo bo lego ka magareng ga batho. Gomme, Tate wa Legodimong, ke a rapela gore dikgaogelo tša Gago di tla ba godimo ga rena bjale.

¹⁴ Mo go robetše pele ga ka, go ngwadilwe godimo ga pampiri, go tšwa go magae a mantši le batho ba bantši, go letše dikgopelo, dipotšišo tša kgonthe tša go teba tša Beibele tše di yago mošola wa sekolo sa mehleng. Gomme re hloka thušo ya Gago, Morena Jesu. Gomme go no topa tše godimo bjale, go sepelela ka kamoreng, go beng le thapelo, go sepelela ntle, go di aroganya mo, le go bea tše di swanetšego go arabja bjale go lehlakore le tee, le tše dingwe tše di swanetšego go ya ka Lengwalong, go le lengwe. Ke bokgole bjo ke tsebago mo nakong ye, Morena.

¹⁵ Gomme ke a rapela gore go tloga gonabjale O tla tše go tloga fa go ya pele, le go tlotša batho ba Gago mo bošegong bjo, dipounama tša seboledi, ditsebe tša mokwi. Gomme a nke Moya wo Mokgethwa o tle le go swara Lentšu bjale le go Le sepediša thwi ka go pelo ye nngwe le ye nngwe, gomme a nke O amogelwe ka moyo wa botho, gomme a nke O fiwe ka mokgwa wo. Gomme a nke, ge tirelo e fedile bošegong bjo, a nke re ye gae, re re, "A dipelo tša rena ga se tša swa ka gare ga rena ka baka la Bogona bja Gagwe le ditšhegofatšo tša Gagwe?" Morena, ke sa tsebe gore ke reng, ke neela bona go Wena ka dipotšišo tše, ka Leina la Jesu Kriste, bakeng sa karabo. Amene.

¹⁶ Ke a le leboga, bagwera, bakeng sa tlhomphokgolo ya lena. Ke no nyaka go le bontšha se bontši, bontšintši bja dipotšišo tše di bilego.

Ngwanešu Bill, hle tšwela pele go kgabola beke ye e latelago.

Hle dula beke ye nngwe.

Hle dula boteletšana gannyane.

Ngwanešu Bill, hle dula beke ye e latelago, boteletšana gannyane, disoulo tša rena di swerwe ke tlala bakeng sa mohuta wo wa Dijo.

A kereke ye e ruta gore o... Yeo e swanetše go ba e wetše ka kua. Yeo e ka lefelong la go fošagala.

Ke na le bašemane ba babedi, mengwaga ye mebedi . . . Yeo ke, ke di hlakahlakantše, ke a thankā, go yona. Bjale, fa, bokaonana ke hwetše yeo godimo fa, le nna, yeo e mabapi le taba ya sebele.

Ngwanešu Bill, a o ka—a o ka rata beke e tee gape? Re tla rata beke e tee gape ya thuto ye ya Ebangedi.

Kgopelo ya ka ke gore o dule beke ye nngwe. Ke tla rata bontši kudu go wena go dula lebakana le lennyane boteletšana, o a tseba ka mehla re . . . ka mehla re kgona go ithuta go fetiša.

Bjale, a o ka dula feela boteletšana beke ye nngwe, hle?

Ngwanešu Bill, hle rera beke e tee gape. Re hloka se.

Ngwanešu Bill, thapelo ya ka ke gore Modimo o tla fetola monagano wa gago le go go dira o dule beke ye nngwe.

Potšišo ya ka ke: Dipiring tša go fofa ke eng, gomme ke tšona se sengwe go tšwa go Modimo a di romelago bakeng sa leswao? Gomme ke go kgopela go dula beke ye nngwe.

Hle dula beke ye nngwe.

¹⁷ (Gomme *ye* e be e le kgopelo go wena go ya kerekeng, go rapelela yo mongwe, le a bona, a yago sepetele.)

¹⁸ Bjale, fa go be go le yo mongwe yo a rilego ke tla . . . Ke—ke thabela go botšiša go. Gomme Ramaatlakamoka Modimo Yo a lego Moahlodi wa ka, o eme fa bjale ka go lefelo le lekgethwa le . . . pele ke tloga gae, Moya wa Morena o mpoditše, o rile potšišo ye e tla be e robetše godimo fa bošegong bjo. Ga se ke tsebe selo ka yona, eupša ke tsebile e tla ba fa:

A Hlatse ya Jehofa ke sekgao sa maaka?

¹⁹ Le a bona, yo mongwe . . . Gomme Moya wo Mokgethwa, lefelong ka go . . . o eme ka kamoreng ya ka ya bohlapelo, pele ke etla tlase fa; Modimo, Yo a lego Moahlodi wa potego wa ka, o mpoditše, “Yeo e tla be e robetše sefaleng,” gomme o rile nka se “bolele selo ka yona; e no ya pele” Le a bona? Kafao ke . . . Le tseba se ke se boletšego bošegong bja go feta, a ga le? Go lokile, seo ke se e bilego.

²⁰ Go lokile, bjale re tla thoma godimo fa go tše dingwe tša tše.

²¹ Ke no se rate go bitša thwi ntle selo se se itšego, le go bolela motho yo a itšego goba motho yo a itšego ka mokgwa woo. Ke no rata go e ruta ka tsela ya feela . . . go lahlela selo ka moka mmogo. Gomme—gomme le a kwešiša, a ga le? Ge nka ema fa le go re, “Bjale, Ngwanešu Neville o *bjalobjalo* le selo se *sebjalobjalo*” . . . Ge nkabe ke na le seo go bolela ka yena, ke be ke tla ya ntlong ya gagwe le go mmiletša ntle le go bolela le yena ka sona. Le a bona, ke be ke tla—ke be ke tla botša Ngwanešu Neville.

²² Eupša bjale, dipotšišo tše dingwe šedi. Bjale, ga ke tsebe ke thome kae, e no ba sehlopha sa tšona se robetše mo. E re:

25. Ke tswalano efe o bego o era mabapi le kereke ya Protestant e nago le kereke ya Katoliki?

26. Na “seswantšho sa sebata” se ra eng?

²³ Bjale, yeo e bile ye nngwe ya dipotšišo go tloga go ya go feta...mohlomongwe e bile go ya batho...Bjale, ke tla leka bokaonekaone bja ka, ka thušo ya Modimo, go di arab a bokaonekaone bja tsebo ya ka. Bjale ge A ka mpha tsebo, gobane Modimo o a tseba ke—ke nno di topa, fa mo sefaleng.

Bjale, ke tswalano efe o bego o era mabapi le kereke ya Protestant e nago le kereke ya Katoliki?

²⁴ Bjale, ke tla arab a yeo pele, Modimo a thuša. Ke boletše gore kereke ya Katoliki e be e le...Re hwetša gore leswao la sebata, bošego pele ga bja go feta, le be le swanetše go tla go tšwa Roma. A seo ke therešo? Le ka se kgone go tla go tšwa nageng ye nngwe eupša Roma. Fao ke mo e dutšego, fao ke mo e beilwego. Gomme ke rile ga ke na selo kgahlanong le batho ba Katoliki, ga go selo kgahlanong le e ka ba mang. Rena bohole re ba hwago re leka go ya Legodimong.

²⁵ Mopapa ke moisa yo motee yo a rutago, mopišopomogolo wa Canterbury ke yo mongwe, le yo mongwe, le yo mongwe, le yo mongwe; gomme ke no ba yo mongwe wa barutiši, yeo ke phetho. Ba tla ruta le go re, mohlomongwe, ke be ke le lehlanya gomme ke be ke le phošo, le go ya pele. Gomme ke na le tokelo...ge nka kgona go e netefatša ka Lengwalo. Goba ge ba ka kgona go e netefatša ka Lengwalo gore ke lehlanya, gona ke lehlanya. Eupša ge nka netefatša ka Lengwalo gore ba phošo ka peakanyong ya bona, gona e fošagetše; Lengwalo le a rereša. Gomme le no se be le lefelo le tee bjale, le swanetše go tla tsela yohle go kgabola Beibele, mogohle.

²⁶ Bjale, ke rile, “Kereke ya Katoliki e be e le mme kereke,” gomme yeo ke mnete tlwa. Kereke ya Katoliki ke mme kereke, ge go etla go mekgatlo ya kereke. Kereke ya Katoliki e bile kereke ya mathomo yeo e kilego ya bopša, go dikologa e ka ba... histori ye kaonekaone, le nago le yona ka A.D. 606, felotsoko go bapa ka kua ge botate ba pelepele, wa bobedi goba wa boraro go dikologa, wa baapostola. Ba be ba hwile gomme ba thoma go šwalalana ka go diism tše dinnyane. Gomme Baroma, go sokologeng, Mmušo wa Roma o fekeeditše mmušo, gomme ka gona kereke le mmušo di kopane mmogo le go thoma bodumedi bo bitšwago “bodumedi tšekelele.” Gomme lentšu *Katoliki* le ra “tšekelele.” Ba kgatlofaditše kereke, e bego e le lekga la mathomo bodumedi bjola, bodumedi bja Bokriste, bo kilego bja kgatlofatšwa ka go histori yohle ya lefase.

²⁷ Bodumedi bja Sejuda ga se nke bja ba mokgatlo. E be e le batho ba go lokologa. Ba be ba na le dikereke, eupša ba be ba se na le mokgatlo. Gore, Modimo o šogane le setšhaba, e sego mokgatlo. E be e le setšhaba.

²⁸ Gomme bjale. Gomme, ka gona, kereke ya Katoliki e be e le mokgatlo wa mathomo. Ka gona re topile seo ka Beibeleng go hwetša se mokgatlo wola o bego o le sona. Gomme go ya ka Lentšu la Modimo, o be o swanetše go laolwa ke monna yo motee, monna yo motee. Gomme monna yoo o be a swanetše go ba ka kerekeng ye e bego e beilwe godimo ga dithaba tše šupago ka Roma, go ya ka Beibele. Fao ga go... Gomme o be a swanetše go be a na le maatla a go buša ka go setšhaba se sengwe le se sengwe ka lefaseng, maatla a bodumedi a go buša. Ga go na le yo mongwe lefaseng.

²⁹ Gomme—gomme Bokomonisi, re hweditše, bo be bo se—bo se molwalekriste yoo Jesu a boletšego ka yena. Bokomonisi ga se—ga se setšhaba, go swana le Russia. Bokomonisi ke moya. Amerika e lewe ke wona. O ka dikerekeng, o ka go batho, o ka go kgwebo, o mogohle. Bokomonisi, moya wa bjona, o ka dikolong, o ka malapeng, mogohle.

³⁰ Gomme ka gona—ka gona ge ba kgatlofadirše kereke ye e bego e le kgahlanong... Gomme bjale re tšere Mabaka a Šupago a Kereke, le seprofeto, tlwa ka tsela ye Modimo a a tlišitšego pele go kgabola Beibele mo go rena. Gomme re hweditše ka histori le Beibele, gore lebaka le lengwe le le lengwe le tla feela go ya ka Beibele, go ya ka histori; le lengwe le le lengwe le tla ka gare feela ka nako, go kgabola mabaka a leswiswi. Gomme ka gona kereke ya Katoliki e bopile ka go Lebaka la Leswiswi.

³¹ Morago mpshafatšo ya tla pele, e lego Martin Luther. Gomme Martin Luther o bile le seetsa, seetsa gore “Moloki o tla phela ka tumelo; tokafatšo ka tumelo,” ka go—ka go mpshafatšo. Moprista wa Mojeremane yo a gannego le go bolela gore go tšea selalelo ge a se swere... Gomme ba be ba swanetše go re “wo ke mmele wa Kriste,” gomme a se lahlela lebatong gomme a re, “Sona ga se mmele wa Kriste; ke senkgwana!” Gomme kafao o ganne kereke ya Katoliki, go direng bjalo, le go tšwela ntle ka go mpshafatšo ya pelepele. Martin Luther o dirile seo, gomme wola e bile mosepelo wa go makatša.

³² Bjale, phošo, moo Luther a dirilego phošo ya gagwe, Luther o kgatlofadirše sehlopha se sengwe go no swana le ge kereke ya Katoliki e dirile, o kgatlofadirše batho.

³³ Ka gona, thwi, seetsa se seswa sa tla godimo. Gomme ge seetsa se seswa se etla godimo, Modimo o tšwetše ntile le batho ba Gagwe. Batho bao ba kgatlofadiršwego ka kerekeng ya Lutheran, ba ile ba swanela go dula le kereke ya bona gore ba be le... Seo se no swana le ge Makatoliki a swanetše go ba, eupša bontši bja Makatoliki ba tlile ntile gomme ba be ba le Malutheran. Gabotse, gona ge Wesley a etla mmogo ka molaetša wa tlhwekišo, nako yeo bontši bja Malutheran ga se ba kgone go tlogela kereke ya bona; eupša bontši bja bona ba dirile, gomme ba dirile kereke ya Wesley.

³⁴ Ka gona ka morago ga tokafatšo le tlhwekišo, go latela go tlide Pentecost. Gomme morago Pentecost, ba bantši ba tšwetše ka ntle ga Methodist, le go ya pele, gomme ba ba Pentecost gobane e be e le seetša se segologolo. Bjale Pentecost e kgatlofaditšwe feela tlwa boka ye nngwe le ye nngwe ya tšona!

³⁵ Bjale, Beibele e bolela gore... A ke mantšu a go phohla, eupša ke tla a bala go tšwa Beibeleng. Gomme theetša ngaka ya gago, goba go ya pele, go bolela se, gomme ke nna ngwanabolena ke ruta go tšwa Lengwalong. Beibele e biditše kereke ya Katoliki “mmalegogwana, seotswa, s-e-o-t-s-w-a.” Gomme O biditše dikereke tša Protestant tše di e latetšego, bomme... goba ba be ba le “bommalegogwana ba mme yo.” Gomme a tswalano e bilego, gore kereke ya Katoliki e kgatlofaditše selo le go dira batho bohole go dumela bjalo ka seetša ba bilego le sona nako yela, goba se ba bilego le sona nako yela. Malutheran ba dirile selo sa go swana. Gomme Beibele e boletše gore o be a le mosadi yo mogolo wa mohuta woo.

³⁶ Bjale ke mosadiwa mohuta mang yoo? Ke mosadi yo a phelago le go dira bootswa. Gomme dikereke di dira mabofefe a semoya le—le batho. Le a bona? Bona ba—bona ba... Beibele še yeo e rutago Ye, gomme ba dira sehlopha sa dithutotumelo le go ya pele tše di se nago selo go dira le Beibele. Gomme, ka gore, ye e ka ba mengwaga ye masomepedi *le metšo* ke eme thwi mo le go bkgopela modiredi e ka ba mang, nako efe kapa efe, go tla le go tsea... e sego pukungwalwa ya gago, thutotumelo ya gago, eupša go tla go tsea Beibele, ka go Seetša sa Beibele, le go E netefatša goba phošo. Le a bona? Yeo ke nnete.

³⁷ Gomme ka ga dithulana, ba re, “Dithulano!” Ke gafile bontši bja megolo ya dikgwedi tše pedi ge yo mongwe a ka mpontšha thulano e tee ka Beibeleng. Ga e gona. O nagana e gona, eupša ga se yona. Ge Beibele e ikganetša ka Boyona, ga ya loka le gatee, o ka se kgone go e dumela. Lentšu le lengwe le le lengwe le šušumeditšwe gomme ga go thulano ka Beibeleng.

³⁸ Bjale kereke ya Protestant, ka mokgatlong wa yona, ke (go ya ka Lentšu la Modimo) e kgokagantše selo sa go swana le kereke ya Katoliki.

³⁹ Bjale, ga ke na selo kgahlanong le batho ba Katoliki. Ba bangwe ba bagwera ba ka ba go rategarategi, ba dutše thwi mo bjale, ke dihloga tša batho ba Katoliki. Fa, bošego pele ga bja go feta, ge ke file molaetša wa go kgareetsa ka Moya wo Mokgethwa, ka Protestant le Katoliki, Mokatoliki o sepetše thwi fa mo aletareng gomme o šikintše seatla sa ka. Ke batho go no swana le ge re le.

⁴⁰ O ka se kgone go ahlaahla le baptista ba Katoliki, gobane ga ba dumele Beibele ye go ba Lentšu lohle. Ba re, “Ke kereke.” Re re, “Ke Beibele!”

⁴¹ Katoliki e re, “Rena Makatoliki re ya kerekeng le go rapela. Lena Maprotestant le dula gae gomme le bala Beibele.”

⁴² Ke rile, “Ya, le ya kerekeng le go rapela, eupša eng?” Seo ke selo sa go latela, le a bona.

⁴³ Bjale, eupša Modimo o rile O be a le ka go Lentšu la Gagwe. Le ke Lentšu la Modimo gomme ke a Le dumela. Ke nna morapedi wa Beibele. Ke ka baka leo ke gananago le Bopresetantism le—le tsela ya—ya feela mokgatlo wa kereke, gobane ba ruta dilo tše e sego Lentšu la Modimo. Kafao nka se thuše go se kwane. Ga ke lwe le bona; aowa, mohlomphegi, ke baena ba ka. Gomme ga ke lwe le bona, eupša ke ganetšana le bona gobane ke swanetše go tsea se Modimo a se bolelago le go tlogela se sengwe le se sengwe gape go ba maaka. Le a bona?

⁴⁴ Gomme bjale yeo ke kgokagano yeo . . . Gomme bjale Beibele e boletše gore mosadi yo, kereke ya Katoliki, ye e bego e swanetše go bitšwa, ka Beibeleng, Kutollo tema ya 17, “Seotswa,” gomme o be a le, “MMAGO BOMMALEGOGWANA.” Gomme re a bona gore Beibele e boletše gore *mosadi* o be a emela “kereke.” Kafao gona ge a bile le barwedi bao ba lego bommalegogwana, e ka se kgone go ba bašemane; e be e swanetše go ba barwedi, ka fao e be e swanetše go ba dikereke. Gomme Bopresetantism bo tswetšwe go tšwa go Bokatoliki.

⁴⁵ Gomme bjale ya go latela, sebata . . . Goba, selo sa go latela se se bolelago:

Na “seswantšho sa sebata” se ra eng?

⁴⁶ Ke—ke potšišo ya mohlakanelwa go yela, gomme motho yo a e botšištsegoo na le potšišo ye botse. Ke eng e dirago bjale, ge . . . Beibele ka go hlaka e ruta gore kereke ya Katoliki ke se—se sebata. Beibele e boletše gore *sebata* se ra “maatla.” A yeo ke nnete? *Sebata*, Beibele e bolela gore *sebata* se be se era “maatla.” Gomme *sebata* e be e le “Toropokgolo ya Vatican,” “tlhatlamano ya Katoliki.” Go lokile. Gomme, bjale, ao e be e le maatla a kereke ao e bego e le sebata.

⁴⁷ Ka gona kereke ya Protestant e tšwetše ka ntle ga kereke ya Katoliki, gomme ya ikaga ka boyona, maatla a mannyane. Seo ke seswantšho.

⁴⁸ Ge e ka ba eng . . . Ge se sengwe se dirilwe ka seswantšho sa ka, se tla swanela go lebega boka nna. Ge se sengwe se dirilwe ka seswantšho sa kereke ye, se swanetše go lebega boka kereke.

⁴⁹ Se sengwe se dirilwe, sebata . . . se dirile seswantšho go sebata se, e bego e le Luther-ism, Methodist-ism, Baptist-ism, Pentecostal-ism, Holiness-ism, tšona diism tšohle di bopegetše godimo ka go mokgatlo le go dira seswantšho feela boka sebata. Seo yona!

⁵⁰ Bjale, "A o re gona, Ngwanešu Branham, gore Makatoliki ohle, Mamethodist ohle, le Mabaptist ohle a ya . . . ?" Ga se ka bolela seo.

⁵¹ Go na le dikete le masome a dikete tša Bakriste ba go tswalwa gape ka dikerekeng tše. Eupša, ka mokgatlong wa bona, ba leka go ba gapela go thutotumelo, gomme ba ka se e emele. Ke—ke kereke, ge e kgatlofatša, e tla ka tlase ga thutotumelo.

⁵² Gomme ga ke na thutotumelo eupša Beibele. Ye ke Thutotumelo ya Modimo, gomme Moya wo Mokgethwa ke Mohlatholli wa Yeo, gomme O E tliša godimo go tloga go Seetša se tee go ya go se sengwe. Ebangedi ye ke e rerago lehono, ge nka phela go bona mengwaga ye mengwe ye lekgolo, ge re ka dira, go tla ba le Seetša se sentši. Feela kgafetšakgafetša, ka mehla Se a tla.

⁵³ Le be le tlwaetše go otleta ka koloi ya dipholo, rakgolokhukhu wa gago, ge a be a eya go bona makgolo. Papa o ile go bona mme ka T-Model. Eupša bjale re nyakile go ya ka sefofane sa tšete. Le a bona, re ya pele; saense, e sepelela pele; thuto e sepelela pele; Ebangedi, e sepelela pele. Gomme Beibele e rile ba tla, e rile, "Ba tla kitimela pele le morago, gomme tsebo e tla ata." Kafao ao ke makopano. Leo ke lebaka go nago . . .

⁵⁴ Dikerekemaina tša Protestant ke seswantšho sa sebata, gobane e ithereletše tlwa boka Bokatoliki bo le. Gomme Modimo ga se a tsoge a laela Kereke ya Gagwe go kgatlofatšwa ka go lebaka e ka ba lefe, eupša ka mehla o e sotše ga bohloko! Bjale a le a e hwetša? [Phuthego e re, "Amene."—Mor.] E sego batho; kereke!

⁵⁵ Ge ba leka go tliša batho ka tlase ga se—se seetša sa . . . Fa, go ka reng ge batho ba lekile go go dira go ya morago le go thoma go kitima go dikologa ka karikana ya dipholo? O ka se e emele; re phela ka go lebaka le lekaonana. Ke ka tsela yeo go lego morago fale. Ge yo mongwe a lekile go mpotša, "Oo, selo se nnoši o swanetšego go se dira ke *se, sela*." Ke phela ka go lebaka le lengwe! Ke . . . Bjoo ke bothata ka badiredi, ka mehla ba lebelela morago.

⁵⁶ Mo, rasaense wa Mofora o rile, bonnyane go feta mengwaga ye makgolotharo ya go feta, "Ge motho a ka tsoge a dira lebelo la go šiša la dimaele tše masometharo ka iri, kgogedi ya lefase e tla mo tsea go tloga lefaseng. Dimaele tše masometharo ka iri!" Gabotse, a le nagana gore saense e tla šupa morago go seo lehono? A go be kgole! Aowa, mohlomphegi. Ba mo dirile a ye e ka ba dimaele tše makgolo a senyane goba a lesome ka iri. Ya, goba dinako tše dingwe ka go rokete, gomme gona ke dimaele tše makgolo a lesometshela ka iri. Gomme ba sa mo tseela pele!

⁵⁷ Saense e tšere motho go ya pele, go ya pele kudu, dilo tše kgolwane ka monagano wa gagwe go feta se . . . Gomme seo ke

selo se nnoši a nago le sona, ke mohlare wa tsebo. Bokgojana go feta badiredi ba mo tserego ka Moya wa Gagwe, wo o se nago magomo. Eupša sese se e lego. Saense ga se e lebelele morago go se saense e se boletšego mengwaga e se mekae ya go feta; saense e tsea se ba nago le sona bjale le go sepelela pele bakeng sa se sengwe gape.

⁵⁸ Eupša o botšiša moreri; “Gabotse, re tla bona se Moody a se boletšego ka Lona, re tla bona se Wesley a se boletšego ka Lona.” Ga ke kgathale se ba se boletšego ka Lona. Ke tseba se Modimo a se boletšego ka Lona bjale. Le ke Lona, gomme ke sa ntše ke lebeletše bakeng sa se segowlane! Leo ke lona. Leo ke lebaka . . .

⁵⁹ Beibele e rile, “Meoya ye meraro ya ditšhila e tšwele molomong wa sebata.” A le a tseba ke eng? Ya “ditšhila meoya,” e rile, “boka digwagwa.” A le kile la ela hloko ka fao segwagwa se lebegago? Segwagwa ka mehla se lebelela morago, ga se tsoge sa lebelela pele; se lebelela morago, ka mehla morago, se lebelela morago.

⁶⁰ Eupša dibata tše nne tše di bilego le dihlogo tše nne tša go fapano, ka go Hesekiele, di be di lebeletše pele gomme di se kgone go ya morago. Di be di eya pele nako yohle. Mogohle di ilego, di be di eya pele ka go otloga. Le bona phapano?

⁶¹ Bjale, ao ke makopano ao Boprotestantism bo nago le Bokatolikism.

⁶² Kafao ka mehla le lahlela go Makatoliki, eupša “pitša e ka se bitše kettele ‘ye ntsho.’” Yeo ke nnete.

⁶³ Ke re, “A o Mokriste?”

⁶⁴ “Ke tla go fa o kwešiše ke wa kereke ya Baptist.” Ya. Seo ga se na bontši go dira le Yona go feta go bolela gore o be o le ntle fa go ya go . . . polasa felotsoko.

⁶⁵ “Gobaneng, ke nna wa kereke ya Katoliki.” Seo go le bjalo ga se go dire Mokriste. Go ba wa kereke ya Baptist goba Methodist ga go go dire Mokriste.

⁶⁶ Go ne tsela e tee feela go ba Mokriste. Lentšu *Mokriste* le ra “boka Kriste.” Gomme o ka se kgone go e dira, o ka se kgone go e šoma ka go wenamong, ga go tsela le gannyane o ka kgonago go e dira. O swanetše go itebala wenamong, o hwe go wenamong, le go dumelela Kriste go tla ka gare le go phela Bophelo bja Kriste ka go wena.

⁶⁷ “Ntle le ge motho . . .” Sese se Jesu a se boletšego, “Ntle le ge motho a tswalwa ka Moya le ka meetse, a ka se ke ka mokgwa ofe a tsena Mmušong.” Ge eba ke Mokatoliki, Momethodist, Mobaptist, goba e ka ba eng, o tla swanelo go kolobetšwa ka meetseng bakeng sa go tlošwa ga dibe tša gago le go amogela kolobetšo ya Moya wo Mokgethwa, goba o lahlegile. Leo ke Lentšu la Jesu Mong. Kafao bjale ge o le Momethodist, gomme o amogetše kolobetšo ya Moya wo Mokgethwa, o kolobeditšwe ka

meetseng, Jesu o rile o tla tsena Legodimong. Ge o le Mokatoliki gomme o dirile selo sa go swana, o tla tsena Legodimong.

⁶⁸ Eupša ge o no swarelala go thutotumelo yela ya kereke ya Katoliki, goba Methodist, goba kereke ya Baptist, o sa lahlegile. Gomme ke ka lebaka leo re nago le seemo ka lefaseng, re nago le sona lehono, gobane batho ba no ba tlwa... Ba re, "Seo se kgahlanong le tumelo ya ka."

⁶⁹ "A o dumela go phodišo Kgethwa?"

⁷⁰ "Seo se kgahlanong le tumelo ya ka." Seo se kgahlanong le kereke ya gago; thutotumelo ya kereke ya gago e na le seo se dirilwe, le a bona, o swanetše go dira se kereke e se bolelago. Gomme ka gona o goelela Katoliki; seo ke selo se se swanago le se ba se dirago. Gomme seo ke sebata le seswantšho sa sebata! Gomme Beibele e re, "Mang kapa mang a se tserego a ka se kgone go tsena Mmušong wa Legodimo, eupša o tla lahlelwa ntle moo dimpša le baloi, le go ya pele, gomme ba tla tlaišwa ke mollo le tshebelia, ka bogoneng bja Barongwa ba bakgethwa le Kwana, go ya go ile le go ya go ile." Tšwela ka ntle ga yona, mogwera! Loka le Modimo! Ee, mohlomphegi.

⁷¹ Gomme bjale a nke ke hwetše se. Gabotse, re tla di tloša tseleng. Bjale, yo mongwe o mpotšišitše lehono; makga a mabedi goba a mararo ke botšišitšwe yona.

27. Ngwanešu Branham, go bolela ka "leswao la sebata," a ga o dumele ba tla ngwala nomoro mo hlogong ya gago, goba go ngwala se sengwe seatleng sa gago? Aowa, mohlomphegi! O se tsoge wa lebelela seo.

⁷² E tla ba kiletšo! Nnete! "Ga go motho a ka rekago goba go rekiša ntle le ge e le wa mohlakanelwa wa dikereke." Yeo ke therešo. Bjale, e tla tla bjalo ka kopano, go kopanya selo, go e tliša fase ka go bodumedi bja go kopana. Maraka lentšu la ka, ga e kgole! Le tla e bona, o no ba go dikologa sekhutlo.

⁷³ Lebaka le o sa tsebego dilo tše, o mo gae nako yohle. Ntatele godimo ka go dinaga tše moo Bokatoliki bo laolago, nako ye nngwe, le go bona se se diregago. Ngwanešu, ba ba botša sohle se ba ka se dirago le se ba sa se dirego.

⁷⁴ Gomme mo Beibele e bolela gore United States, re e topile ka seprofeto, e tla godimo boka *kwana*, "tokologo ya bodumedi," gomme thwi ba kopane le dilo tšela mmogo, gomme o boletše boka terakoni gomme o dirile maatla a go swana terakoni e bilego le wona pele ga gagwe. Yoo ke U.S.A.! Yeo ke nnete.

⁷⁵ Modiredi o rile go mna e sego telele go fetile, mogwera wa ka, o rile, "Ngwanešu Branham, Modimo a ka se tsoge a tlogela United States go wa, ka baka la motheo wa botatemogolo ba yona, ba thomilwe ka bodumedi."

⁷⁶ Ke rile, "O dumeletše Bajuda; kgonthe go rwalelwa kgole, gomme ba bile le go ema go go kaonana kudu go feta re bile." Yeo

ke nnete. Modimo ga a hlomphe moloko tsoko woo o fetilego; e ba gore o sepela mothalo goba o ka ntle ga Mmušo, seo ke phetho. Therešo! Seo gabotse se makgwakgwa, eupša seo se go loketše. Yeo ke nnete. Ke Lengwalo. Gomme re ne, re . . .

⁷⁷ Bothata bja ntshe ke, lehono . . . Ba bangwe ba lena batala le tseba se. Re na le boebangedi bjo bontši kudu bja Hollywood. Yeo ke nnete. Bontši kudu bja seo le bontši kudu bja maleatlana le go ya pele, bontši bja matsaka le se sengwe le se sengwe boka seo, le go letša dinaka, le go ya pele; le, “Ke mang a tla emago le go amogela Kriste bjalo ka Mophološi wa sebele? Modimo a go šegofatše, ngwanešu, o ya Legodimong thwi bjale.” Ao ke maaka! Ao ke maaka!

⁷⁸ “Ntle le ge motho a tswalwa gape!” Gomme ge a tswetšwe gape, Tšhegofatšo ya go swana ye e ttilego go yena fale e tla tla go yena mo. Gomme re kgabotsé yeo, gape le gape, le go kgabola Mangwalo mo bekeng ya mafelelo. Gomme re hwetša gore ka go batho ba Bohlabela, ge Moya wo Mokgethwa o wetše godimo ga Bajuda, e bego e le ba bohlabela, batho ba Bohlabela, Moya wo Mokgethwa o wele ka maswao a magolo le diponagalo. Beibele e boletše gore go tla ba gabotse na—na nako mo e sa kgonego le go bolela, go swana le leswiswi goba letšatši. E be e le mohuta wa letšatši la maru, go tokologela pele go fihla karolo ya mafelelo ya mantšiboa. Gomme ka gona letšatši le tla tla ntle metsotso e se mekae ka mafelelong, mantšiboa. “Go tla ba Seetša mo mantšiboeng.” A yeo ke nnete? Gabotse, bao ke batho ba Bodikela, Bantle, ba amogela Moya wo Mokgethwa wa go swana wo Bajuda ba o amogetšego morago kua, ka maswao a go swana le diponagalo. Yeo ke yona.

⁷⁹ Gomme, ka nnete, batho, lefase le ya go go bitša “lehlanya, le phatlogile hlogo.” Beibele, Jesu o rile ba tla e dira. Le batho ba moswananoši, gomme ga le maarogi ka gore Le fapano kudu.

⁸⁰ Ke e etše hloko ka boagišaneng bja ka mong ka gae, batho fale. Bona, ebile le bana ba ka ba bannyane; re leka go ba boloka ba hlwekile le go phela go hlomphega ka mo go ka bago, eupša le ka šetša baagišani ba dira phapano ka go bana. Le a bona? Ba dira phapano.

⁸¹ Gomme ke a tseba, ke na le tsela ya go tseba dilo (gomme le tseba seo, le e bone ka kopanong), go tseba gore badiša ba toropokgolo ba re, “Gabotse, bjale, Billy ke mošemané wa go loka, ga re na selo kgahlanong le yena. Eupša, le a bona, lela e no ba legoro le lennyane la go fapano la batho go feta se re lego.” Leboga Modimo! Yeo ke nnete. Leboga Modimo! Leo ke Leswao. Leswao le re bolelagoo ka lona šeleo.

⁸² Lebelelang, bosegong bja go feta, ge Moya wo Mokgethwa o akanyeditšepele, mengwaga ye makgolosenyane pele Bajuda ba amogela Moya wo Mokgethwa, le go ba botša se e tla bago. “Lenaka la enke, monna ka lenakaenke ya mongwadi o ile go

kgabola bogare bja Jerusalema gomme a bea leswao phatleng ya bona.” A yeo ke nnete? Go boletšwe ka Yona pele kereke e ahlolwa ke Modimo. Gomme Tito o dikaneditše maboto a Jerusalema, ka A.D. 96, gomme a tšhuma toropokgolo. Gomme go be go se letlapa le tee le tlogetšwego godimo ga le lengwe le tee, go ya ka seprofeto. Gomme, lehono, selo se nnoši ba se tlogetšego sa tempele ke leboto la kgale le robetše kua moo ba kgobokantšego matlapa, gomme le fogohlwa go thelela moo Bajuda ba llago le go golola fale mo Lebotong la go Golola, selo se nnoši se šetšego sa tempele. Gomme Moslem wa Omar o eme lefelong la go swana.

⁸³ Gomme Jesu o rile, “Bjalo ka ge go boletšwe ke moprofeta Daniele; ge le bona makgapha ao a dirago tšhwelalanyo a eme lefelong le Lekgethwa,” gona O thaletšwe, ka mašakaneng, “(a nke yo a balago a kwešiše.)” Le a bona? Yeo ke nnete. E be e le fao. Gomme O boletše ke letšatši a makae . . . dinako e tla bago go fihla Bantle ba tla . . . lebaka la ripša; ba gataketše maboto fase, nako yeo Modimo o tla boela go Bajuda. Gomme re thwi mo nakong yeo! Bajuda šeba ba boela morago, ka dikete, mo mengwageng e se mekae ya go feta. Gomme le tseba ka fao re ilego go e kgabola bošengong bja go feta, ka fao Lengwalo ka phethagalo . . . feela boka go bala kuranta, le go hlaka kudu gobane le hwetša go kwagala go tšwa go Yona nako yeo.

⁸⁴ Eupša, go le bjalo, Leswao le le bego le beilwe godimo ga hlogo ya bona le be le se la ngwalwa. A le be le le? Le be le le eng? Kolobetšo ya Moya wo Mokgethwa. Gomme ke eng Leswao le le yago go ba la letšatši le la mafelelo? Beibele e rile, “Leswao la Modimo e be e le kolobetšo ya Moya wo Mokgethwa, bakeng sa batho ka letšatšing la mafelelo.” Bjale ga go na . . . Baefeso 4:30, “Kagona le se ke la nyamiša Moya wo Mokgethwa wa Modimo wo le swailwego ka wona go fihla letšatši la topollo ya lena.” Beibele e a bolela. Gomme Baefeso 1:13 e bolela selo sa go swana, mafelo a mantši a mangwe, gore “Moya wo Mokgethwa ke Leswao la Modimo.”

⁸⁵ Leswao ke eng? Leswao le ka se kgone go bewa godimo ga eng kapa eng go fihla se felelela. Malutheran ba be ba se ba swaiwa, letšatši la lebaka la mogau le be le se la felela; ba be ba rera tokafatšo. Mamethodist ga se ba swaiwa. Ke tla go potšišo fa; re tla tla go yona gannyane—gannyane moragwana. Ba se ba swaiwa, gobane e be e se ya felela. Eupša kolobetšo ya Moya wo Mokgethwa ke mafetšo a mediro ya Modimo!

⁸⁶ O rile “Go ne ba bararo ba ba beago bohlatse Legodimong: Tate, Morwa, le Moya wo Mokgethwa, gomme ba bararo ba ke Batee.” O ka se kgone go ba le Tate ntle le Morwa, Morwa ntle le Moya wo Mokgethwa, ke ba Batee.

⁸⁷ O rile, “Go ne ba bararo ba ba beago bohlatse lefaseng: meetse, Madi, Moya, gomme ga se bona batee eupša go dumelelana ka go setee,” ke lena bao, “ka go go swaya gwa go

felela go go tee.” Tokafatšo ka tlase ga Luther, meetse; tlhwekišo ka Madi.

⁸⁸ Tokafatšo e be e le Baroma 5:1, “Kagona ka go lokafatšwa ka tumelo re na le khutšo le . . . Modimo ka Morena wa rena Jesu Kriste.” Tokafatšo ka tumelo!

⁸⁹ Tlhwekišo go ka Madi, Bahebere 13:12 le 13, “Jesu o tlaišegile ka ntle ga kgoro gore A hlwekiše batho ka Madi a Gagwe Mong.”

⁹⁰ Luka 24:49, “Bonang, Ke romela tshepišo ya Tate wa Ka godimo ga lena, eupša lena letang ka toropongkgolo ya Jerusalema go fihla le hlamišwa ka Maatla go tšwa Godimo.” Ditiro 1:8, “Ka morago ga se Moya wo Mokgethwa o tlie godimo ga lena, gona le tla ba dihlatsa tša Ka ka Jerusalema, Judea, Samaria, le dikarolong tša kgolekgole tša lefase.” Kolobetšo ya Moya wo Mokgethwa e be e le ya mafelelo go fihla Jesu a bowa gape! “Lebakana le lennyane gomme lefase ga le sa Mpona gape, efela lena le tla Mpona gobane Ke tla ba le lena, le ka go lena, go fihla bofelong bja lefase; go dira di—di dilo tše Ke di dirago, le tla di dira le lena.” Ka Moya wa Gagwe o šoma ka Kereke! O rile, “Le tla dirwa metlæ.” O rile, “Ba Mpeditše, Mong wa ngwako, ‘Beletsebubu,’ kgoši ya babolelelamahlatse,” o rile, “ke bontši gakaakang ba tla ba bitšago ba lapa la Gagwe bjale?” O rile, “Ba lehlogonolo ke lena ge motho a tla bolela mekgwa yohle ya dilo ka lena, hhalalang le thakgaleng gagolo, gobane moputso wa lena ke wo mogolo Legodimong; ka gobane baprofeta ba ba bilego pele ga lena ba tlaišitšwe bjalo.”

⁹¹ Leo ke Lengwalo, le a bona. Šele Lona. Kafao, le a bona, o no swanela go ba le Lona, mogwera. Bjale o swanetše go dira kgetho ya gago; o moemedi wa tokologo ya maitshwaro.

⁹² Eupša yeo ke makopano le kereke ya Protestant le kereke ya Katoliki. Mmogo bona ke bobedi, go ya ka Beibele . . . ba ba swerego feela kereke; e sego Jesu, bjale, go kereke. Batho ka kerekeng ba ba swareletšego go Jesu Kriste le go rapela Modimo go bula tsela le go ba dira . . . go ba fa Seetša, motho yoo o pholosítšwe, ga ke kgathale ke kereke efe a lego ka go yona. Yeo ke nnete. Eupša ge a no swarelela go kerekeline ya gagwe, o tšere leswao la bokgelogi, le le tšeago lefelo la kolobetšo ya Moya wo Mokgethwa. Kgahlanong! Gomme Katoliki le Maprotestant, bobedi go swana, Beibele e rile, “O be a le seotswa; ba be ba le bommalegogwana, barwedi ba gagwe.” A seo se hlakile bjale? Go lokile.

28. Kafao wo Mokgethwa . . . A Moya wo Mokgethwa o sa fiwa ka go bewa ga diatla? Barutiwa ba dirile se, Petro, Paulo, le go ya pele, gomme a go sa kgonega? Paulo o O amogetše ka mokgwa wo.

⁹³ Ee, ngwanešu morategi, kgaetšedi, mang kapa mang a ngwadilego no—no noute. Moya wo Mokgethwa ka go felela o tla amogelwa ka go bewa diatla.

⁹⁴ Bjale, batho ba bantši ba mpitša . . . bjalo ka ge ke swailwe bjalo ka Mopentecostal, ba re ke be ke le Mopentecostal. Ga se ka ke ka ba wa mokgatlo wa Pentecostal. Ka go felela ke lokologile go tšwa go mekgatlo yohle, gomme ka thušo ya Modimo ke nepile go dula ka tsela yeo, gobane nka kgona go ema thwi magareng le go re, “Rena re banešu! Etlang fa, a re tleng re sekišaneng mmogo.”

⁹⁵ Ge la mathomo ke thomile morago kua, ka mogau wa Modimo . . . Gomme lena batho fa, le bangwaledi ba ka le bona ba dutše fa ba tseba, nka kgona go kgokagana le batho ba milione tše lesome, goba go feta, ka lefaseng lehono. A mokgatlo o ka thongwago! Le a bona? Yeo ke nnete. Eupša ga ke nyake mokgatlo, o kgahlanong le Beibele. Ke leka bokaonekaone bja ka go dira batho ba phološwe bao ba lego ka mokgatlong. Seo ke selo. Gomme khuetšo ye Morena a mphilego le batho, ka kgonthe ke tla e šomišetša letago la Gagwe sebakeng sa go e bea go mokgatlo wo itšego. Ke tla e bea godimo ga Jesu Kriste mo e lego ya gona. Ga go mokgatlo wo o ka kgonago go go phološa; go tšeia Madi a Jesu Kriste.

Eupša bjale, go beeng ga diatla, bjale, ke ya go fapana le . . .

⁹⁶ Bjale, lena batho ba go ratega ba Pentecostal, bjale le se wele ntle le nna. Eupša bjale ge o etla go lefelo go re, “Re tla ya go letela Moya wo Mokgethwa,” a lentšu le le šomišitšwego ka go Pentecost!

⁹⁷ Gomme ke tla bolela se ka . . . go se gobatše maikutlo a lena. Thekgo ye kgolokgolo ke nago le yona mo tšhemong ke batho ba Pentecostal, gobane ba dumela molaetša wa phodišo Kgethwa le maatla a Modimo. Ka moka ga bona ba šonya nko ya bona go Yona.

⁹⁸ Eupša feelsa batho ka batho ka ntle ga kereke, bao ba kgethetšwegopele go ya Bophelong bjo Bosafelego, ba tla tla. Yeo ke phetho. Eupša bale ba sego, ba ka se tle; gomme Modimo o boletše bjalo, o rile, “Ba be ba kgethetšwepele go ahlolwa.” Ga A rate gore e ka ba mang a lahlege, eupša, go beng Modimo, O bone ba tla E ahlola. Kafao seo—seo ke sohle, O e bonetšepele. Gomme seo ke se tsebelopele ya Modimo e lego, go bona dilo tšeio. Gomme O akanyeditšepele Kereke feelsa moo e tla bego e eme thwi go lona letšatši le. Gomme Modimo o e tsebile go tloga mathomong. Pele ga motheo wa lefase, O tsebile kereke e tla ba feelsa ka tsela ye e lego lehono. O tsebile pele ga motheo wa lefase ke tla be ke eme ka phuluphithing ye bošegong bjo. Yena ke Modimo; O tseba bofelo go tloga mathomong.

⁹⁹ Bjale, bjale, batho ba Pentecostal ba rutile . . . Bjale, go molaleng ke tla hwetša bontši morago go Ye, eupša ke swanetše go botega ge ke swanetše go tla go Lentšu. Ga go selo se sebjalo bjalo ka “kopano ya go leta.” Le bile phošong. Go leta ga go re “go rapela.” Go leta go ra “go emela.” Ka

morago ga thotogelo, ka morago ga ge Jesu Kriste... papolo, go hlwekišwa ga sekgethwa. Gomme ka morago ga Letšatši la Poelano, tsogo... Letšatši la Poelano, ge A bolailwe, gomme morago ke matšatši a masomenne go fihla thotogelong, gomme morago ke Pentecost. Lentšu *pentecost* le ra “masometlhano,” le be le era matšatši a masometlhano ka morago ga moneelo wa Poelano.

¹⁰⁰ Gomme ka gona ka morago ga ge Poelano e neetšwe, se sengwe le se sengwe se be se swanetše go tšwela ntle ka go phethagala, ka lengwalo, ka thutalefase, se sengwe le se sengwe feela bjalo ka ge Modimo a boletše. Gomme Pentecost, e be e le nako ya mogobo, ge ba tlišitše dikenywa tša mathomo tša puno ka gare gomme ba bile le mogobo.

¹⁰¹ Bjale, dikenywa tša mathomo tša—tša Kereke, Kereke ya Moya wo Mokgethwa, Kereke ye e bego e swanetše go fetša mengwaga ye dikete tše pedi go fihla Jesu a etla, kenywa ya mathomo e tlide ka Pentecost. E bile matšatši a lesome pele ga nako ya Pentecostal; e bile matšatši a masomenne ka morago ga tlhwekišo, ka morago ga go bolaya sehlabelo, go fihla thotogelo ya Jesu Kriste. O rile, “Rotogelang Jerusalema gomme le lete go fihla le hlamišwa ka Maatla go tšwa Godimo.” Ditiro 1...

¹⁰² Ditiro 2, “Gomme ge Letšatši la Pentecost le tlide ka botlalo, ba be ba le kwanong e tee, lefelong le tee. Gomme ka pelapela go tlide go tšwa Legodimong modumo boka phefo ye e tšutlago ye maatla, ya tlala ntlo yohle moo ba bego ba dutše. Gomme bohole ba ile ba tlatšwa ka Moya wo Mokgethwa, le go thoma go bolela ka maleme a mangwe, bjalo ka ge Moya o ba file polelo.”

¹⁰³ Gomme ka gona lefase la bodumedi, ka ntle, dikereke tše kgolo tša orthodox, di tlide godimo le go bona batho bale ba thekesela le go dira boka batho ba go tagwa. Gomme ba tlide godimo le go ba sega le go dira metlæ ka bona, ba rile, “Lebelelang sehlopha se sa Bagalelia! Bohle ba tagilwe!” Le bona go se kwešiše?

¹⁰⁴ Gomme go mogwera wa ka wa Katoliki, kgarebe ye e šegofetšego Maria o be a na le bona. Gomme ge Modimo a sa ka a mo dumelele go tla Legodimong ntle le go amogela Moya wo Mokgethwa le go ba ka mokgwa wola, a o nagana o tla fihla fale e ka ba eng go hlaetša, kgaetšedi? Aowa. Kafao a re fologeng pere ya rena ya godimo, a re fologeng.

¹⁰⁵ Le se ke la bea šedi go se lefase le swanetšego go se bolela. Lebelelang se Modimo a swanetšego go se bolela! Le ke Lentšu la Modimo. Re swanetše go le aga go ya ka polane *ye*, gobane O rile go Petro, “Godimo ga leswika le Ke tla aga Kereke ya Ka gomme dikgoro tša hele di ka se fenye kgahlanong le Yona.” Se sengwe le se sengwe gape se tla direga. Go bontšhitše dikgoro tša hele di tla ba kgahlanong le Yona, eupša e ka se fenye. Gomme batho ba nagana ba ka kgonia go E emiša? O ka kgonia go emiša letšatši ka

pela. Yeo ke nnete. O ka se kgone go E emiša. Modimo o E beile go ya pele.

¹⁰⁶ Mo ge la mathomo ke sokologile, ebile le mme wa ka wa go šokiša morago kua o naganne ke be ke gafa. Mmatswale wa ka o rile, "O swanetše go romelwa godimo go lefelo la digafa." Bareri ba toropokgolo ba rile, "O tla swa lore gabotse ka pela." Ke be ke eswa nako ye telele. Ke go swa ka semoya, bokaonana nako yohle. Gobaneng? E ka se kgone go swa lore, Ke Modimo! Go na le go swa lore, E phatlaletše go dikologa lefase bjale.

¹⁰⁷ Feela selo sa go swana A se boletšego ge ke kolobeditše thwi tlase fa go Noka ya Ohio, bontši bja lena le be le eme fale, mengwaga ye masomepedi tharo ya go feta, thwi ka Nokeng ya Ohio. Seetša sela, Morongwa, a etla thwi tlase go moo re lego, gomme o rile, "Bjalo ka ge Johane Mokolobetši a romilwe bakeng sa pulamadibogo ya go Tla ga pele ga Jesu Kriste, Molaetša wa gago o tla tliša go Tla la bobedi ga Jesu Kriste." Gomme e e dirile. E . . . Yena ga se a be a tla gabjale, eupša lebelelang se o se dirilego, o swietše lefase, go dikologa. Le a bona? Gomme lehono bjale, e no naganang, gomme ma—ma matsapa ao a ilego pele, fao ka nnete go bile dimilione.

¹⁰⁸ Ebile le *Sunday Visitor* ya Katoliki e boletše ka yona, go dimilione tše kae tše di tlidego ka gare tikologong, feela tša matsapa.

¹⁰⁹ Ba bangwe ba a kwa, ba re, "Yeo ke Therešo! Ke loketše go rekiša ntłe thwi bjale, go dilo tše tša lefase, le go ya go rera Ebangedi ya kgonthe."

¹¹⁰ Gomme leo ke lebaka ba re bitšago "Ebangedi ya go tlala," ba dira metlae ka Ebangedi ya go tlala. Eupša, ngwanešu, ga ke nyake seripa sa selo, ke . . . e swanetše go ba selo ka moka, go nna. Ge karolo ya Yona e lokile, ka moka ga Yona ke e lokile. Ebangedi ya go tlala!

¹¹¹ Bjale, hlokomelang, Moya wo Mokgethwa o tla morago fale. Batho ba Pentecostal ba letile, "Gomme ka pelapela fao go tlide modumo go tšwa Legodimong boka phefo ye maatla e tšutlagó, wa tlala ntło moo ba bego ba dutše."

¹¹² Ga go nako e tee ba kilego ba swanelo go leta ka morago ga seo. Ge Petro a sa bolela Mantšu a go Bantle, Moya wo Mokgethwa wa wela godimo ga bona, ebile pele ba kolobetšwa. A yeo ke nnete? Ge, Ditiro 10:49 . . .

Eupša ge Petro a sa bolela mantšu a, Moya wo Mokgethwa wa wela godimo . . . bona ba ba kwelego lentšu.

Gomme bona ba lebollo . . . ba bantši ba ba tlidego le Petro ba be ba maketše, gobane . . . go Bantle . . . go tšholletšwe ntłe mpho ya Moya wo Mokgethwa.

*Ka gore ba kwele ba bolela ka maleme, le go godiša
Modimo. Morago Petro o rile,*

*A motho a ka kgona go thibela meetse, go boneng gore
ba ba swanetše...ba amogetše Moya wo Mokgethwa
boka re dirile mo mathomong?*

*Gomme o letile le go kol-...a ba laela go kolobetšwa
leineng la Jesu Kriste!...*

¹¹³ Yeo ke nnete; ga go go leta, ga go go leta. Tsela ya boapostola, Modimo o be a se a bea molao; ge pelo e swerwe ke tlala, O tla go fa se o se swaretšwego ke tlala. Ge o nyaka Moya wo Mokgethwa, O ka kgona go wela godimo ga gago thwi bjale.

¹¹⁴ Petro, ge a ile tlase go rera, Petro o be a swere dikgonyo tša Mmušo. Ke na le potšišo go tla go seo metsotsong e se mekae. O be a swere dikgonyo tša Mmušo. O O buletše go ntlo ya Koronelio. O O buletše, tlase go Basamaria, o O buletše godimo fa; eupša elelwang gore Filipi o be a ile tlase kua gomme a ba rerela gomme a ba kolobetša Leineng la Jesu Kriste, gomme Petro o tlie fase gomme a bea diatla godimo ga bona. Gomme, bjale, o dirile se sengwe, go moloi yola tlase fale...Ba bile le Simone wa moloi, o rile, “Ke tla le fa tšhelete ye nngwe, go mpha Mpho yeo, gore mang kapa mang ke beago diatla tša ka godimo ga gagwe a amogela Moya wo Mokgethwa.” A yeo ke nnete? Se sengwe se diregile! (E sego ba bangwe ba bapišopobagolo ba ka kholoro ya bona e retologetše go dikologa ka morago, ba tla go dikologa gomme ba bea diatla godimo ga bona, o rile, “Ke go fa tšegofatšo ya boapostola.”) Se sengwe se diregile ge Petro a beile diatla tša gagwe godimo ga bona; gomme ge ba sa dira le bjale.

¹¹⁵ Ke ba bone ba no wa boka dintšhi ka mokgwa woo, ge Moya wo Mokgethwa o ba ratha, ka go bewa diatla. Ee, yeo ke—ke thuto ya boapostola ya go bea diatla. Modimo a le šegofatše. Ge le fapano gannyane go tšwa go seo, e nong go nngwalela noute gosasa bošego. Go lokile.

29. **Ge pedi tharong ya batho ba lefase ba kwele...ba se ba kwa Ebangedi gabjale, Lentšu la Ebangedi, ke bontši gakaakang bo dirilego...**

Kgopela tshwarelo. E ngwadilwe ka enke, gomme ke be ke fufulelwa mo gomme o kitimela ka go yona. A re boneng.

Ge eba pedi tharong ya batho ba lefase ga se ešo ba kwa Ebangedi, Morena wa rena a ka tla bjang bjale, ka gore ba be ba se ba kwa Ebangedi, pedi tharo ya bona?

Gabotse, yeo ke nnete tlwa. Ke tla le botša se ke se naganago.

¹¹⁶ Fa e se kgale botelele, ge Ngk. Reidhead, Mopresidente wa Sudan Mission, ye kgolokgolo ya go tlala...ye kgolokgolo ya boapostola...Aowa, ke kgopela tshwarelo. Boromiwa bjo bogologolo bja motheo ka lefaseng, Sudan Mission. Ngk.

Reidhead, ka dignata tše dintši kudu go fihla ebile a sa tsebe ke dignata tše kae di bilego godimo ga gagwe, o tlile ntlong ya ka godimo kua, gannyane ka godimo ga ngwaga le dikgwedi tše tshela tša go feta. Gomme o eme ka ntlong ya ka, yena le Hyman Appleman yo, modiredi yo wa Baptist yo a amogetšego Moya wo Mokgethwa bjale le go rera tlase ka Mexico. Gomme o tlile ntlong. O rile, “Ngwanešu Branham,” o rile, “a o šogana le Mapentecostal?”

Gomme ke rile, “Ee, mohlomphegi.”

Gomme o rile, “Ke nna Ngk. Reidhead.”

Ke rile, “Ke thabile go go tseba. A o tla tla ka gare?”

O rile, “Ee, mohlomphegi.”

¹¹⁷ O dutše fase, a re, “Ke nyaka go go botšiša se sengwe.” O rile, “Ke a kwešiša gore o be o hlomamištswa ka kerekeng ya Baptist.”

¹¹⁸ Ke rile, “Yeo ke nnate.” Ke rile, “Ke tšwa go yona,” ke rile, “gobane ga se ke kgone go emelana le yeo. Ke—ke dumela go rera se Beibele e se bolelago, e sego se kereke ya Baptist e se bolelago. Gomme ga ke na selo kgahlanong le kereke ya Baptist, di no ba gabotse bjalo ka kereke efe kapa efe ye nngwe.” Gomme ke rile, “Ke tšwa go yona gore ke kgone go lokologa.”

O rile, “Gabotse, ka nnate, o a tseba re Baptist.”

Gomme ke rile, “Ee, mohlomphegi.”

¹¹⁹ Gomme o rile, “Ke nyaka go go botšiša se sengwe. Go reng ka kolobetšo ye ya Moya wo Mokgethwa?” O rile, “Ke bile ka gare gomme ke ba bone ba raga ditulo le go tiba le go goelela le go tšwelapele.”

¹²⁰ Ke rile, “Ke bone tšohle tše, le nna.” Eupša ke rile, “Ngwanešu, ka morago ga yona yohle, go ne athekele ya kgonthe ya mmapale ya kolobetšo ya Moya wo Mokgethwa.”

¹²¹ Gomme o rile “Ngwanešu Branham, a nka kgona go O amogela?” O rile, “Ke na le ditlhompho tše ntši kudu!” O rile, “Ke nna Ngaka, ke nna se, ke na le Ph.D. ya ka, ke na le Grata ya ka ya Bachelor, ke na le mohuta wo mongwe le wo mongwe wa grata le dignata tša tlhompho go tšwa gohle go ditšhaba, le dilo boka tše,” o rile, “gomme Jesu Kriste o kae?”

¹²² Ke rile, “Gabotse, ngwanešu, O thwi fa ka kamoreng.”

¹²³ O rile, “Ke eme le go bolela le Mohammedan wa go kgwahla, a sa tšo rutwago ka Amerika, gomme ke rile, ‘Gana moprefeta wa gago wa kgale wa go hwa gomme o amogele Morena Jesu yo a tsogilego.’ O rile, ‘Mohlomphegi yo botho, ke eng Morena Jesu yo a tsogilego a ka ntirelago e ka ba eng go feta Mohammed wa ka a ka e dirago?’ O rile, ‘Bobedi bja bona ba ngwadile Dibeibele, re a e dumela.’ O rile, ‘Bobedi bja bona ba hwile.’ Gomme o rile,

‘Gomme bobedi bja bona ba tshepišitše bophelo ka morago ga lehu, go rena, gomme re a bo dumela.’¹²⁴

¹²⁴ O rile, “‘Oo, eupša, o a bona,’” o rile, “‘rena Bakriste re ne lethabo.’”

¹²⁵ “O rile, ‘Re dira bjalo.’ O rile, ‘Ke kgona go tšweletša feela bontši bja saekolotši bjalo ka ge le kgona.’” Gomme yeo ke nnete. “O rile, ‘Gabotse, lebelela, Mohammed wa rena . . . O tleleimile Morena Jesu wa gago o tsogile go tšwa bahung.’”

¹²⁶ Gomme Ngaka Reidhead o rile, “‘Gobaneng, O dirile!’”

¹²⁷ “O rile, ‘E netefatše!’ O rile, ‘E netefatše!’ O rile, ‘Le bile le mengwaga ye dikete tše pedi go e netefatša, gomme feela e ka ba tee tharong ya lefase e kilego ya kwa ka yona.’ O rile, ‘A nke Mohammed wa rena a tsoge go tšwa bahung gomme lefase ka moka le tla tseba ka yona matšatši a mabedi.’” O a rereša. “O rile, ‘Mohammed wa rena ga se a ke a re tshepiša selo eupša bophelo ka morago ga lehu.’ O rile, ‘Morena wa Gago Jesu o go tshepišitše, le lena barutiši, gore tšona dilo tše A di dirilego le tla di dira le lena.’ Gomme o rile, ‘A re boneng lena barutiši le tšweletša seo bjale, gomme,’ o rile, ‘re tla dumela O tsogile bahung.’”

¹²⁸ A re, “Ngwanešu Branham, ke gogobišitše leoto la ka ka leroleng ka mokgwa *woo* gomme ka fetola taba.” Ka digrata tšeō tšohle! Gobaneng? Modimo o kae ka go digrata tšela? Modimo ga a tsebje ka diPh.D., le diD.D., le diL.D., le go ya pele.

¹²⁹ Modimo o tsebja ka tumelo ye bonolo, ka kolobetšo ya Moya wo Mokgethwa. Yeo ke tsela e nnoši. Modimo ka go wena, go fihla A go tlisa “morwa wa Modimo,” o fetola tlhago ya gago. Gomme sona selo sa go swana, Modimo Mohlodi Yo a dirilego dilo tšohle le go bolela lefase go ba gona ka Lentšu la Gagwe, wona Moya wo o swanago ka go wena, o dumela se sengwe le se sengwe Modimo a se bolelago. Gomme ga se gona se sa kgonagalego; o a Le dumela.

¹³⁰ O ka se eme morago go thutotumelo e tee ye nnyane le go re, “Ga ke, ga ke kgone go amogela Woo. Ga ke kgone go dumela Modimo o tla dira se. Ga ke kgone go dumela.” O lekanyeditše Modimo ka gosedumele ga gago! Yeo ke yona.

¹³¹ Kafao Ngk. Reidhead o eme fale, o rile, “Ngwanešu Branham, a motho a ka amogela, ka kgonthe, Moya wo Mokgethwa?”

¹³² Ke rile, “Ee, mohlomphegi, Ngk. Reed- . . . , o ka kgona.”

¹³³ O rile, “Ge Modimo a tseba pelo ya ka; gomme ke a go dumela, go tsebeng; le ka tlase ga tšušumetšo gonabjale, ke nyaka o . . . A o a dumela ke bolela therešo?”

Ke rile, “Ke a tseba o a dira!”

O rile, “Ke swanetše go O amogela bjang?”

Ke rile, “Khunama.”

¹³⁴ Gomme o khuname kua tafoleng ya kofi ya kgale. Ke nno topa go tšwa godimo mo. Monna o dutše morago kua yo a e lokišitšego nakwana ya go feta godimo mo. A dutše fale, a thuba galase ka godimo ga yona ge a kwatame fase. O rile, “Modimo, eba le kgaogelo go soulo ya ka ya sebe.” Gomme ka bea diatla godimo ga gagwe, gomme kolobetšo ya Moya wo Mokgethwa ya tla godimo ga gagwe thwi fao. Seo ke therešo.

¹³⁵ Gomme o nno tšhuma kereke yela ya Baptist mogohle bjale, go bohole ba bona ka gare tikologong kua. Šeo yona. Ee, mohlomphegi.

¹³⁶ Ebangedi e ka se kgone... Jesu a ka se kgone go tla go fihla...

¹³⁷ Theetšang! Re fetišitše dikwalakwatšo gohle go dikologa godimo ga lefase. O ka se kgone go ya go khona ye nngwe le ye nngwe ye nnyane ntle le ge fao go bile dithereke di fetišitšwe, yo mongwe o tla go kgabola fao ka thutabomodimo. O ya mošwamawatle lehono gomme o ipitša wenamong “moromiwa,” gomme ba šetše ba go sega. Sepelela ka India gomme o re, “Ke nna moromiwa.”

¹³⁸ “Gabotse, o ya go re ruta eng?” Ba tseba kudu ka Beibele go feta... Ba bangwe ba digotlane tša bona godimo kua ba tseba kudu ka yona go feta ba bangwe ba barutiši ba bona mo ka Amerika ba tsebago ka yona. Ka morago ga tšohle, ke Puku ya Bohlabela. Gomme, elelwang, ba bile le Ebangedi makgolo le makgolo le makgolo a mengwaga pele Amerika e ka tsoge ya ba gona. Mokgethwa Thomas, kereke ye kgolo yeo a rerilego ka go yona, e sa eme lehono ka India. Ga ba hloke ye e itšego ya thuto ya gago, ba tseba tšohle ka yona. Ba rile, “O ya go re ruta eng?”

“Gabotse, re baromiwa ba Amerika.”

¹³⁹ “O ya go re ruta eng, mokgwa wa go nwa wisiki? Seo ke se lena bohole le se dirago godimo fale ka dikerekeng tša lena! Go kgoga disekerete? O ya go re ruta go hlala basadi ba rena bjang, le go ya pele?” O rile, “Ge o eya go dira seo, ga re se nyake.” Gomme o rile, “O tla tla godimo mo ka thutamodimo tsoko ye mpsha goba se sengwe le se sengwe, o ya go leka go re ruta le lengwe la Lentšu, re tseba kudu ka lona go feta ka mo o dirago.” Gomme seo ke therešo. O rile, “Eupša ge o etla go bonagatša se Lentšu le se bolelago, re tla Le amogela.” Amene! Ke lena bao. Seo ke selo se ba se swaretšwego ke tlala.

¹⁴⁰ Maraka Lentšu la ka, Le ngwale ka matlakaleng a gago a Beibele ya gago, ka gore Ke O RIALO MORENA, “Elelwang, ge re tsokama ka India, le ya go kwa ka masome a dikete atiša ka dikete ba phološwa.” Moya wo Mokgethwa o E boletše. Ke E ngwadile fa ka Beibeleng ya ka. Go ngwadilwe ka go masome a dikete a Dibeibele thwi mo, bjalo ka tsogo ya mošemane yo monnyane, ka pono ye A e boletšego. “Go na le dikete tše makgolotharo tša bona ka kua.” Gomme le a bona ge seo e se

therešo! Fao ke ka mokgwa wo Ebangedi e yago go rerwa ka bošego feela. O tla no swiela ka mokgwa woo, go tloga lefelong go ya lefelong.

¹⁴¹ Ka Afrika, moo dikete tše masometharo tšela ka feela pitšo e tee ya aletara di amogetšego Modimo, ke rile, "Phagamišang diatla tša lena gomme le amogelete Moya wo Mokgethwa." Ke rile, "Le se ke la letela moromiwa tsoko wa Amerika go tla godimo le go le ruta go ithuta maleme ka dikerekeng." Gomme bomme ba hlatswa dipoto, go romela moromiwa godimo fale le go namela tikologong ka go koloi ye botse ye kgolo, a phela ka makhura a naga; kgonthe, a fetiša dithereke di se kae gomme a bowa morago. Ga ba nyake seo; se e netefaditše.

¹⁴² Ke boletše thwi mo ka Bookelong bja Bajuda kua, mašego a se makae a go feta ka kopanong le badiredi le dingaka, ka thuto ya phodišo Kgethwa; ke rile, "Le mpiditše mophshikologimokgethwa, gomme le rile ke bile le sekatapowana ge ke le boditše... Morongwa wa Morena." Gomme ke rile, "Gomme kereke ya rena beng e rometše dikete le go šomiša dimilione tša ditolara, tša go romela baromiwa Afrika; gomme ge ke fihla kua, ba be ba rwele badingwana ba bannyane ba leraga, ba leka go hwetša thušo go tšwa go modimo wa leraga, gomme ba ipitša 'Bakriste bonabeng.'" Gomme ke rile, "Gomme se le se biditšego 'bohlanya' se thopetše disoulo tše dintši go Kriste mo metsotsong ye mehlano ya nako go feta dimilione tša rena tša ditolara le dikete tša baromiwa di dirile ka go mengwaga ye lekgolo le masometlhano ya go feta." Ba homotše, yeo e be e le yona! Sele e letše. Ke rile go lena, bona banna, ke rile, "Le se ke—le se ke la leka go rutega, enong go tše Ebangedi ye le go ya pele ntle mošola ka go—ka go naga ya setlogo moo monna yo mošweu ebole a sa kgonego go ya, go tšwa go malwetši."

¹⁴³ Gomme ke na le direkoto, thwi go tšwa pampiring ya Durban, e rile, "Ebile le mokgalabje yo motee yola o be a sa kgone ebole go tseba seatla sa go ja le sa nngele ke sefe, o amogetše kolobetšo ya Moya wo Mokgethwa, gomme o be a kolobetša ka bogareng bja sekete ka beke." Ke ka mokgwa wo Ebangedi e yago, feela gannyane nthathana, E nyaka feela e ka ba dikgwedi tše tshela go aparela lefase. Go lokile.

30. A o tla hlalosa ka ga Saense ya Bokriste—Bokriste?

¹⁴⁴ Go lokile. Ke... Fa go... Nka se bolele ka bodumedi bja gago, ngwanešu goba kgaetšedi, mang kapa mang a beilego potšišo. Saense ya Bokriste ke saekholotši. (Gomme phodišo ye Kgethwa ke maatla a Modimo!) Saense ya Bokriste e na le monagano godimo ga taba; Saense ya Bokriste e gana Madi a Jesu Kriste. Saense ya Bokriste... Oo, ke na le dipuku tša Mdi. Eddy godimo kua, gomme ke di badile tšohle. Le a bona? Yeo ke nnete, Saense ya Bokriste e gana Bomodimo bja Jesu Kriste, gomme e Mmea "moprofeta." Jesu Kriste o be a se motho; O be

a le Modimo! O be a le Bomodimo! Gomme ba nagana gore ke monagano godimo ga taba.

¹⁴⁵ Ge ke na le krempe ka letsogong la ka goba ka mogodung wa ka, goba ka . . . goba bohloko ka hlogong ya ka, ke na le kgopolole ye e lekanego go tseba gore go a gobatša, gomme ga se ge eba ke nagana gore go a gobatša. Eupša ke a tseba gore maatla a Modimo a ka kgona go go tloša, e sego a ka . . . nna ke nagana ka yona. Le a bona? Kafao, Saense ya Bokriste, ke tla bolela se go bapa le ye nngwe ke e botšišitšwego, ke ye nngwe ya diism tša letšatši la sebjalebjale, le ya go teba, phošo ye ntsho. Yeo ke nnete. E sego go gobatša maikutlo a gago, mogwera, e ka ba mang a e ngwadilego, eupša ke swanetše go hlokofala. Gobane wena o e ngwadilego, le nna, mmogo, re tla ema letšatši le tee ka Bogeneng bja Jesu Kriste go fa lebaka, gomme ke tla swanelo go arabela se ke se bolelaglo. Bjale, nka se arabe ntle le ge ke tsebile. Go lokile.

31. Bjale: Ge re . . . Ge re phela kgole go tloga fa go tla . . . Re phela kgole kudu go tloga fa go tla tabarenekeleng. Ke kae o re kgothaletšago go ya, go kgobokana renabeng mmogo, go boneng gore dikereke di ka morago ga kereke mme, goba, Bokatoliki?

¹⁴⁶ Ngwanešu goba kgaetšedi wa ka morategi, mang kapa mang a e ngwadilego, nka se le botše ke kereke efe go e tsenela. Eupša se ke tla se dirago, yo, ngwanešu wa ka, kgaetšedi, ke . . . Ge o se ne kolobetšo ya Moya wo Mokgethwa, le a bona, gabotse, o hwetša kolobetšo ya Moya wo Mokgethwa gomme morago le ya go phuthego moo go nago le batho ba bangwe ba ba nago le kolobetšo ya Moya wo Mokgethwa. Le na le . . . phuthegelang lenabeng le wona mohuta wa batho!

¹⁴⁷ Ke bone monna, fa e se kgale botelele, yoo a belegwego mengwaga ye lesome ge e sa le a . . . goba, a sa tswalwa, ke kgopela tshwarelo, e bile mengwaga ye lesome ge e sa le a bone pono e ka ba efe. O be a le wa kereke ye kgolo, gomme o be a dula ka Kennett, Missouri. Gomme o bile . . . o be a le—o be a le moroki wa dieta mengwaga ya go feta, gomme o ile a foufala. Gomme monna o tlide sefaleleng, gomme Moya wo Mokgethwa o mmoditše o be a le mang le se se bego se fošagetše ka yena, o mmoditše gore o be a foufetše botelele gakaakang, le go mmotša ka ye nngwe ye nnyane, tiro ya ditšila ye a e dirilego. O rile, “Ge Modimo a ka ntumelela go phela go fihla kua, ke tla lokiša seo.” Gomme, ge a boletše seo, mahlo a gagwe a buléga; gomme yona Beibele ye ya go swana, o badile tema ka morago ga tema go tšwa go Yona.

¹⁴⁸ O boetše kerekeng ya gagwe gomme o be a efa tumišo. Gomme modiša o mmoditše, “E ka be e diregile go le bjalo. Gobaneng, o no be o itiriša, go be go se selo go yona. Ga go selo go selo seo, ke sa diabolo!”

¹⁴⁹ Ke hlohla mang kapa mang go ntaetša Lengwalo le tee moo diabolo a ka kgonago go fodiša. Ge o ka ntaetša moo diabolo a ka kgonago go fodiša, ke tla netefatša diabolo ke tatago; yeo ke nnete, ge o ka dira seo. Ga e ka go Mantšu a Modimo. E ka se netefatšwe. Gomme o ka no...o ka nyaka go e leka, o amogetšwe. Eupša seo se gahlaneditšwe ke dipišopo le se sengwe le se sengwe gape, ngwanešu, kafao o se bolele seo.

¹⁵⁰ Lebelelang! Gomme monna yola wa go swana o fihlile, ka pelong ya gagwe, a e dumela. Gomme dikgwedi tše tharo moragwana o be a le ka ditirelong tša ka, a no foufala bjalo ka ge a bile lefelong la pele. Ke lena bao.

¹⁵¹ Kafao tšwelang ka ntle ga tšona diism! Lena le phuthegela lenabeng le yo mongwe yo a dumelago, itswalanyeng lenabeng. Beibebe e rile, "Le se ke la ikgoka lenabeng magareng ga basedumele." "Ebang ba ba aroganego," go rialo Modimo. Tšwelang ntle! Beibebe e rile, "Etšwang magareng ga bona, gomme le be...le se kgwathé dilo tša bona tša ditšhila, gomme Ke tla le amogela. Ke nna Morena Yo a emego magareng ga kereke." Yeo ke nnete. Tšwelang ntle! Le se dirišane le tše bjalo!

¹⁵² Eupša a nke...ipeeng lenabeng magareng ga kereke tsoko, kereke tsoko ye botse. Methodist, Baptist, Presbyterian, Campbellite, mang kapa mang e ka bago yena, ga e dire...Moo badumedi ba kgonthe ba therešo ba lego ka fale, ga ba kgathale se thutotumelo ya kereke e se bolelago, ba ya kua go kopana le banešu le dikgaetšedi tša bona le go rapela Modimo, mmogo. Go lokile.

32. Bošegong bja go feta o boletše ka "lešaba le legolo leo go sego motho a ka kgonago go le bala, go tšwa molokong wo mongwe le wo mongwe, setšhaba," bao ba—ba boletšwego ka go tema ya 7 ya Kutollo. A ke go kwešišitše, ka go nepagala, go bolela gore "Ke Monyalwa wa Kriste"? Ee, o nkwešišitše. Ke Monyalwa.

¹⁵³ Bjale ge le ka hlokomela, feela tlwa ka go Kutollo 7, o bone kete tše lekgolo masomenne nne. Bjale, ga ke go phare molato wa se, ngwanešu wa ka, eupša lekgolo... Ka mehla Hlatse ya Jehofa ke yona e dumelago gore ba dikete tše lekgolo le masomenne nne e tla ba Monyalwa. Gomme yeo ke phošo! Johane o tsebile yo mongwe le yo mongwe wa bona, gomme o ba biditše ka leina. Ba be ba le Bajuda ba bangwe le ba bangwe. O rile, "Dikete tše lesomepedi tša Gada, dikete tše lesomepedi tša Sebulone, dikete tše lesomepedi tša Benyamini, dikete tše lesomepedi tša Juda." A yeo ke nnete? Gomme go ne meloko ye lesomepedi ya Israele, gomme lesomepedi atiša ka lesomepedi...ke kete tše lekgolo masomenne nne. A yeo ke nnete? O rile, "Bohle, bana ba Israele." Johane o ba lemogile.

¹⁵⁴ Morago o lebeletše ka tsela *ye*, gomme o rile, "Gobaneng, lešaba le legolo šele le go sego motho a ka kgonago go le

bala, ba merafe yohle, maleme, le ditšhaba; ba eme ka dikobo tše ditšhweu, ka diatleng tša bona... le mepalema, gomme ba šišinya, le go goelela, le go opela hosana le... go Kgosi.” O rile, “Ke bomang?”

¹⁵⁵ O rile, “Bao ke bona bao ba tšwago tlaišegong ye kgolo gomme ba hlatswitše diaparo tša bona ka Mading a Kwana. Ba pele ga Modimo, gomme ba tla hlankela Kwana ka Tempeleng ya Gagwe le Yena. Mosegare le bošego, ba ka se Mo tlogele.” Monyalwa šole, le a bona, Mosadi, Monyalwa wa Bantle.

¹⁵⁶ Elelwang, Monyalwa ke Montle. O rile, “O tla tla le go tsea batho go tšwa go Bantle bakeng sa Gagwe” (bakeng sa eng?) “bakeng sa Leina.”

¹⁵⁷ Bjale, go ne mohumagadi ba bantši ba baswa ka lefaseng. Eupša ke tšere mosadi yo motee, gomme yoo e be e le Meda Broy, gomme ke Mdi. William Branham bjale. O na le... Ga a sa le Broy gape; ke Branham bjale. Le a bona?

¹⁵⁸ Gomme ke ka fao go lego, o tšea Jesu Kriste gomme wa ba Monyalwa, maloko a Monyalwa.

33. Mantšu a Selatini ke eng godimo ga Toropokgolo ya Vatican? Re nyaka go tseba ka fao a hlakanyago go makgolotshela le masometshela tshela, le se a se rago.

¹⁵⁹ Gabotse, ga se godimo... Selatini—mantšu a Selatini ga a godimo ga Toropokgolo ya Vatican; a godimo ga terone ya mopapa, moo a dutšego teroneng ya gagwe. Go ngwadilwe godimo kua, “VICARIVS FILII DEI.” Ge le rata, mosong, ke tla e tliša e ngwadilwe ntle, se sengwe le se sengwe, le go e bea godimo ga ntsekana ya pampiri. Gomme ge le e nyaka, gobaneng, ke tla e tliša go lena mosong. Moo o ka e peletago ntle ka go mangwalo a Baroma, VICARIVS FILII DEI, lentšu le ra “Sebakeng sa Morwa wa Modimo”; ke mohlatlami go Morwa wa Modimo.

¹⁶⁰ Kereke ya Katoliki e dumela gore “Petro o be a le mopapa wa mathomo; o be a le mohlatlami wa Jesu Kriste.” Yeo yela e lego phošo! Go lokile. Gona ba tteleima gore “Mopapa yo mongwe le yo mongwe a mo latelago ke mohlatlami; gomme mopapa bjale, a lego bjale, ke mohlatlami wa Jesu Kriste.” Gomme fao e ngwadilwe godimo kua, “Mohlatlami wa Jesu Kriste, ‘VICARIVS FILII DEI,’” e ngwadilwe godimo kua. Tšeang maleter a Roma gomme le no e ngwala (X bakeng sa lesome, V bakeng sa tlhano, le go ya pele ka mokgwa woo), ge o peleta “VICARIVS FILII DEI,” gomme thala mothalo, gomme o na le makgolotshela le masometshela tshela. E ngwale ntle gomme o hwetše.

¹⁶¹ Bjale, ke na le *Dintlha Tša Tumelo Ya Rena*, e a bitšwa, ka kerekeng ya Katoliki, ka gore batho ba ka e be e le Mairish a Katoliki. Kafao ke tseba se ke bolelago ka sona. Le a bona?

¹⁶² Gomme ka go felela ke therešo, yeo ke nnete, gore fao... Gomme Beibele e boletše gore “O tla be a dutše ka kerekeng,

goba le—le lefelong, goba kereke ye e dutšego godimo ga dithaba tše šupago ka Roma, gomme maatla a gagwe a tla ya lefaseng lohle. Gomme o bitšwa molwalekriste.”

¹⁶³ Gomme go tšwa go kereke yeo go tšweletše dikereke tše dinnyane tše di tswetšwego ka morago ga yeo, gomme o rile, “O be a le seotswa, gomme ba be ba le bommalegogwana bao ba mo latetšego.” Yeo ke nnete. Ke lena bao. Gobane ba kgatlofadiitše ka go selo sa go swana, gomme ba bile le dithutotumelo le dithuto tša bona. Feela gannyane, e sego maatla bjalo ka ge a le, eupša ba sa na le maatla. Gomme *sebata* se ra “maatla.” Ke lena bao. Kafao ba na le, Makatoliki ba na le maatla a magologolo. Mamethodist, gomme morago Mapresbyterian, gomme morago Malutheran, gomme morago Mabaptist, gomme morago le go ya pele, le go theoga. Wona e be e le a mannyane, maatla a go beakanywa, “Kereke ya ka! Kereke ya ka! Kereke ya ka! Kereke ya ka!”

¹⁶⁴ Eupša modumedi wa therešo ga a bolele selo ka yeo. Ke “Kriste wa ka! Kriste wa ka! Kriste wa ka!” Yeo ke phapano. O tseba bjang? Moya wo Mokgethwa o bea bohlatse ka maswao le matete.

¹⁶⁵ Ye nnyane še, mohuta wa ye go fošetša morago gannyane. Ke hloya go bala ye, eupša yo mongwe o e beile godimo mo:

34. O botšišitše lebaka gabaneng tabarenekele ye e sa ye pele. Lebaka gabaneng, ke mabaka gore ba bangwe ba matikone ba gana mpho ya maleme le phodišo. Bohle re tseba seo go ba therešo.

¹⁶⁶ A nke ke tsebe ke yena mang, ge ke sa le fa go—go lesolo le, gomme yoo o tla tlošwa ka pela.

35. Hle hlaloša ge eba Mokriste a swanetše go obamela go hlapiša maoto, le kolobetšo Leineng la Jesu Kriste (Leina) sebakeng sa leina la “Tate, Morwa, le Moya wo Mokgethwa.” Hle.

¹⁶⁷ Go lokile. Ke bile le e ka ba tše tharo tša tšale ka fa tše di botšišitšego selo sela sa go swana.

¹⁶⁸ Go hlatswa maoto, gabotse, le nna nka no thoma ka yeo. Go lokile, bjale o ka no fapano, seo se lokile. A nke ke no bala di se kae, feela nakwana. Goba ge le nyaka go e bala, hwetšang Mokgethwa Johane, tema ya 13, feela nakwana. Ke nyaka go le botšiša se sengwe mo. Gomme theetšang se Jesu Kriste a se boletšego, Yenamong, gomme ka gona ke tla le tšeela godimo ka Testamenteng gomme ka le laetša gore le sa e obamela. Thomang go temana ya 2.

*Bjale selalelo se fedile, diabolo o... beile ka pelong ya
Judase Iskariot, morwa wa Simone, go mo eka;*

*Jesu go tsebeng... Tate o be a file dilo tšohle ka
diatleng tša gagwe,... o tlide go tšwa go Modimo,*

gomme o ile go Modimo; (O tlide go tšwa Moyeng, go ya ka nameng, le go boela morago ka go Moya. Le a bona?)

Gomme O tsoga go tšwa se selalelong, gomme a beela thoko diaparo tša gagwe; . . . a tsea toulo, . . . a itlema yenamong.

Ka morago ga fao o tšhetše meetse ka sekotlelong, a thoma go hlapisa maoto a barutiwa, le go a phumula ka toulo ye a bego a itlemile ka yona.

Ka gona a tla go Simone Petro: gomme Petro a re go yena, Morena, a o hlatswa maoto a ka?

Jesu . . . o rile go yena, Se—se Ke se dirago bjale ga o se tsebe . . . eupša o tla tseba ka morago ga fa.

Petro o rile go yena, Wena o ka se tsoge wa hlatswa maoto a ka. Jesu o fetotše gomme o rile go yena, Ge Ke sa go hlatswe, ga o na kabelo go nna. (Oo, a le kgona go eleletša seo! Go lokile.)

Simone . . . o rile go yena, . . . e sego maoto a ka feela, eupša . . . diatla tša ka le hlogo ya ka.

Gomme Jesu o rile go yena, Yo a hlapilego . . . ge e se . . . o hloka . . . go hlatswa maoto a gagwe, lena le hlwekile mogohle: . . . eupša e sego bohle.

Ka gore o be a tseba yo a tlagoo mo eka; ka fao a re, Lena ga se la hlweka ka bohle.

Kafao ka morago ga ge a hlatswitše maoto a bona, gomme a—a tšere diaparo tša gagwe, gomme a dutše fase gape, o rile go bona, A le tseba se Ke se dirilego go lena?

Le mpitša Mong le Morena: gomme le bolela gabotse; ka gore Ke nna yena.

Ge gona Nna, Morena le Mong wa lena, ke hlapisitše maoto a lena; . . . le swanetše go hlatswana maoto seng.

Ka gore Ke le file mohlala, gore le dire mongwe go yo mongwe bjalo ka ge Ke dirile go lena.

. . . ba thabilego ke lena ge le tseba dilo tše le go di dira.

¹⁶⁹ Godimo ka go Timotheo wa Bobedi, Paulo o rile, o ngwaletše kereke, “O se dumelele mohlologadi go tlišwa ka kerekeng go fihla a hlatswitše maoto a bakgethwa.” Yeo ke nnete. Go hlatswa maoto go be go obamelwa gohle go kgabola matšatši a Beibele. Gomme ka thušo ya Modimo, ge ke boloka monagano wa ka wa maleba, gomme Modimo a nthuša, ke tla e obamela go fihla ke ehwa. Yeo ke nnete. Ke thomo tlwa ya Jesu Kriste!

Bjale, fa go ya go ba potšišo ya go tsetsemetsa.

36. **Gobaneng motho a ka kolobetšwa Leineng la Jesu Kriste sebakeng sa “Tate, Morwa, le Moya wo Mokgethwa”?**

Ke ne tše pedi goba tše tharo. Ye ke ye nngwe thwi fa:

37. Ngwanešu Bill, kolobetšo ya maaka ye o bego o bolela ka yona bošego bja go feta, ge eba ke meetse goba Moya? Ge eba ke meetse, gomme o rile Leina la Jesu Kriste, gobaneng Mateo 28:19, e re, “Tate, Morwa, le Moya wo Mokgethwa”? Hle hlaloša.

¹⁷⁰ Bjale, tše ke mohuta wa go tsetsemetsa, eupša ke a dumela ke ne ye nngwe fa felotsoko, selo sa go swana. Oo, e ka ba mafelo a mararo. Ke tla leka go fihla go yona. A re boneng. A—a le tla nkgotlelela metsotso e se mekae? Go lokile. Bjale, a re nong go thoma bjale le go araba dipotšišo tše. Mohlomongwe re ka tšeaa di se kae tša tšona, le go di hwetša mohlomongwe (ka moka ga tšona) gosasa; ge go se selo gape, go sekolo sa Lamorena, goba nako ye nngwe. Eupša batho ba mohlomongwe...ba botšiša se, gomme gosasa ke kolobetšo. Bjale, tsela efe kapa efe le kolobeditšwego, seo ga se tshwenye go nna. Eupša ke nyaka go—go le botša Thuto ya boapostola ya Beibele. Le a bona?

¹⁷¹ Bjale, re hweditše, bošegong bja go feta, gore ge kereke ya Katoliki e kgatlofaditšwe, go re e tla le selalelo sa maaka, e bolela go re “Ge o amogela Senkgwa se sekgethwa, go ra selalelo se sekgethwa fale, o amogela Moya wo Mokgethwa.” Seo ga se Moya wo Mokgethwa; seo ke senkgwana.

¹⁷² Kereke ya Protestant e šišinya diatla, e bea maina a bona godimo ga puku, seo ke se ba se bitsago “go O amogela.”

¹⁷³ Bjale, eupša tsela ya kgontha go O amogela e be e le kolobetšo ya Moya.

¹⁷⁴ Gomme, bjale, kereke ya Katoliki e tlišitše katikasema. Luther o bile le yona, kereke ya Methodist e na le yona, Maepiscopalian ba na le yona, bontši bja ba bangwe ba na le yona, katekisima. Bontši bja metlwae ya kereke ya Katoliki e sa swareletše go kereke ya Protestant; ye e mo dirago thwi ka gare le yona, go ya ka Beibele.

¹⁷⁵ Eupša fao ga se gwa ke gwa ba motho, le gatee, ka go matlakala ohle a Beibele, a kilego a kolobetšwa leineng la “Tate, Morwa, Moya wo Mokgethwa.” Ga se gwa ke gwa tsoge gwa ba motho a kolobeditšwe leineng la “Tate, Morwa, Moya wo Mokgethwa” go fihla go kereke ya Katoliki ya pelepele. Ga e gona ka Beibeleng, ga go felo! Ge yo mongwe a ka kgona go hwetša seripa ka kua, gomme a mpotša le go ntaetša moo motho yo motee a kolobeditšwego a šomiša leina la “Tate, Morwa, Moya wo Mokgethwa” hle mpontšheng, ka gore ke ile go kgabola le go kgabola le go kgabola le go E kgabola, lebaka la mengwaga ye masomepedi le metšo bjale. Gomme ke phošo! Ke thutotumelo ya Katoliki gomme e sego taelo ya Beibele.

¹⁷⁶ Bjale re tla hwetša gobaneng, re ya go potšišo ya gago, ngwanešu morategi. Mokgethwa Johane...ke ra Mateo 28:19. Go lokile, a re yeng morago godimo. Lena phetlang le Beibele

ya lena, le nna, gore le kgone go bala le nna. Le ke lefelo mo e boletšwego. Lefelo le tee ka Beibeleng la . . .

¹⁷⁷ A Jesu ga se a re, “Ka molomo wa dihlatse tše pedi goba tše tharo a nke lentšu le lengwe le le lengwe le eme”?

¹⁷⁸ Nka kgona go go tseela ka Beibeleng moo E rilego, “Judase Iskariot o ile gomme a itekeletša ka boyena,” gomme, “Eya o dire ka mokgwa woo.”

¹⁷⁹ Nka kgona go go tseela fao Jesu a rilego, “Ge Morwa wa motho,” yoo ka Boyena a bego a le gona, “yo bjale a lego Legodimong, o tla tla gape,” gomme a eme thwi mo lefaseng. Gomme o rile, “Morwa wa motho yo bjale a lego Legodimong,” gomme a eme thwi mo lefaseng.

¹⁸⁰ O swanetše go tseba Modimo go tseba Lentšu la Gagwe. O ka se kgone . . . Ga go makatše o re, “Le ikganetša ka Bolona.” E a gakantšha; ka gore Modimo o rile O E ngwadile ka tsela yeo go E uta go tloga go dirutegi tše le go ya pele. Gomme a nke batho ba kokobele mo aletareng, gomme Modimo o tla E utolla go lena.

¹⁸¹ Bjale Lengwalo šele, Mateo 28:19, lefelo le nnoši ka Beibeleng le kilego la bolela dithaetlele tše.

Kagona eyang, gomme le rute ditšhaba tšohle, ka go ba kolobeletša ka leineng la Tate, le la Morwa, le la Moya wo Mokgethwa:

¹⁸² Bjale, ka tsela ye le kolobeditšwego, ke, “leineng la Tate, leineng la Morwa, le leineng la Moya wo Mokgethwa.” Seo ebile ga se ka Lengwalong! Eupsa e fa, “Rutang ditšhaba tšohle, ba kolobetšeng Leineng!” Bjale lebelelang thwi go Beibele ya lena gomme le bone ge eba yeo e re “ka maina” goba “ka Leina.”

¹⁸³ Bjale le re . . . Bjale, fa e se kgale botelele ka kopanong, moisa o rile, “Go na le thulano ka Beibeleng!” O rile, “Ke duma ge o ka ntthalosetša. Gobaneng Jesu a ile a botša batho go kolobetša leineng la Tate, Morwa, Moya wo Mokgethwa, gomme Petro a retologa go dikologa gomme a ba kolobetša Leineng la ‘Jesu Kriste,’ ka go Ditiro 2:38?” A re, “Ge seo se sa thulanye ka bosona, ga ke bone thulano!”

Ke rile, “Feela ka gobane ga se o nyake Modimo gabotse.”

¹⁸⁴ O rile, “Ngwaneshu Branham, a e dira phapano e ka ba efe ge ke kolobetša ka tsela ye goba ka tsela yela?” Ka kgonthe e a dira, gomme ke tla e netefatša ka Beibele.

¹⁸⁵ Go ka reng ge—go ka reng ge Moshe . . . Modimo o boditše Moshe, a tla godimo sethoggweng, o rile, “Moshe, rola dieta tša gago, o mo lebaleng le Lekgethwa.”

¹⁸⁶ O rile, “Bjale, Morena, ke nna monna wa tlhomphokgolo. Dieta tša ka di thata gannyane go rolwa, kafao ke tla no rola kefa ya ka.” Yena ga se nke a re “kefa,” O rile “dieta!” Gomme se Beibele e se bolelago ke Therešo. Bjale ge . . .

¹⁸⁷ Fa, le ke matšatši a lesome, le e be e le thotogelo. Gomme ge Jesu a tšeelwa godimo, O romile barutiwa ba Gagwe go ya ka go lefase lohle le go ruta ditšhaba tšohle, go kolobetša leineng la Tate, Morwa, le Moya wo Mokgethwa. Gomme matšatši a lesome moragwana . . . Ba ile godimo Jerusalema le go leta ka kamoreng ya godingwana go fihla Moya wo Mokgethwa o etla. Gomme ka gona ge ba thoma go rera le go ya pele . . . Ba rile, “Re ka dira eng go phološwa?”

¹⁸⁸ Petro o rile, “Sokologang, yo mongwe le yo mongwe wa lena, gomme le kolobetšweng Leineng la Jesu Kriste.”

¹⁸⁹ Morago o ile ntlong ya Koronelio, o rile, “Sokologang, gomme le kolobetšweng Leineng la Jesu Kriste.”

¹⁹⁰ O ile godimo gomme a hwetša batho ba bangwe ba be ba šetše ba kolobeditšwe, o rile, “Le swanetše go kolobetšwa gape Leineng la Jesu Kriste!”

¹⁹¹ Gomme o ile tlase ka Samaria gomme o rile, “Ba kolobetšeng Leineng la Jesu Kriste.”

¹⁹² Gomme ga go nako e tee tšona dithaetlele di kilego tša bitšwa motho. Le gatee! “Bjale, go na le thulano gona,” o a bolela. Aowa, ga se yona. E no kgopela Moya wo Mokgethwa bjale, gomme Mo hlokomele a E utolla go wena. Bula pelo ya gago.

¹⁹³ Bjale, le se sware kgethollo. Ge le dira, Modimo a ka se kgone go bolela le lena. Eupša ge o sa sware kgethollo, wa re, “Ke lebeletše Therešo ka kgonthé, Ngwanešu Branham.”

¹⁹⁴ Ge Jesu a boditše barutiwa, “eyang le dire *se*,” gomme ba ile le go dira se sengwe godimo *fa* go fapania, gomme efela Modimo o e šegofaditše, le gohle go kgabola Beibele. Bjale, a ba dirile se Jesu a ba boditšego go se se dire? Ge ba dirile, ga se ba obamela, gomme Modimo a ka se tsoge a hlompha go se obamele. Ge A ka dira, nkabe A ile a hlompha Efa le go emiša selo ka moka mo mathomong. Ge Modimo a bolela e ka ba eng, O swanetše go boloka Lentšu la Gagwe; O ikeme. Kafao gona e ba gore Petro o dirile phošo . . .

¹⁹⁵ “Oo,” o rile, “seo ke se baapostola ba se boletšego.” Moisa yo motee o rile, “Seo ke se baapostola ba se boletšego. Ke ya go dira se Jesu a se boletšego.”

¹⁹⁶ Gabotse, ge baapostola ba dirile se Jesu a ba boditšego go se se dire, gona eng? Gomme ge baapostola ba ba ngwadilego Beibele ye . . . Paulo o ngwadile tšohle tše, gomme Paulo e bile yena a di dirilego go kolobetšwagape gape. Gomme ge Paulo a ngwadile karolo ye kgolokgolo ya Testamente ye Mpsha ye, gona ke mohuta ofe wa Beibele o nago le yona e ngwadilwe yeo o lekago go e bala?

¹⁹⁷ A re nong go e dira feela Se. Kgopelang tlhaologanyo ka kgonthé gomme le bone se Lentšu le se bolelago. Bjale, se ke sa thuto, go lena go tseba Lentšu la Modimo.

¹⁹⁸ Bjale, ge Petro a kolobeditše Leineng la Jesu Kriste morago ga ge Jesu a mmoditše go kolobetša ka leina la “Tate, Morwa, Moya wo Mokgethwa,” o dirile kgahlanong le se Jesu a se boletšego. A yeo ke therešo? Bjale, go swanetše go ba se sengwe fao. Bjale a re nong go hwetša, gomme re kgopele Moya wo Mokgethwa go re laetša. Bjale, lefelo la pele, bjale a re tšeeng—a re tšeeng Lengwalo la pele, Mateo 28:19.

Kagona eyang, . . . rutang ditšhaba tšohle, le ba kolobetša ka leineng la Tate, . . . Morwa, . . . Moya wo Mokgethwa:

¹⁹⁹ Lebelela fase go Beibele ya gago gomme o bone ge eba seo se re “ka maina a Tate, le la Morwa, le Moya wo Mokgethwa.” A e a dira? Aowa, mohlomphegi. A e rile, “ka leineng la Tate, ka leineng la Morwa, ka leineng la Moya wo Mokgethwa”? E rile, “Leineng!” A yeo ke nnete? Gabotse, “leina” e be e le botee. A yeo ke nnete? Gabotse, ke leina lefe A nyakago ba le kolobetša, leineng la Tate, goba leineng la Morwa, goba leineng la Moya wo Mokgethwa? O rile, “Leineng!” Gabotse, gabotse, ga go leina le e tee ya tšona.

²⁰⁰ Ke botate ba bakae ba lego ka mo? A re boneng seatla sa gago—seatla sa gago. Go lokile. Ke ofe wa lena a bitšwago “Tate”? *Tate* ga se leina; *tate* ke “thaetlele.” Ke barwa ba bakae ba lego ka fa? Kgonthe, motho yo mongwe le yo mongwe, ye tona ye nngwe le ye nngwe, bona ke barwa. Gabotse, ke ofe wa lena a bitšwago “Morwa”? Ga se leina; ke thaetlele. A ke nnete? Ga se leina; ke thaetlele. Gabotse, ke ofe wa lena a bitšwago “Motho”? Ke batho ba bakae ba lego fa? Bohle ba lena. Gabotse, ke mang wa lena a bitšwago “Motho”? Ga go selo se sebjalo; seo ke se le lego. Moya wo Mokgethwa ga se leina; seo ke se O lego sona. Ke nna motho. Kafao le Tate, Morwa, esita Moya wo Mokgethwa ga se “leina”; e no ba *dithaetlele* tše tharo tše di yago go Leina le tee.

²⁰¹ Bjale theetšang sekgauswi. Se . . . Lebelelang mo! Ke tla tšeа se go no swana le motheo wa lesea. Ge o boletše, gabotse, boka o be o bala pu-pu puku ya kanegelo, gomme e rile, “John le Mary ba phetše ba thabile ge e sa le ka morago.” Gomme le a makala gona, “John le Mary ke mang?” Gabotse, tsela e nnoši o ka tsogego wa tseba ke mang John le Mary ba lego, ke go ya morago le go bala mathomo a kanegelo le go ya go e kgabola. A yeo ke nnete?

²⁰² Gabotse, ge Jesu a boletše fa, “Kolobetšang ka Leina la Tate, Morwa le Moya wo Mokgethwa,” gomme Tate ga se leina, gomme Morwa ga se leina gomme Moya wo Mokgethwa ga se leina, eng, Moisa yo ke Mang? Re nyaka go tseba ke Yena Mang. Bjale, selo se sekaonekaone go dira . . . Yeo ke tema ya mafelelo ya Mateo, temana ya mafelelo. A re phetleng morago go tema ya 1 ya Mateo, gomme ditemana tša mathomo, gomme re thome go tloga, re

hwetše ke Mang Tate yo, Morwa, le Moya wo Mokgethwa. Bjale, ke no nyaka go direla bana se kua, gore ba se hwetše le bona.

²⁰³ Selo sa pele, se se tla otlolla wena go “*thriniti*” ya gago, Tate, Morwa, Moya wo Mokgethwa. Bjale, lefelong la pele, ga go lefelo le tee ka Beibeleng *thriniti* e kilego ya bolelwa. Le e hwetša le go mpontšha yona. Ga go selo se sebjalo. Ke phošo ya Katoliki, gomme lena Maprotestant le khunamela yona. Hlokamelang. Bjale, ke eng *se*? Ke rile *yo* ke Mang? Tate. Yo ke Mang? Morwa. Gomme *yo* ke Mang? [Phuthego e re, “Moya wo Mokgethwa.”—Mor.] Bjale, Tate ke Tate wa Mang? Morwa. A yeo ke nnete? Bjale, *yo* ke Tate wa Jesu. Le se ke la ba hlakahlakanya, bjale. Yo fa ke Tate, *yo* ke Morwa, gomme *yo* ke Moya wo Mokgethwa. A yeo ke nnete? Bjale, batho ba e beile, “Batho ba bararo ba go fapana, boModimo ba bararo ba go fapana, bomotho bjo boraro bja go fapana.” Ga go makatše Mojuda ga a kgone go E kwešia! Go lokile.

²⁰⁴ Mateo tema ya 1, e thoma ka tatelano ya lešika la Jesu Kriste, “Abraham o belege Isaka, Isaka o belege Jakobo,” kafao go ya pele, tlase ka mokgwa woo, go fihla e etla tlase go temana ya 18.

Bjale matswalo a Jesu Kriste . . .

²⁰⁵ Yona še, temana ya 18.

Bjale matswalo a Jesu Kriste . . . (ntateleng ka Beibele ya lena) . . . matswalo a Monna yo Jesu Kriste a bile ka mokgwa wo: Ge . . . mmagwe Maria o be a beeleditšwe ke Josefa, . . . o hweditšwe a ne ngwana wa . . . (Modimo, Tate?)

A ke badile Yeo nnete? E reng? [Phuthego e re, “Moya wo Mokgethwa!”—Mor.] O hweditšwe ka Ngwana wa Mang? [“Moya wo Mokgethwa.”] Ke naganne yo mongwe o rile Monna *yo* o be a le Tate wa Gagwe? Beibele e rile Monna *yo* e be e le Tate wa Gagwe.

. . . o hweditšwe ka ngwana wa Moya wo Mokgethwa.

²⁰⁶ Bjale ke mohuta ofe wa ngwana le nago le yena? Gomme Jesu pepeneneng o rile Modimo o be a le Tate wa Gagwe. A yeo ke nnete? Modimo ke Tate wa Gagwe! Gabotse, Moya wo Mokgethwa o amana bjang le yona gona? Ge Beibele e rile Moya wo Mokgethwa e be e le Tate wa Gagwe, gomme Jesu o rile Modimo o be a le Tate wa Gagwe; gomme o rile Modimo o be a le Tate wa Gagwe, gomme bjale Beibele e a bolela, godimo fa. Ge go na le ba bararo, batho ba babedi ba go fapana, Modimo ga se a be le selo go dira le yona. Moya wo Mokgethwa ke Tate wa Gagwe.

²⁰⁷ Bjale a re baleng pejana gannyane.

. . . Josefa monnamogatša wa gagwe, e le monna wa go loka, o be a sa nyake go mo dira mohlala wa pepeneneng, eupša o be a gopola go mo tlogela ka sephiring.

Eupša, bonang, ge a be a sa nagana ka dilo tše, . . . morongwa wa Morena o bonagetše go yena ka torong, a re, Josefa, wena morwa wa Dafida, se boife. . . . go itšeela go wena Maria mosadimogatša wa gago: gobane seo a se imilego ka go yena ke sa Moya wo Mokgethwa. (e sego Modimo Tate; Modimo Moya wo Mokgethwa!)

²⁰⁸ Le bona moo kgopolو ya gago ya badimo ba bararo e tla yago? E tla bea Jesu ngwana wa hlaba. Nnete. Yeo ke phošo! Ga go Lengwalo bakeng sa seo. Bjale, le tla swanelo go amogela gore Modimo Tate le Modimo Moya wo Mokgethwa, ke Motho wa go swana, goba Jesu o bile le bopapa ba babedi ba go fapano. A yeo ke nnete? Nnete, ke nnete. Beibele e rile, “Moya wo Mokgethwa e be e le Tate wa Gagwe,” gomme Beibele e rile, “Modimo o be a le Tate wa Gagwe.” Bjale, ke ofe yo e lego Tate wa Gagwe? Moya wo Mokgethwa le Modimo ke Moya wa go swana; Ke Selo sa go swana.

. . . tšohle tše di dirilwe, gore go ke go phethagale se se . . . boletšwego ke moprofeta, ke Morena, a re,

. . . kgarebe e tla ima . . . gomme ya belega ngwana, gomme ba . . . (Yena yo)

. . . gomme ba tla bitša leina la gagwe JESU: gobane o tla phološa batho ba gagwe go tloga dibeng tša bona.

Gomme se sohle se dirilwe, gore go ke go phethagatšwe, . . .

. . . gomme leina la gagwe le tla bitšwa Imanuele, leo le lego ka tlhathollo, Modimo o na le rena.

²⁰⁹ Bjale, Tate ke Mang, Morwa, le Moya wo Mokgethwa? A Petro o dirile phošo? O dirile se Jesu a mmoditšego. Tšeо ke dithaetlele tše tharo.

²¹⁰ Ke nna modiredi, gomme ke nna tate, gomme ke nna “Moruti,” ba e bitša, thaettlele, eupša ga go le e tee ya tšeо e lego leina la ka. Leina la ka ke William Branham.

²¹¹ O be a le Tate, O be a le Morwa, O be a le Moya wo Mokgethwa. O leka go dira Badimo ba bararo, mogwera; ke phošo; ke phošo.

²¹² Go na le mabaka a mararo ao mothrinithi a bilego go hlakahlakana ka wona. Modimo, Tate, o be a le Moya woo o lekeletšego godimo ga bana ba Israele ka go Pilara ya Mollo. A yeo ke nnete? Modimo o be a le fale. Morago Modimo a dirwa nama gomme a dula magareng ga rena (a yeo ke nnete?) ka go Morwa wa Gagwe. Bjale O theoga go fihla A etla ka pelong ya motho, ka Moya wo Mokgethwa.

²¹³ Modimo o bjalo ka molao wa kgato tše tharo, goba, molao wa kgato tše tharo, ee. Diintšhi tše lesomepedi tša mathomo e be e le Modimo, Tate; diintšhi tša bobedi tše lesomepedi, Modimo, Morwa, Modimo wa go swana; diintšhi tše lesomepedi tša boraro

e be e le Modimo, Moya wo Mokgethwa, Modimo wa go swana. Jesu o rile . . .

²¹⁴ O re, “Gabotse, re ne Moya wo Mokgethwa ka go ren.” Yeo ke nnete.

²¹⁵ Eupša Jesu o rile, “Lebakana le lennyane, gomme lefase ga le sa Mpona gape. Efela le tla Mpona, gobane Nna . . .” “Nna” ke lešalašala. “Ke tla ba le lena, ebile le ka go lena, go fihla bofelong bja lefase.” Moya wo Mokgethwa o kae nako yeo? “Nka se le tlogele le hloka khomotšo; Ke tla tla gape le go ba le lena.” Yeo ke yona.

²¹⁶ Le a bona, ga se o e kwešiše, mogwera. Ke Modimo yo motee ka mabakeng a mararo. Lebaka la Botate, Bomorwa, le Moya wo Mokgethwa, Ke Modimo wa go swana. Gomme ge A rile, “Eyang le ba kolobetšeng Leineng la Tate, Morwa, le Moya wo Mokgethwa,” E be e le Jesu Kriste. Gomme ke ka lebaka leo a kolobeditšego Leineng la Jesu.

²¹⁷ Bjale lebelelang, a re hwetšeng dikolobetšo fa. Nako ya mathomo kolobetšo e kilego ya bolelwa ka go Testamente ye Mpsha, e bile Johane Mokolobetši. A yeo ke nnete? Ke tla bea ye godimo *fa*. Le a bona, o swanetše go dira Modimohlogo wa gago go otlollwa ntle pele o ka hwetša kolobetšo go otlollwa ntle. Yoo ke Johane Mokolobetši, kolobetšo ya mathomo.

²¹⁸ Lekga la bobedi kolobetšo e boletšwego, e bile Ditiro 2:38, moo ba kolobeditšwego Leineng la Jesu Kriste, ka kerekeng ye mpsha. Lefelo la bobedi e be e le ngwako wa Koronelio, goba aowa . . . Ke kgopela tshwarelo, Basamaria, Ditiro 7:48 le 49. Gomme Ditiro 10:49 ke moo a ba kolobeditšego ka ntlong ya Koronelio. Gomme nako ye e latelago kolobetšo boletšwego, gomme ba bitša maina goba dithaetlele tše di itšego, e be e le godimo ka Ditiro 19:5.

²¹⁹ Bjale, ge ba kolobeditšwe ka Letšatši la Pentecost, ba ile ba kolobetšwa, Ditiro 2:38, Leineng la Jesu Kriste. A yeo ke nnete? E ngwalele fase, e lebelele godimo.

²²⁰ Ya go latela, Filipi o ile tlase, matšatši a mabedi moragwana, gomme a thoma go rerela Basamaria; le go ba rerela, le go fodiša balwetši, le go ba le kopano ye kgolo tlase kua, le go ba kolobetša Leineng la Morena Jesu Kriste. Petro o ile tlase le go bea diatla go bona; ba amogetše Moya wo Mokgethwa.

²²¹ Petro o ile godimo ntlhoreng ya ngwako matšatši a se makae moragwana, o be a swerwe ke tlala, o bone pono. Modimo o mo rometše godimo ntlong ya Koronelio. Gomme, “Ge Petro a sa bolela Mantšu a, Moya wo Mokgethwa wa wela godimo ga bona,” gomme ba thoma go bolela ka maleme le go ya pele boka ba dirile lefelong la pele. Petro o rile, “Ebile ga se ba kolobetšwa le bjale.” Kafao o ba laetše, yo mongwe le yo mongwe, go kolobetšwa Leineng la Jesu Kriste.

²²² Motho yo mongwe le yo mongwe ka Beibeleng o kolobeditšwe Leineng la Jesu Kriste. Paulo...ke ra, barutiwa ba Johane ga se ba kolobetšwa Leineng la Jesu Kriste, ba ile ba kolobetšwa go tshokologo. A re phetleng godimo go Bakorinthe ba Pele... ke ra, a re phetleng godimo go Ditiro, tema ya 19, feela nakwana. Gomme balang se feelsa motsotso gore le tle le bone, bagwera, gore ga se—ga se... Ga ba... Lengwalo ga le ikganetše Lonamong. Lebelelang fa.

Gomme go diragetše, gore, ge Apollo a be a le ka Korinthe, Paulo...o fetile go kgabola mabopo a godingwana a...Efeso: o hwetsa barutiwa ba ba itšego,

O rile go bona, A le amogetše Moya wo Mokgethwa ge e sa le le dumetše?... ba rile... Ga re tsebe ge eba go na le Moya wo Mokgethwa wo o itšego.

...o rile... gona le kolobeditšwe go eng?

Oo, ba rile, re kolobeditšwe.

O rile, Bjang?

...rile, Go Johane, Johane...

O rile, Johane o kolobeditše feelsa go tshokologo, a bolela gore le swanetše go dumela go yena yo a tlago... ke gore, go Morena Jesu Kriste.

Gomme ge ba kwele se, ba ile ba kolobetšwagape leineng la Jesu Kriste.

...Paulo o beile diatla tša gagwe godimo ga bona, gomme Moya wo Mokgethwa wa tla godimo ga bona; gomme ba boletše ka maleme, le go profeta.

²²³ Mokgethwa Paulo yo mogolo...

²²⁴ Theetšang! Go ka reng ge o kolobeditšwe ke Johane Mokolobetši, monna wa go swana yoo a kolobeditšego Jesu Kriste? Monna yo mokgethwa, moo Jesu a rilego, “Ga se gwa ke gwa tsoge gwa ba monna wa go tswalwa ke mosadi, yo mogolo bjalo ka Johane Mokolobetši.” Ke kgoši ya baprofeta bohle. O etilepele Jesu ntle ka meetseng gomme o Mo kolobeditše thwi ka Jorodane. Ngwanešu, ge ke be ke kolobeditšwe ke yena, ke be ke tla ikwela gabotse gabotse ka yona. A yeo ke nnete?

²²⁵ Eupsa Paulo o a retologa gomme o re, “Yeo e ka se šome bjale!” O rile, “Le swanetše go kolobetšwagape, gape.”

²²⁶ “Oo, re karabeditšwe, go le bjalo, Paulo! Re karabeditšwe ke Johane, thwi ntle ka Nokeng ya Jorodane.”

²²⁷ O rile, “Yeo e ka se šome bjale. Le swanetše go kolobetšwa gape.”

“Bjang?”

²²⁸ O rile, “Johane o kolobeleditše go tshokologo. Ye ke bakeng sa go tlošwa ga dibe, gomme ga go leina le lengwe ka tlase ga

Legodimo le filwego magareng ga motho, feela Leina la Jesu Kriste.” Gomme ba ile ba swanelwa ke go kolobetšwagape, gape, Leineng la Jesu Kriste.

²²⁹ Gomme ga go lefelo le tee ka Beibeleng, goba histori yohle lebaka la mengwaga ye makgolotshela ya mathomo ka morago ga lehu la moapostola wa mafelelo, ba kilego ba kolobetša ka tsela ye nngwe eupša Leineng la Jesu Kriste.

²³⁰ Gomme eyang go botšiša moprista e ka ba mang wa Katoliki yo le nyakago go, ba botšiše ke mang a fetotšego yeo, gomme le bone se ba le botšago. Hwtšang katikasema gomme le e bale; e re, “Kgonthe, ba bangwe ba Maprotestant ba tla phološwa gobane ba khunamela kolobetšo ya rena.” Ba e fetotše. Ba re ba na le maatla le maatlataolo go e dira, gomme le a e dumela! Seo ke se ba se bolelago, seo ke se ba se tleleimago, seo ke se kereke ya Protestant e se inamelago. Eupša, ka Mangwalo, ka go felela ga se ontshe e tee ya Lengwalo ka yona.

Ba ile ba swanelwa ke go kolobetšwa gape, Leineng la Jesu Kriste!

²³¹ Bjale theetšang, ka pela bjale, gore re loke... Ga ke nyake go le swarelela botelele kudu go dipotšišo tše. Lebelelang, ka letšatšing ge Jesu a theoga go tloga Thabeng ya Phetogelo le barutiwa ba Gagwe, O rile, “Batho ba re Ke nna mang, gomme ba reng?”

²³² “Ba bangwe ba re Wena o ‘Johane Mokolobetši,’ ba bangwe ba re Wena o ‘Eliase,’ ba bangwe ba re Wena o ‘moprofeta.’”

O rile, “Eupša lena le re Ke nna mang?”

²³³ Gomme Petro o rile, “Wena o Kriste, Morwa wa Modimo yo a phelago!”

²³⁴ O rile, “O wa lehlogenolo wena, Simone—Simone morwa Jona,” o rile, “ka gore nama le madi ga se tša utolla se go wena. Ga se wa ke wa ithuta se ka kerekeng ye e itšego, ga se wa ke wa ithuta se ka seminareng ye e itšego. Eupša Tate wa Ka o utolotše se go wena, gomme godimo ga leswika le Ke tla aga Kereke ya Ka gomme dikgoro tša hele di ka se fenyé kgahlanong le Yona.”

²³⁵ Bjale, kereke ya Katoliki e re, “E be e le Petro. Ba bile le leswika fale, gomme le sa dutše ka tlase ga Toropokgolo ya Vatican.” Gomme leo le be le le ka Jerusalema, goba ka Palestina. Gomme ba boletše gore leo e be e le leswika.

²³⁶ Kereke ya Protestant e re, “E bile Petro yo ba agilego Kereke godimo ga gagwe.” Ge go le bjalo, e kgelogile matšatši a se makae moragwana. Yeo e be e se yona.

²³⁷ Kereke e agilwe godimo ga kutollo Kgethwa ya Modimo. “Nama le madi ga se tša utolla se go wena, Petro, eupša Tate wa Ka yo a lego Legodimong o e utolotše go wena. Gomme godimo ga leswika le, kutollo ya semoya ya Lentšu la Modimo, Ke tla aga

Kereke ya Ka, gomme dikgoro tša hele di ka se tsoge tša fenza kgahlanong le Yona.”

²³⁸ Fao ke mo ke rego, Luther, Methodist, le e ka ba eng o lego, e ka ba eng, Mapentecostal, le e ka ba eng le lego, ga e dire phapano ya nthathana; ge Kereke ya Modimo e sepelela pele, ka maatleng a tšhušumetšo, o tla sepelela thwi pele le pele le pele. Gomme ga go kerekelleina e E emišago, ga go selo lefaseng se tla E emišago. “Godimo ga leswika le Ke tla aga Kereke ya Ka, gomme dikgoro tša hele di ka se kgone go fenza kgahlanong le Yona.” Ya semoya, Therešo ye e utolotšwego!

²³⁹ Bjale šetšang bjale sa go latela, O re, “Gomme wena o Simone, gomme Ke tla go fa,” gobane o bile le ya semoya, Therešo ye e utolotšwego. Ke ka baka leo a tsebilego phapano gare ga Tate, Morwa, le Moya wo Mokgethwa, le Leina la Morena Jesu Kriste. O bile le kutollo ya semoya. Seo ke se le se kwešišago bošegong bjo, moo Moya wo Mokgethwa o e bulelago go rena.

²⁴⁰ O rile, “Wena o Simone, gomme Ke tla go fa dikgonyo tša Mmušo wa Legodimo. Gomme eng kapa eng o e tlemago lefaseng le, Ke tla e tlema Legodimong. E ka ba eng o e tlemollago lefaseng le, Ke tla e tlemolla Legodimong.” A O e boletše? Mokgethwa Mateo, ya 16 tema, “Eng kapa eng o e tlemago lefaseng, Ke tla e tlema Legodimong. E ka ba eng o e tlemollago lefaseng, Ke tla e tlemolla Legodimong. Gomme Ke tla go fa dikgonyo go” (eng?) “Mmušo wa Legodimo.” Mmušo wa Legodimo ke eng? Moya wo Mokgethwa! Beibele e rile, “Mmušo wa Legodimo o ka go lena . . .” Ke ra, “Mmušo wa Modimo,” ntshwareleng. “Mmušo o ka gare ga lena.”

²⁴¹ Bjale O rile, “Ba bangwe ba emego fa ba ka se bone lehu go fihlela ba bona Mmušo wa Modimo o etla ka maatla.” Feela matšatši a se makae moragwana, Pentecost. Le a bona? “Ba bangwe ba eme fa,” thwi ka go wola wa go swana moth- . . . selo A bego a se bolela. “Ba bangwe ba lena le eme fa,” O be a fetogile, o rile, “ba ka se bone lehu go fihlela ba bona Mmušo wa Modimo o etla ka maatla.”

²⁴² Beibele e rile, “Mmušo o ka gare ga lena.” Ge Jesu a tsogile go tšwa bahung, elelwang, O bile ka lehlakoreng la Gagwe dikgonyo tša lehu le hele, e sego dikgonyo tša Mmušo, tseo di filwe go Kereke. Bjale, Petro o be a swere dikgonyo. A le a dumela Jesu o be a tla boloka Lentšu la Gagwe? Ge A sa dire, ngwanešu, O be a se Modimo! Yeo ke phetho. Bjale, O rile, “Petro, Ke tla go fa dikgonyo tša Mmušo,” ka mantšu a mangwe, “go Moya wo Mokgethwa. E ka ba eng o e bofago mo lefaseng, Ke tla e bofa ka Legodimong.”

²⁴³ Bjale lebelelang ke phošo efe ba e dirilego, ba ya ntle le go lebalela dibe, le go ya pele ka mokgwa woo. A phošo! A re boneng. Ba beile dikgonyo godimo ga gagwe. Bjale, O beile

sefahlego sa gagwe thwi go otlologa go Pente- . . . goba thwi go otlologa go ya Jerusalema.

²⁴⁴ O ile a bapolwa, a hwa, a tsoga letšatši la boraro, a ba lefaseng matšatši a masomenne magareng ga motho, a rotogela godimo ka Legodimong. O ba boditše go leta go fihla ba bone Mmušo wa Modimo o etla godimo ga bona, mo nakong ye Tate o tla bušetša Mmušo ka sebopego sa semoya go bona. Ba ile godimo go toropokgolo ya Jerusalema le go leta fale lebaka la matšatši a lesome le mašego, gomme, ka pelapela, kolobetšo ya Moya wo Mokgethwa, Mmušo wa Modimo, wa tla ka maatla godimo ga bona. A yeo ke nnete?

²⁴⁵ Bjale šetšang! Petro, wa go se rutege, ebile o be a sa kgone go saena leina la gagwe mong (mopapa? Ya, mopapa), o eme godimo ga lepokisi le lennyane la sešepi goba se sengwe gomme a thoma go rera. O rile, “Lena banna ba Judea le lena ba le dulago ka Jerusalema, a nke se se tsebje go lena, gomme ekwang Mantšu a ka. Ba ga se ba tagwa bjalo ka ge le nagana, go boneng gore ke iri ya boraro ya letšatši, eupša se ke seo se boletšwego ke moprofeta Joele. ‘Go tla tla go phethega ka matšatšing a mafelelo,’ go boletše Modimo, ‘Ke tla tšhollela ntle Moya wa Ka godimo ga nama yohle. Barwa ba lena le barwedi ba lena ba tla profeta, gomme godimo ga balata ba Ka le bahlankagadi Ke tla tšhollela ntle Moya wa Ka gomme ba tla profeta. Ke tla laetša dimaka ka magodimong godimo; le lefaseng fase, mollo, dipilara tša mollo, le moyameetse a muši.’” O ile pele, le go bolela ka Dafida le go ya pele. Gomme ge baswaswalatši ba ba eme fale . . .

²⁴⁶ Ba rile nako yeo, “Monna le baena, re ka dira eng gore re phološwe?”

²⁴⁷ “Oo, hlokomela, Petro, o swere dikgonyo di lekeletše godimo bjale.” A yeo ke nnete? Molaetša wa pele wa Ebangedi!

²⁴⁸ Jesu, matšatši a se makae pele ga fao, pele A bapolwa, o rile, “Petro, Ke tla go fa dinotlelo. E ka ba eng o e tlemago, Ke tla e tlema; e ka ba eng o e tlemollago, Ke tla e tlemolla. Bjale, e ka ba eng o e dirago, Ke tla e lemoga Legodimong.” Ge A le Monna wa Lentšu la Gagwe, O tla boloka Lentšu la Gagwe!

²⁴⁹ Gomme šo o eme mo, Moya wo Mokgethwa o be o wele lekga la Wona la mathomo, gomme Petro o botšišitšwe, “Re ka dira eng go phološwa?”

²⁵⁰ “Šetšang, o swametša sekgonyo ka Mmušong lekga la mathomo. Jesu o go boditše, matšatši a se makae a go feta, matšatši a lesome a go feta, o rile, ‘Eyang kolobetšang batho Leineng la Tate, Morwa, le Moya wo Mokgethwa.’ O ya go dira eng? Eupša O go fa dikgonyo gobane o bile le kutollo ya semoya! ‘Gobane Kereke ya Ka e tla agiwa, gomme dikgoro tša hele di ka se kgone go fenza kgahlanong le Yona.’”

²⁵¹ Gomme tšeang dithutotumelo le dithutotaelo tša lena, le e ka ba eng le dumago, eupša e tla šitwa ka go šokiša (go bile),

eupša maatla a Modimo yo a phelago a tla sepelela pele le pele, go ya ka Bokagosafelego. Boka mothalwana wa radiamo, O ya pele, hlokomelang, ntle le bofelo.

²⁵² “Petro, o swere dikgonyo. E ka ba eng o e dirago fa, Modimo o swanetše go e lemoga Legodimong.” A yeo ke nnete? “O reng, Petro? Re ka dira eng go phološwa?”

²⁵³ Petro o rile... Le se ye la re, “*Dumela Maria*,” ga go selo se sebjalo, go dira *nobena*. O se ke wa tla le go šišinya diatla le go bea leina la gago godimo ga puku ya kereke le go ba le bona bafafatša meetse a mannyane godimo ga gago; ga go selo se sebjalo. Yeo ke thutotaelo ya Katoliki yeo kereke ya Protestant e e khunamelago.

²⁵⁴ Ga se a re, “Lena bohole eyang... Bjale, Jesu o mpoditše, matšatši a se makae a go feta, go lena bohole go ya le go kolobetšwa leineng la ‘Tate, Morwa, le Moya wo Mokgethwa.’” Ga go monna yo a bilego le kutollo ya semoya, a ka se bolele seo.

²⁵⁵ O rile, “Sokologang, yo mongwe le yo mongwe wa lena, gomme le kolobetšweng Leineng la Jesu Kriste bakeng sa go tlošwa ga dibe tša lena, gomme le tla amogela neo ya Moya wo Mokgethwa. Ka gore tshepišo ke ya lena, le go bana ba lena, le go bona bao ba lego kgole, gomme ebile ka bontši ka fao Morena Modimo wa rena a tla bitšago.” Yeo ke yona. Nako yeo sekgyonyo se be se gohlometše gomme se notletše, se be se notletše Legodimong!

²⁵⁶ Ke ka baka leo Paulo a boletšego go barutiwa ba Johane, “Le swanetše go kolobetšwa gape, Leineng la Jesu Kriste, go amogela kolobetšo ya Moya wo Mokgethwa.”

²⁵⁷ Le be le sa E tsebe pele, le a E tseba bjale! Huh! Go lokile. Go tšwa go lena. Yeo ke therešo. Eupša modirela badimo ba bararo, kolobetšo ya boraro ga se ya tsoge ya lemogwa ka Kerekeng, Testamente ye Mpsha; feela ka kerekeng ya Katoliki, gomme kereke ya Protestant e inama go yona. Šetšang! Batho ba bantsi ba tla lwa le wena bakeng sa yeo. Eupša, ngwanešu, o swanetše go dira kgetho ya gago.

²⁵⁸ Bjale o re, “Ngwanešu Branham, ke kolobeditšwe leineng la ‘Tate, Morwa, le Moya wo Mokgethwa.’ Ke na le kolobetšo ya Moya wo Mokgethwa.”

²⁵⁹ Ga ke belaele lentšu la gago. Ga ke ne lebaka le gannyane go belaela lentšu la gago; ke a le dumela. Ke a dumela Modimo o ba fa Moya wo Mokgethwa, godimo kua pele ba kolobetšwa le gatee; eupša ge Petro a ba boditše ba dire eng, ba ile le go e dira. Yeo ke nnete. Bjale le tseba se le swanetšego go se dira, yeo ke mnene; gomme ge o gana go sepela ka Seetšeng ge Seetša se tlišwa pele, o retologela leswiswing. Thwi! Amene! Go lokile. Ntshwareleng. Ga ke nyake le ntshwarele go goeletšeng “a go be bjalo” go Lentšu la Modimo. Aowa, mohlomphegi. Ke tla goeletša “amene” gape. Yeo ke nnete. Ee, mohlomphegi.

Gobaneng o kolobetša Leineng la Jesu Kriste, Ngwanešu Branham? Gobaneng o dira seo sebakeng sa “Tate, Morwa, Moya wo Mokgethwa”? Gobane Beibele e ruta seo! Seo se hlakile?

Gobaneng o hlapiša maoto, Ngwanešu Branham? Gobane Beibele e ruta seo. Ke dumela go Ebangedi ya go tlala. Go lokile, bjale.

Kolobetšo ya maaka ye o boletšego ka yona ke eng? Ke yona yeo. Yeo ke yona tlwa. Ga go felo . . . Balang morago ka go Testamente gomme le hwetše moo motho o tee . . .

²⁶⁰ Bjale go lena batho ba go ratega, ga ke gobatše maikutlo a lena, ga ke nyake. Ke le kgopela go kokobela gomme e sego . . . Lebelelang selo se sefahlegong, gomme le bone se se swanago le sona. È lebelele ka sefahlegong sa Beibele, e sego ka kerekeng ya gago goba bošilo tsoko, selo sa bošilo yo mongwe o ikgogomoša ka hlogong tša bona, eupša lebelelang Lentšu la Modimo. Kgonthé!

²⁶¹ A le nagana gore Modimo Ramaatlakamoka o tla mpha bodiredi bjo A nago nabjo tikologong ka mokgwa wo, ka maswao a kagodimogatlhago le dilo tše di sego tša ke tša bonwa ge e sa le go tloga go Testamente ye Mpsha, gomme a ntire ke sepele ka phošong ka mokgwa woo? Ka kgonthé aowa! Gomme, ngwanešu, ge ke etla morago go tšwa mošwamawatle, ke bea karolo ye kgolokgolo ya nako ya ka e sego go diphodišo Kgethwa le mehlolo eupša go rera Lentšu la Modimo. Yeo ke nnete tlwa. Therešo. Bjale a re boneng.

38. A kereke ye e ruta gore o swanetše go bolela ka maleme go amogela Moya wo Mokgethwa?

²⁶² Aowa, mohlomphegi. Aowa, ga re dire. Go bolela ka maleme ke mpho ya Moya wo Mokgethwa, le a bona, e sego Moya wo Mokgethwa. Ke mpho. Mohlare wo o enywa mehuta ye senyane ya kenywa. A ke nnete?

²⁶³ Ge o lebelela go mohlare wa moapola, o na le diapola, o re ke mohlare wa moapola. Lebelela godimo ga mohlare, o na le dipšere, o re ke mohlare wa pšere. Ga go kgathale ge o na le sekgamathi sa mosikamoro godimo ga wona, gomme o na le dipšere godimo ga wona, bophelo bja wona ke eng? Bophelo bja wona ke bophelo bja mohlare wa pšere. A yeo ke nnete?

²⁶⁴ Bjale, Mohlare wo wa Modimo o enywa dikenywa tše senyane tša semoya. A yeo ke nnete? Go lokile. Go na le phapano yohle . . . O rile, “Yo motee o filwe go ruta- . . . tsebo, bohlale, kwešišo, le go bolela ka maleme, tlhathollo ya maleme,” dimpho tše senyane tša go fapano tša semoya di mela go Mohlare wo wa Modimo. A yeo ke nnete? Gabotse, bjale, go no bolela ka maleme ga se gona go nnoši, go na le tše dingwe ka fale, le tšona.

²⁶⁵ Bjale o ka bolela ka maleme gomme wa no fela o se ne Moya wo Mokgethwa. Bjale, nno elelwang seo. Ke be ke nepile . . . Ke bone baloigadi le baloi ba etla godimo ba bolela ka maleme, gomme ga ba ne Moya wo Mokgethwa. Le a tseba, ke ba bone ba etla godimo ba goeletša le go taboga, gomme ga ba ne Moya wo Mokgethwa. Ke eme ka go motantsho wa mahea fa e se kgale botelele, ntle . . . le seripana se sennyane go tšwa Douglas, Arizona, godimo fale. Ke bone motantsho wola wa mahea ge ba na le wona godimo kua, gomme moloi yola a tla ntle kua gomme a tšwelapele go šiiša, le se sengwe le se sengwe, a rwalelwa pele le go lahlela tšhila godimo ga gagwe kua. Seo se be se sa re gore o be a phološitšwe. Monna e be e le nga—nga ngakamoloi.

²⁶⁶ Ke eme ka India . . . ka Afrika gomme ke bone dingakabaloj ba etla godimo le go ntlhohla ka mokgwa woo, le malopo a bona, gomme ebile ba nwele madi go tšwa magateng a batho. Yeo ke nnete. Bokaone o tsebe se o bolelagu ka sona ge o lebane le seo. Eupša ke bone maatla a Modimo Ramaatlakamoka a tlema monna yola go fihla a sa kgone go šutha. Kafao nako yeo, mahlo a gagwe a galase ka mokgwa woo, gomme ba mo rwala go tloga. Ee, mohlomphegi.

²⁶⁷ Ngwanešu, Modimo ke kgonthe! Yeo ke nnete. Eupša Modimo ke Moya, e sego go ikgokaganya feela go bolela ka maleme, goba *se, seo*, goba *se sengwe*. Ke bolela gore motho e ka ba ofe yoo a . . . Bjoo ke bothata ka kerekeng fa. Le a bona, lena . . . Pentecost e ile ka bohlanyeng go selo se tee seo. Ba fihlile tlase go batho . . . Sebakeng sa—sa go bea diatla go bona, le bona ba amogela Moya wo Mokgethwa, ba ba tlišitše tlase mo aletareng gomme ba thoma go ba itia ka magetleng le go goelela, “E bolele! E bolele! E bolele!” Gomme ba bolela lentšu gape le gape, go fihla ba eba le kgakanego gomme e sego maleme.

²⁶⁸ Ge motho wa mmapale wa Moya wo Mokgethwa a tswetšwe ke Moya wa Modimo, o tla phela bophelo bja bomodimo. Ba bangwe ba bona monna ba be ba phela maphelo a go šiiša, gomme le tseba seo, gomme dikenywa tša bona di netefaditše gore ba be ba se. Jesu o rile, “Le tla ba tseba ka dikenywa tša bona.” Gomme kenywa ya Moya ga se go bolela ka maleme, yeo ke mpho ya Moya.

²⁶⁹ Petro ga se nke a re, “Sokologang, gomme le kolobetšweng Leineng la Jesu Kriste, le tla amogela Moya wo Mokgethwa.” O rile, “Le tla amogela neo ya Moya wo Mokgethwa,” ge ba kwele maleme a le batho ba bolela. Ke ye nngwe ya dimpho tša Moya wo Mokgethwa yeo ba e amogelago. Amene. Go lokile. Ke swanetše go itlhaganela.

39. Ke na le bašemane ba babedi (tee, ba babedi; gomme yo motee, ba bahlano), gomme ba fafaditšwe. A ba swanetše go kolobetšwa ka go karabetšwa?

²⁷⁰ Gabotse bjale kgaetšedi goba ngwanešu, e ka ba mang o lego, go tšwa go wena. Ke ne mosetsana yo monnyane . . . Mošemane wa ka yo monnyane, Billy Paul, o be a le bogolo bja mengwaga ye lesometshela, gomme ke mo kolobeditše Leineng la Morena Jesu thwi fa. Mosetsana wa ka yo monnyane o be a le bogolo bja mengwaga ye seswai. O tlie go nna gomme a namela difarong tša ka, gomme a re, “Papa, ke nyaka go dumela go Morena Jesu Kriste, gomme ke—ke nyaka go kolobetšwa.” Gomme ke kolobeditše mosetsana yo monnyane ka seswai. Ge, ge bona digitlane tše nnyane ba nyaka go kolobetšwa, ba kolobetšeng. Ge ba se, gobaneng, ge ba . . . no ya pele, seo se go wena, e ka ba eng Morena a e boletšego.

40. A bao ba nago le kolobetšo ya Moya wo Mokgethwa ba tla ba ka go Tlhatlogo ya Kereke, goba a badumedi bohle ba tla laetšwa?

²⁷¹ Ga re . . . ga re ne nako go lokafatša seo. Eupša, ngwanešu, ke feela Monyalwa wa Moya wo Mokgethwa a tla bago ka go Tlhatlogo. Le a bona? Beibebe . . . ? . . . ba bangwe ba ka se lahlege.

²⁷² Lebelelang! Ke mang a yago go ahlola lefase? Bakgethwa. Daniele o rile, “Ke Mmone, a etla go Motala wa Nako, gomme—gomme O tlie le Bakgethwa ba Gagwe ba dikete tše lesome atiša ka dikete tše lesome.” A yeo ke nnete? Tlhatlogo, Kereke e be e sepetše. Ka gona ba tla tlase, gomme Kahlolo ya bewa.

²⁷³ Gomme Dipuku di ile tša bulwa. A yeo ke nnete? Gomme Puku ye nngwe ya bulwa, e bego e le Puku ya Bophelo, modumedi yo a hlwekišitšwego yo a segó a amogela Moya wo Mokgethwa.

²⁷⁴ A Jesu ga se a ruta gore dikgarebe tše lesome di ile ntle go gahlanetša Monyadi? Gomme ba bahlano ba bona . . . goba bohle ba bona ba be ba le kgarebe, ba hlwekile, ba bakgethwa. Gomme bona, ba, ba ile go robala gomme ga se ba hwetša Moya wo Mokgethwa; gomme ba ba hweditše Moya wo Mokgethwa gomme ba bile le Oli ka leboneng la bona. Gomme ge Monyadi a etla, Segalonſu sa tla, se goelela, ba rile, “Oo, a re yeng ka gare. Re feng ye nngwe ya Oli ya lena!”

²⁷⁵ O rile, “Eyang go bona ba ba rekago, rapelang, E hwetšeng bjale.” Eupša ba be ba sa kgone. Gomme ge ba sa ile, di—di dikgarebe di ile ka Selalelong sa Monyanya, gomme ba lahletšwe leswiswing la kgotlompo, moo ba bego ba lla le go golola le ditsikitlano tša meno. A Kutollo ga se, bošegong bja go feta, ka go tema ya 12, bošego pele ga bja go feta, ya ruta gore trakone ye khubedu e tshwele meetse go tšwa molomong wa gagwe go dira ntwa le mašalela a Peu ya mosadi, ao a bilego le tumelo ka go Modimo le go boloka melao ya Jesu Kriste?

²⁷⁶ Go lena basadi, ge le bea phethene fase. Ke seripa se sebotse sa lešela, lešela le le swanago ka go yona, eupša o tše ka mokgwa wo gomme wa bea phethene ya gago feela ka tsela ye o yago go

e sega. Gomme morago wa e ripa. Seo se tšwa go wena. Eupša o tšeа lešela leo o le ripilego, go dira seaparo sa gago go tšwa go lona, gomme ka moka ga lona le šomišitšwe. Le no ba gabotse lešela bjalo ka lohle la lona, eupša ka kgetho o kgethile yeo. A yeo ke nnete? Ka moka ga yona e no ba ye kgethwa gomme e no ba ye botse, gomme e no ba go turwa bjalo ka lohle la lona, eupša yeo e be e le kgetho ya gago.

²⁷⁷ Gomme Modimo o tshepišitše gore re ya ka go Tlhatlogo ka kgetho! Gomme Beibebe e rile, “Gomme bahu ka moka ga se ba phela lebaka la mengwaga ye sekete se tee.” A yeo ke nnete? Kafao feela... O ka se lahlege, eupša Monyalwa wa go tlala ka Moya wo Mokgethwa o tla ya ka go Tlhatlogo. Ka moka ga bona ba tla tla go kgabola Kahlolo; ge Ba se ba dira.

41. Ge o swanetše go kolobetšwa Leineng la Jesu, gobaneng Jesu a ka bolela ka go Mateo 28, “Kolobetšwa leineng la Tate, Morwa, Moya wo Mokgethwa”? Seo e no ba se ke sa tšogo fetša go se hlaloša, yona yela.

²⁷⁸ Go lokile, a le a lapa? Ke a tseba le a dira.

42. Eupša a Modimo ga a na tlhompho go kolobetšo ya “Tate, Morwa, le Moya wo Mokgethwa”? A ga go na batho ba ba kolobeditšwego ka leina, ka go maina a, ba amogetšego Moya wo Mokgethwa? A Jesu o tlide go tagafatša Tate? A kolobetšo ye e ka se lemogwe?

²⁷⁹ Ee, Jesu o tlide go tagafatša Tate. Lebelelang ka go Mokgethwa Johane tema ya 14. Ke no ba e ka ba... Ke ne... Ge le ka no leta feela e ka ba tše tharo gape, re tla ba le yona e fedile, ke a dumela. Lebelelang, gona re hwetša tše dingwe tše mpsha gosasa, gona, gobane ka kgonthe ke tla hwetša tše dingwe morago go tloga bosegong bjo, ke a dumela. Hlokomelang, ye ke kereke, go le bjalo, ye. Re ya pele.

²⁸⁰ Lebelelang, Jesu o tla go bonagatša Tate. Lebelelang, mathomong, Modimo o dirile motho ka seswantšho sa Gagwe Mong. A yeo ke nnete? Gabotse, Modimo ke eng? Moya. Mokgethwa Johane tema ya 4, Jesu a bolela le mosadi mo sedibeng, O rile, “Modimo ke Moya gomme bao ba Mo rapelago ba swanetše go Mo rapela ka Moya le Therešo.” A yeo ke nnete? Ge Modimo a dirile motho ka seswantšho sa Gagwe Mong, ke mohuta ofe wa motho A o dirilego nako yela? Motho wa moya.

²⁸¹ Ka go Genesi 2, go be go se motho go lema mobu, gomme Modimo o dirile motho go tšwa go lerole la lefase; e sego ka seswantšho sa Gagwe, eupša ka seswantšho sa bophelo bja phoofolo. Gomme O beile moya wa motho ka go motho yo wa phoofolo fa, gomme o bile soulo ye e phelago. Bjale, yeo ke phapano gare ga motho le phoofolo.

Phoofolo ga e age difatanaga, gomme ga e dire dilo boka go thuša bophelo bja gagwe, le go ya pele ka mokgwa woo. Ke

phoofolo, semuma le bošoro. Ga a ne soulo. Ga a kgone go bala le go ngwala. Ga a kgone go bolela, go apa. Ke semuma le bošoro.

Eupša motho o ka nameng boka bošoro, eupša o ne soulo ya Modimo ka go yena, ye e mo dirago wa go se hwe. Gomme a ka kgona go tšweletša . . . Lebelelang se a ka kgonago go se dira! O godimo, go nyakile, go lekana le Modimo, gobane ke morwa wa Modimo ebile le ka go leemo la gagwe le le welego. O a makatša! Mo lebeleleng! Le a bona? Yeo ke yona.

²⁸² Morago ge motho a wele ka nameng . . . Gomme ge Modimo a rometše motho ka motho yo mongwe ntle le Yenamong go theoga, O be a se na toka. Tsela e nnoši Modimo a bego a ka kgona go e dira ka toka e be e le go tšea lefelo la motho ka Boyena.

²⁸³ Go ka reng ge nkabe ke dirile Ngwanešu Neville go hwela mosadi *yo mo?* Go ka reng ge nkabe ke dirile mosadi *yo* go hwela mosadi *yo fa*, ge nkabe e bile gore ke bile le pušo godimo ga lena? Ke be nka se kgone go ba toka le go dira seo. Ge ke boletše lehu, gomme ke nyaka o phele, ke swanetše go tšea lefelo la gago go go lokafatša.

²⁸⁴ Gomme ka gona Modimo, Yo a bego a le ka seswantšho sa Moya . . . ntle le seswantšho, ke ra gore. Beibele e rile, “Modimo ga a na sebopego.” Go lokile. Ka gona Modimo o ile a swanelwa ke go tšea sebopego, gomme O apesiše kgarebe moriti le go hlola ka go yena Sele ya Madi, ntle le thobalano goba e ka ba eng go dira le yona, gomme o hlotše Sele ya Madi yeo e bopegilego go ba Morwa wa Modimo. Gomme Modimo o tlile fase le go dula ka go Morwa wa Gagwe, Kriste Jesu, go Mo dira Modimo lefaseng.

²⁸⁵ Ge, Mokgethwa Johane . . . Tomase o rile, “Morena, re bontše Tate, gomme go a re kgotsofatša.”

²⁸⁶ O rile “Ke bile le lena botelele kudu gomme ga le Ntsebe?” O rile, “Gobaneng o re, ‘Re bontše Tate?’” Gobaneng, O rile, “Ge le bona Nna le bona Tate. Nna le Tate wa Ka re Batee. Tate wa Ka o dula ka go Nna.”

²⁸⁷ Mohumagadi fa e se kgale botelele, ke be ke bolela fale, o tabogetše godimo, o rile, “Oo, Ngwanešu Branham,” o rile, “ke tseba se o se rago. Ke ba tee, kgonthe ke ba tee.” O rile, “Wena le mosadimogatša wa gago le batee, le lena. Woo ke mohuta wa botee ba lego bjona.”

²⁸⁸ Ke rile, “Ke kgopela tshwarelo,” ke rile, “ga se bona.” Ke rile, “A o a mpona?”

O rile, “Kgonthe.”

Ke re, “A o bona mosadimogatša wa ka?”

O rile, “Aowa.”

²⁸⁹ Ke rile, “Fale! Gona ba ka go mohuta wa go fapanwa yo mongwe go feta se nna le mosadimogatša wa ka re lego.” Le a bona? Ke rile, “Yeo ke nnete.”

²⁹⁰ Jesu o rile, “Le ka se kgone go Mpona ntle le go bona Tate.” Nnete aowa! Ke karolo ya bobedi ya pušo ya dikgato tše tharo, molao wa go swana. Ke Modimo. Jesu Kriste e be e le Modimo goba mofori yo mogologolo kudu lefase le kilego la ba le yena.

²⁹¹ Theetšang! Mosadi o rile go nna e se kgale botelele, o rile, “Ke tla netefatša go wena,” mosadi wa Saense ya Bokriste. Bjale, mogwera wa Saense ya Bokriste, e ba le tlhomphokgolo motsotsotso feela, le a bona. Ba rile, “Ke tla netefatša go wena gore O be a se selo eupša motho.” O rile, “O beile go ikgantšha go gontši kudu ka Jesu.”

²⁹² Ke rile, “Ge nka ikgantšha mosegare le bošego nka se kgone go Mo fa se se tlago go Yena.” Ke rile, “Ga go makatše . . .”

²⁹³ Gobaneng, Jesaya o lekile go Mo reela, o rile, “Yena ke Semaka, Moeletši, Mokgoma wa Khutšo, Modimo yo Maatla, Tate wa Gosafelego.” Tšohle tša tše! “Ke Yena Alefa, Omega, Mathomo le Mafelelo, Modu le Lehlogedi la Dafida, Naledi ya go Taga ya Moso; Tate, Morwa, le Moya wo Mokgethwa.” “Ka go Yena go dula bottlalo bja Modimohlogo mmeleng,” go boletše Beibele. Bottlalo bja Modimo bo be bo le ka go Yena!

²⁹⁴ O rile, “Ke tla go botša, ge a ile tlase go rapeleta Latsaro, go tsoša Latsaro,” o rile, “Ke tla netefatša go wena o be a no ba motho.”

²⁹⁵ Ke rile, “A re go bone o e dira!”

²⁹⁶ O rile, “Beibele e rile, ‘O llile.’ Gomme seo se netefatša gore o be a le motho, a ka lla.”

²⁹⁷ Ke rile, “Kgonthe, yola e be e le Morwa yoo a bego a lla.”

²⁹⁸ O be a le Modimo Motho. O be a le sephedi sa boboraro go no swana le ge ke le, wena o le; re soulo, mmele, le moyo. O be a le Tate, Morwa, le Moya wo Mokgethwa, ka go Bomodimo bja Modimo; ke Yo A bego a le. O be a le Bomodimo Yenamong! A ka kgona bjang go dira e ka ba eng fao ge . . . bana ba Gagwe Mong ba llela Madi a Gagwe? Ge nkabe e bile se sengwe gape . . . Bao e be e le bana ba Gagwe Mong ba llela Madi a Gagwe; ga go makatše O ba lletše. Monna o be a tla ba bjang . . . gomme digotlane tša Gagwe Mong di llela Madi a Gagwe, O be a tla ikwela bjang? E ka ba go ba ahlola go ya heleng go ya go ile, goba go fa bophelo bja Gagwe; O be a le Modimo a efa bophelo bja Gagwe bakeng sa bana ba Gagwe! Bomodimo bo dutše ka go Yena! Yoo ke Yo A bego a le.

²⁹⁹ Mosadi o rile, “Lebelela,” o rile, “Mor. Branham, ke tla go netefalatša! Ge a llile, go netefaditše o be a le motho.”

³⁰⁰ Ke rile, “Mohumagadi, O be a le monna ge A be a rap- . . . goba ge A be a lla, yeo ke nneta. O be a le motho ge A be a lla, eupša ge A otlolotše mmele wa Gagwe wo monnyane wa go gwamalala gomme o rile go monna yo a bego a hwile matšatši a mane, ‘Latsaro, etla pele!’ Gomme monna o be a hwile matšatši

a mane, gomme a bodile, gomme diboko tša letlalo di be di nanampa go mo kgabola, tshenyego e tsebile Mong wa yona gomme soulo e tsebile Mohlodi wa yona, gomme monna yo a bego a hwile matšatši a mane a ema ka maoto a gagwe gomme a phela gape! Yoo e be e le go feta motho!”

³⁰¹ O be a le motho ge A theoga go tšwa thabeng bošegong bjola, a swerwe ke tlala, a lebeletše go dikologa godimo ga mohlare bakeng sa se sengwe go ja. O be a le motho ge A be a lebeletše fale bakeng sa se sengwe go ja go mohlare wola wa mogo. Eupša ge A tšere dipisikiti tše tlhano le diripana tše pedi tša hlapi gomme a fepa dikete tše tlhano, yoo e be e le go feta motho! Yoo e be e le Modimo ka fale! Mohlodi yo motee Yo a kgonnego go tšeа hlapi ya go apewa le go e ngwatha gomme e be e sa le hlapi ya go apewa, o tšere borotho bo pakilwego gomme o bo ngwathile; ke mohuta ofe wa athomo a o lokolotšego? Haleluya! O be a le Modimo, Mohlodi wa diathomo le dilo tšohle! Yoo e be e le go feta motho!

³⁰² O be a le motho ge A be a le ntle fale go sekepe sela bošegong bjola, ka morago ga go rera letšatši lohle le go fodišeng balwetši, a lapile kudu, go fihla bodiabolo ba dikete tše lesome ba lewatle ba enne ba tla Mo nweletša. Sekepe se sennyane sela sa kgale ntle kua, se thula go dikologa bjalo ka setswalelo sa lepotlelo, maphotho a magolo a pekenya go tloga lefelong go ya lefelong, gomme Yena a robetše, a lapile kudu go fihla maphotho a se a Mo phafoša. Bodiabolo ba be ba rora, ba rile, “Re tla mo hwetša bjale ge a sa robetše.” Eupša ge A tsoga, a tsoga godimo kua, O be a le motho, O be a lapile kudu. Eupša ge A beile leoto la Gagwe godimo ga morumo wa seketswana, o lebeletše ntle gomme o rile, “Khutšo, homola!” gomme diphefo le maphotho a Mo obametše. Yoo e be e le go feta motho! Yoo e be e le Modimo, Mohlodi Yo a dirilego Magodimo.

³⁰³ Ga go makatše moapostola o rile, “Ke mohuta mang wa motho yo ebilego le diphefo le maphoto di Mo obamelago!”

³⁰⁴ Yoo e be e le go feta motho. Yoo e be e le Modimo. O be a le motho ge A be a kokotetšwe mo sefapanong bjalo ka Sehlabelo, go tloša sebe. O be a le motho ka dipikiri di kokotetšwe ka seatleng sa Gagwe. O be a le motho ka meetlwa godimo ga hlogo ya Gagwe. O be a le monna ka mare a dikwero godimo ga Gagwe. O be a le motho a tlapirigantše, a ntšhitše megogoma, le go gobatšwa. O be a le motho! O be a le motho ge A gooleditše, “Modimo wa Ka, gabaneng O Ntlogetše?” O be a le motho a llela thušo. Eupša ka moso wa Paseka ge mahuto a lehu a robilwe go hlepha kua lebitleng, yoo o be a le go feta motho! O netefaditše O be a le Modimo.

Go pheleng, O nthatile; go hweng, O
mapholosítše;
Go bolokweng, O rwaletše dibe tša ka kgole;

Go tsogeng, O lokafaditše ntle le tefo go ya go ile:

Letšatši le lengwe O etla—oo, letšatši le lengwe la letago!

Oo, gare ga maswika le mafaufau a go fifala,
Mophološi wa ka o inamišitše hlogo ya Gagwe
gomme a hwa;

Seširo se se bulegilego se utollotše tsela

Go ya mathabong a Legodimo le letšatši la go
se fele.

³⁰⁵ Ga go makatše Eddie Perronet o goeleditše ntle:

Ka moka dumedišang maatla a Leina la Jesu!

A nke barongwa ba we go patlama;

Tlišang pele korone ya bogosi,

Gomme Mmeeng Morena wa bohle.

³⁰⁶ Yoo ke Motho yo mogolo yola, Morena Jesu. O be a le Jehofa, Modimo a dirilwe nameng. Beibebe e rile, “E ka ba eng le e dirago ka lentšu goba modiro, e direng yohle ka Leina la Gagwe.” Beibebe e rile, “Lapa ka moka Legodimong le bitšwa ‘Jesu,’ gomme lapa ka moka lefaseng le bitšwa ‘Jesu.’” A re rape leng Leineng la Gagwe, re phele Leineng la Gagwe, re rute Leineng la Gagwe, re hwe Leineng la Gagwe, re bolokwe Leineng la Gagwe, re kolobetšwe Leineng la Gagwe, re tsoge Leineng la Gagwe, ra ye Legodimong Leineng la Gagwe. Leo ke Leina la Gagwe, gomme Monyalwa wa Gagwe o bitšwa “Mdi. Jesu.” Go tla tšea batho go tšwa go Bantle, bakeng sa Leina la Gagwe.

³⁰⁷ Gomme ga se nna Mooneness. Aowa, mohlomphegi. Lena batho ba thrinitarian tlošang seo go lena. Ga se nna Mooneness. Aowa, mohlomphegi. Ga se nna Mooneness, le mothrinitarian. Ke dumela se Beibebe e se boleLAGO. Yeo ke nnete. Amene. Fše! Ke ya pele kudu go e tee. E be e le eng yela? A ke e hweditše? Goba, a re boneng, e be e le eng? Oo, ee, yeo ke nnete, ka ga... ka fao Tate a bilego ka go Kriste. O be a le Motho, O be a le Modimo Motho.

43. A kereke ya Pentecostal ga e kolobetše Leineng la Tate, Morwa, le Moya wo Mokgethwa? Ba bangwe ba bona.

44. Ge motho a ehwa ntle le kolobetšo ya Moya wo Mokgethwa, a o tla lahlega?

³⁰⁸ Aowa, mohlomphegi. Ge a le modumedi, o tla tla ka tsogong, tsogo ya bobedi. O na le kolobetšo, o tla ya ka tsogong ya pele. Bjale, gabotse le swanetše go tšea lentšu la ka. Ge seo e se sa kgotsofatše, gona le—le mpotšišeng, ke tla le fa Lengwalo. Gobane, ke leka go hwetša tše pedi goba tše tharo gape fa, morago re feditše.

45. Ngwanešu Bill, a Beibebe e bolela e ka ba eng ka go kempola?

³⁰⁹ Ee, E a dira, eupša nka se kgone go e bitša gonabjale. Ke a tseba masole a kempotše bakeng sa diaparo tša Gagwe, le go ya pele ka mokgwa woo, eupša ga ke kgone go bolela.

46. A o ka hlaloša Bakorinthe ba Pele 15:29?

³¹⁰ Nkhweletšeng yona ka fale, ge le rata, Ngwanešu Neville, Bakorinthe ba Pele 15:29. Re tla e hwetša.

³¹¹ Bjale, gomme mohlomongwe gosasa nka le hweletša seo gape. Boka... Mangwalo ale, ka fao a peletilwego, “VICARIVS FILII DEI.” Ge le e hlologela, a nke ke tsebe.

47. A seprofeto sa Hesekiele 38 le 39 se tla phethagatšwa pele ga Tlhatlogo?

³¹² Ga ke nagane. Ke nagana selo sa go latela re se lebeletšego ke Tlhatlogo ya Kereke. Gomme ka gona gore, “ge Gogo le Magogo ba etla fase,” ke madira a Russia yo a tlago ka gare ka . . .

³¹³ Lebelelang, Mna. Bohanon o be a fela a le mosuperintente mo wa Public Service Company, monna yo mokaone kudu wa Mokriste. Gomme o boletše le nna letšatši le lengwe, o rile, “Billy, ke lekile go bala, gomme ke lekile go kgopela modiša wa ka go hlaloša Kutollo.” O rile, “Re ile godimo kua gomme re na le Yona yohle e hlakahlakane.” O rile, “Johane o swanetše go be a be a eja se sengwe—se sengwe bošegong bjoo gomme o bile le toro.”

Ke rile, “Mna. Bohanon, dihlong go wena.” Ke rile . . .

O rile, “Gabotse, ga a gona a ka go kwešiša Yeo.”

³¹⁴ Ke rile, “E sego motho wa tlhago, eupša Moya wo Mokgethwa o ka kgona go E utolla.”

³¹⁵ A re, “Go lokile, lebelela mo, Billy.” A re, “Monyalwa o be a eme Thabeng ya Sinai. Gomme meetse še a tshwetšwe go tšwa molomong wa trakoni, go dira ntwa—ntwa le Monyalwa. Gomme Monyalwa o be a le Legodimong ka nako ya go swana. Naganišiša seo!”

³¹⁶ Ke rile, “Mna. Bohanon, selo se nnoši o nago le sona, o na le dilo tše tharo tša go fapani di hlakahlakane, o e bitša ‘Monyalwa.’ O bitša *kete tše lekgolo masomenne nne*, ba ba emego le Kwana godimo ga Thaba ya Sinai, ‘Monyalwa.’ Ba be ba se. O bitša (yo motee a tshwetšwego meetse go tšwa molomong wa gagwe, go dira ntwa le yena) *mašalela a Peu ya mosadi*, e bego e se Monyalwa; bao e be e le baba bego ba tlogetšwe. Monyalwa o be a le *Legodimong*; kete tše lekgolo masomenne nne *kua*; gomme Mokriste wa mehleng a eya *mo* go kgabola tlaišo. Gomme yeo ke nnete.”

³¹⁷ Bala, ngwanešu, bjale ge o na le yona. [Ngwanešu Neville o bala Bakorinthe ba Pele 15:29—Mor.]

[*Gape ba tla dira eng bao ba kolobeleditšwego bahu, ge bahu ba sa tsoga le gannyan? gobaneng gona ba kolobetšwa bakeng sa bahu?*]

³¹⁸ Bjale, bjale, baena, go na le batho ba tee—ba tee bao ba dumelago seo, ba kolobeletša go bahu, bao ke Mamormon. Gomme ke bile ka ditempeleng tša bona, makga a mantši, ke batho ba bakaone kudu. Gomme o ka no ba Momormon, bjale. Ga ke leke go gobatša maikutlo a gago. Eupša, mogwera morategi wa ka, o ka se kgone go kolobetšwa bakeng sa tatago; yeo ke tiro a bego a swanetše go e dira. “Tsela yeo mohlare o sekametšego, ke tsela yeo o wago.”

Paulo, a bolela mo, o be a bolela ka “mohu,” Jesu Kriste, “ge bahu ba sa tsoge, gabaneng le kolobeditšwe Leineng la Jesu Kriste gona ge bahu ba sa tsoge?” Le bona se ke se rago? Ka gona o . . . O rile, “A re jeng, re nwe, gomme re hlalale, ka gore bosasa re a hwa, ge bahu ba sa tsoge.” Eupša o ya pele le go tagafatša Modimo bakeng sa tsogo ya bahu. Gomme re kolobeletšwa go Jesu Kriste, go lehu la Gagwe, poloko, le tsogo. Ke ka lebaka leo re kolobeleditšwe go “mohu.” Go lokile.

Ke a dumela, bjale, ye e no ba e tee gape ka morago ga ye.

48. Ngwanešu Bill, hle mpotše ka fao nka—nka hwetšago kolobetšo ya Moya wo Mokgethwa. Ke ka thapelo, bophelo bjo bo neetšwego, go Bo amogela bjalo ka ge re dira phodišo? Ke tseba se e lego go ba le tumelo bakeng sa phodišo ge o nthapeletše fa. A o a rapela le go bea diatla godimo, bakeng sa kolobetšo ya Moya wo Mokgethwa? Ke kolobeditšwe leineng la “Tate, Morwa, le Moya wo Mokgethwa.” Hle o mpotše ge ke swanetše go kolobetšwagape Leineng la Jesu, bjalo ka ge o boletše e se kgale.

Bjale, mogwera morategi wa ka wa Mokriste, ga ke go botše o dire eng. Ke nno bea Lengwalo fase. Gomme o a tseba ke eng, ka fao Moya wo Mokgethwa o kgonago go tla thwi bjale ge re sa bolela. Moya wo Mokgethwa ke mpho ya Modimo. Le a bona? Yeo ke mpho ya Modimo. O ka kgonago go tla ge re sa bolela. Gomme ke tla le botša, ge . . . Ge batho ba rutilwe gabotse, . . .

Ba bangwe ba lena batala fa, a nke ke le botšišeng se sengwe, lena batala bao le bilego ka tabarenekeleng. Šetšang ge ke kolobetša batho. Gomme lena badiredi tšeang se bakeng sa mohlala. Ke rutile batho bale go fihla ba bile le bophelo bjola bo hlwekištšwe pele ba eya go meetse ale, gomme ke bile le bona ba dumela gore Modimo o be a tlamegile go boloka tshepišo ya Gagwe; ka pela ge ba kolobeditšwe Leineng la Jesu Kriste, Moya wo Mokgethwa o be o le thwi fao go o amogela. Gomme ge ba etla godimo go tšwa meetseng, ba amogetše Moya wo Mokgethwa. Yeo ke mnete. Ge o no . . .

³¹⁹ Badiši, rutang dinku tša lena, ba tlišeng ka Beibeleng *fa*. Tlogang go pukungwalwa yela ya kgale ya kereke tsoko, gomme eyang tlase fa ka Beibeleng moo Modimo a rutilego, gomme le ka se be le mathata ale.

³²⁰ Ee, go beeng ga diatla ke ka fao re ka amogelago Moya wo Mokgethwa, ka motho tsoko yo a tloditšwego go beeng diatla.

49. Ngwanešu Bill, ke... A ke go fapoga gore yo mongwe a emelete gomme a fe melaetša ka maleme mola moreri a efa...ntle Lentšu? Motho yo o ne dipotšišo tše tharo fa.

49b. Gomme ye nngwe ke: Gape, a go fapogile go dira ka mokgwa wo bjalo ge pišo ya aletara e dirwa?

50. Ya boraro, ya boraro: Gape, a go fapogile... A go fapogile go yo mongwe go ema ka kerekeng gomme a kgala modiredi bakeng sa se sengwe a se boletšego goba a se dirilego nakong ya tirelo, gomme yena ka morago ga teseke ye kgethwa? Dilo tšohle tše di dirilwe ka tabarenekeleng makga a mmalwa.

³²¹ Bjale, a nke ke ye go ye thwi ka pela bjale, ye e amana le kereke bjale. Ke... Bjale, go lena basetsebje ka dikgorong tša rena, ke swanetše go fa kereke go phasola go gonniane bjale, kafao le—le no ba mohuta wa go swara lebaka la motsotso, le a bona, ge le rata.

³²² Theetšang, bana ba ka! Dimpho tšela di a makatša. Ga go yo a tsebago ka fao ke le thabelago, gomme ke le rata ka lerato la bomodimo. Eupša dimpho tšela di ka ba kotsi go lena ge le sa di šomiše ka lefelong la maleba.

³²³ Lebelelang batho lehono, monna yo mokaone ntle tšhemong, a rapelela balwetši le go patediša tšelete bakeng sa yona. Yeo ke phošo. Ge monna a ne tumelo bakeng sa phodišo le go rapelela balwetši, o swanetše go ba mokgomana go lekanelo go rapelela batho ntle le tšelete. Ke leboga Modimo! Ngwanešu, ke nyaka go bolela seo, e sego ka nnamong, eupša bakeng sa letago la Modimo, ga go nako e tee nkilego ka tšea tšelete go tšwa go batho, goba e ka ba eng boka seo; gomme ke ganne, ka nnete, milione, ditolara tše dikete tše makgolothlano, ka moneelo o tee. Gomme le a e tseba; e be e le thwi mo, pampiri. Le a bona? Yeo ke therešo. Ga se ya... Ge o dira seo, o ya go lahlegelwa ke tumelo ya gago ntle mošola le Modimo.

³²⁴ Bjale lena batho ba le boleLAGO ka maleme gomme le na le dimpho tša maleme, Modimo a le šegofatše. Le a hlokwa ka go tabarenekele ye. Ke le nyaka mo. Eupša, bjale, se—se selo se lenaneong, o se tsoge wa se dira ge moreri a rera. Ge o dira, o tšwele taolong. Le a bona? Ga wa swanela go e dira. Ka gore Beibele e rile, "Moya wa moprefeta o laolwa ke moprefeta." Gomme ge monna a rera, o na le lebato, o na le batheeletši, Moya wo Mokgethwa o ya go bolela ka yena. Ge a feditše, gona ke nako ya molaetša, le a bona. Kafao le se tšwe taolong; ge le dira, gona le a tsenatsena gomme le tla—le nyamiša Moya wo Mokgethwa ka molaetša woo o kgatlampanganago.

³²⁵ Fa e se kgale botelele, ke be ke le kopanong godimo fa felotsoko ka Washington, batho ba dikete tše dintši ba be ba dutše fale. Gomme molaodi wa ka, e lego mohlaramolli wa

kgonthe wa Beibele, o be a eme fale a bolela ka phodišo Kgethwa, a tloditšwe, Moya wo Mokgethwa o be o bolela. Mohumagadi o phagametše godimo le go thoma go bolela ka maleme, gomme o letile nakwana feela, nako yeo a thoma go ya pele. Moya wo Mokgethwa wa thoma . . . wa nyamišitšwe, o be o ka kgona go e bona magareng ga batho. O thomile go bolela gape, gomme a phagama. O rile, “Kgaetšedi, dula fase, ka Leina la Morena.” O rile, “O tšwele taolong.” Gomme badiredi ba mo išitše godimo kua le go mo dira a tsebe.

³²⁶ Bjale, se e lego, dimpho tšela di ka lefaseng, di ka kerekeng bjale. Dimpho di ka kerekeng, eupša bana ba bannyane ba go šokiša ba hwetša dimpho tšela gomme ga ba ne thuto go tseba mokgwa wa go e laola. Ge o ka e laola bošaedi, o tla dira tshenyo ye ntši go feta ka mo o tla dirago gabotse. Le a bona?

³²⁷ Go no swana le monna a eya ka ntle, a rapelela balwetsi gomme yo mongwe a fodišwa, a re, “Bjale, o swanetše go mphā ditolara tše sekete bakeng sa yona.” Bjale, o dirile tshenyo ye ntši go feta ka mo a nago le ye botse. Nkabe go bile bokaone ge nkabe monna a ile pele le go hwa sebakeng sa go tlisa kgobogo ye bjalo godimo ga taba ya Kriste.

³²⁸ Bjale, ge le . . . Ge modiša goba moebangedi, goba e ka ba mang a lego, a rera, homola. Paulo o boletše go dira seo, le a bona. Bjale, gomme ka gona o rile, “Lena bohole le ka no bolela, ka otee ka otee.” Yeo ke therešo go lekanelia. Gomme o rile, “Ke tla rata gore bohole le bolele ka maleme. Yeo e lokile.”

³²⁹ Eupša o ka se kgone go bolela ka maleme ntle le ge o na le mpho ya maleme. Gomme ga go pelaelo le gannyane eupša se go nago le dimpho tše dintši tša sela ka kerekeng ye bjale. Go ne dimpho tše dintši tša yona godimo fa ka go kereke ya Methodist, go ne bontši bja yona godimo fa ka go kereke ya Baptist, ge feela e be e rerwa gore mpho e kgone go šoma.

³³⁰ Bjang? Ge o bea peu ka mobung gomme wa se e bjale, go ya go direga eng go yona? Le a bona, e tla robala kua ka leroleng la go oma, le go bola; e ka se dire botse. Dimpho tše di be di le ka kerekeng nako yohle, eupša feela bjale meetse a thoma go wa, pula ya Pentecostal, go e nošetša le go tšweletša kenywa. Bjale, e šomiše lefelong la maleba.

³³¹ Bjale, e re, gabotse, ke a dumela potšišo ya go latela e bile gona, motho o botšišitše, o rile:

Ke neng . . . ke neng ba fago pitšo ya aletara?

³³² Aowa, nka se nagane nako yeo. Ge le ka hlokomela, gomme la tše Bakorinthe gomme la e bala, ba bangwe ba lena mo, ge—ge o na le dimpho tša go bolela ka maleme, gona hlokomela. Ka Beibeleng, ge ba bile . . . morago ga ge tirelo e fedile, tšhegofatšo ya Modimo e theogetše tlase godimo ga phuthego, morago ba thoma go bolela, morago ba thoma go godiša Modimo. Gomme, nako le nako, ke molaetša thwi go yo mongwe. E sego . . . Le

swanetše go hlokomela seo bjale. Le a bona? Ga e no ba se sengwe ka nameng. E tla ba molaetša go yo mongwe, go yo mongwe go dira se sengwe, goba se sengwe go godiša kereke. E tla ba se sengwe go tagafatša kereke.

³³³ Fao ke moo batho ba Pentecostal ba tlišitšego kgobogo go leina la bona. Lona leina *Pentecost*, o ka kgona go bolela gomme batho ba tla no sepela go tloga gomme ba re, “Ditšiebadimo,” ka gore ba bone go tšwela pele mo gontši; fao, batho ba ba lego ka tlhokofalo eupša ba be ba sa rutwa.

³³⁴ Paulo o rile, “Ge ke etla go kereke ya Pentecostal godimo kua,” o rile, “Ke tla e bea ka lenaneo.” E swanetše go ba lenaneong, gomme se sengwe le se sengwe se swanetše go dirwa ka lenaneo, feela bjalo ka ge Moya o laetše. Kafao o rile, “Bjale, ge le etla ka gare, gomme lena bohle le thoma go bolela ka maleme; gomme moserutege a tla ka gare, o tla re, ‘Gabotse, a lena bohle ga le gafe?’; a sepelela ntle.”

³³⁵ Seo e no ba se kereke ya Pentecostal e se dirago. O rile, “Bjale, sebakeng, ge yo mongwe wa lena a profeta le go utolla diphiri tša se sengwe, (yo mongwe wa lena go ba moprofeta, ka mantšu a mangwe),” o rile, “gona a batho ba ka se wele fase gomme ba re ‘Modimo o ne lena?’”

³³⁶ Gabotse, nka kgona bjang go gana mpho ya go bolela ka maleme mola ke tla swanelo go gana mpho ya seprofeto, ke tla swanelo go gana dimpho tše dingwe tše? Bjale, bontši bja dikereke, dikereke tše kgolo, Nazarene, Pilgrim Holiness, le go ya pele, ba nagana ge monna a bolela ka maleme yena ke diabolo. Ao ke mahlapa kgahlanong le Moya wo Mokgethwa, ao go sego tebalelo. Seo ke se Bajuda ba se dirilego, ba dirile metlae ka batho ka Moya wo Mokgethwa, gomme ba ahlotšwe le go timela, bakeng sa yona. Therešo! A Jesu ga se a ke a re, “Ge o bolela lentšu le tee kgahlanong le Moya wo Mokgethwa, go ka se tsoge gwa lebalelwena ka go lefase le goba go lefase le le tlago”? Kafao phafogang; ga le kwešiše, dulang tuu.

³³⁷ Gomme lena batho ba le nago le Moya wo Mokgethwa le go biletšwa ka diofising, barutiši . . . Bjale, a le kgona go eleletša . . . ke nna yo a emego fa a leka go ruta, gomme mo go tabogela monna godimo, lehlakoreng la ka, le go thoma go ruta thwi ka nako ya go swana, monna yo mongwe a eme ntle mo a opela pina ya mogobo? Gabotse, a tlhakahlakano!

³³⁸ Gabotse, ke ka tsela yeo go lego ka ga go bolela ka maleme. A nke go tle ka lenaneo, feela bjalo ka ge Moya o tla e fa, o ka bolela ka maleme.

³³⁹ Bjale o re, “Gabotse, Ngwanešu Branham, nka se kgone go e thuša.”

³⁴⁰ Oo, ee, o ka kgona! Paulo o rile o ka kgona. O rile, “Ge go na le yo mongwe wa lena, magareng ga lena, yo a bolelago ka maleme, gomme ga se na mohlatholli, a nke a homole.” Ga go

kgathale ke bontši gakaakang e nyakago go bolela, homola. Yeo ke mpho, ngwanešu. Ke—ke a rapela, Modimo o tla ntumelela go ba le tsošeletšo mo a mangwe a matšatši a gore re kgone go tsena ka go tšona dilo tša lena, le a bona. Moo le kgonago go bona ke mpho, gomme mpho yeo e nyaka go šoma nako yohle. Le a bona? Eupša o swanetše go ba le bohlale bja Moya wo Mokgethwa fa go tseba neng le ka fao o dirišago mpho yela. Gomme yeo . . .

³⁴¹ O re, “Gabotse, letago go Modimo, Beibele e boletše ge Moya wo Mokgethwa o tlie ga o hloke morutiši e ka ba ofe. Yena ke Morutiši Yenamong.” Oo, ngwanešu, o ka kgona bjang go ba yo monnyane kudu go bala Lengw- . . . Gobaneng Moya wo Mokgethwa o beile barutiši ka kerekeng, gona?

³⁴² O re “Ga ke a swanela go ba le e ka ba mang go nthuta. Moya wo Mokgethwa o a nthuta.” O a dira, ka morutiši. O beile barutiši ka kerekeng.

³⁴³ O rile, “A ke barutiši bohole, a bohole ke baapostola, a bohole ke dimpho tša phodišo?” Moya wo Mokgethwa o beile dilo tše ka kerekeng, gomme O di dira tšohle, gomme ye nngwe le ye nngwe ya tšona e šoma ka lenaneo.

³⁴⁴ Bjale go no swana le leoto la ka; le lengwe la wona le re, “Ke ya ka tsela ye,” le lengwe le re, “Ke ya morago ka tsela ye.” Bjale, o ya go dira eng? Seatla se rile, “Ke ya go ya godimo,” gomme se sengwe se ya go dikologa ka tsela ye. Ke mohuta mang wa sebopego mmele o yago go tsena ka go sona? Le a bona?

³⁴⁵ Eupša, bjale, ge monagano fa o re, “Leoto, sepelela pele, bobedi bja lena. Seatla, eyan le wona. Hlого, o dula ka go otloga. Matsogo, le dira sa go swana,” se sengwe le se sengwe se sepela ka kwano. Bjale, ge ke fihla kua, ga se ka šomiša matsogo a ka. Bjale, leoto le dirile mošomo wa lona, modiša o feditše go rera; bjale, matsogo, le dira mošomo wa lena. Le a bona? Le bona se ke se rago?

³⁴⁶ Gabotse, go ka reng ge matsogo a be a obeletša ntle ka mokgwa wo, “Oo, e go kae? E go kae?” gomme maoto a rera? Le a bona, ga se o šo wa ba fao. Le a bona, homola, letsogo; e tla ba nako go wena go šomišwa morago ga lebakana; leta go fihla o fihla godimo kua. Le bona se ke se rago? Yeo ke mpho, yeo ke mpho ya Moya tirong.

³⁴⁷ Ke rata Morena. A ga le? Amene. Theeletšang, ke tseba selo se tee nka kgonago go le botša, ka nnete le na le kgotlelelo; metsotsos ye masomepedi ka morago ga lesome. Bjale, bagwera, lebelelang fa ka mokgwa wo bjale. Ke . . . Ye ke ye kaonekaone kudu ya tsebo ya ka. Ke swanetše go hlaganelo go kgabola sehlopha se segolo sa tšona ka mokgwa woo. Ge ke . . . Ge le sa dumelane le seo, le se lwe le nna. Wena eba ngwanešu wa ka, o a bona. Ke a go rata, gomme ke bolela feela dilo tše gobane seo se ka pelong ya ka. Seo ke se ke se dumelago, gomme yeo ke tsela ye ke se hlathollago, gomme yeo ke tsela ye ke se tlišago, ke go tšwa Beibeleng.

³⁴⁸ Bjale, ge o re, “Ngwanešu Branham, ke no se e dumele ka tsela yeo.” Seo se tla ba ka go phethagala gabotse, le a bona. Re ka se tsoge ra nagana phapano e ka ba efe, re tla no ya pele thwi bjalo ka banešu le bagwera.

³⁴⁹ Gomme—gomme ge o re, “Gabotse, ke—ke a dumela ge ke le wa kereke ya Methodist goba kereke ya Baptist, ke tla phološwa go le bjalo.” Go lokile, ngwanešu, seo se lokile ka go phethagala. Ke sa go bitša “ngwanešu wa ka,” gobane o dumela Jesu Kriste. Le a bona? Yeo ke nnete. Kafao re ya go ba banešu le bagwera feela go swana.

³⁵⁰ Eupša ke nno robala fase go kereke ye, matšatši a se makae a mo, Thuto ye kereke ye e e emelago. Le a bona? Seo ke se kereke e se emelago! Gomme ge go na le motikone mo yo a sa dumelogo ka go kolobetšo Leineng la Jesu Kriste, le kolobetšo ya Moya wo Mokgethwa, goba dimpho tša Moya di bonagatšwa, motikone yoo, thwi fa ge ke sa eme fa, ga a na maswanedi go ba ka kerekeng go fihlela a dirwa gabotse. Yeo ke nnete tlwa. Gomme poto e swanetše go bona seo. Tlwa! Kereke ye ga e laolwe ke matikone; kereke ye e laolwa ke Beibele le Moya wo Mokgethwa, o nnoši. Ee, mohlomphegi. Bjale, kafao tšona dilo, re a dumela yeo ke Thuto ya kereke ye.

³⁵¹ Ga re ne boleloko e ka ba bofe le gannyane. Ga go motho moleloko fa, eupša yo mongwe le yo mongwe a tlago ke moleloko, ka gore re a dumela gore bohle re maloko a Mmele o tee ka kolobetšo ya Moya wo Mokgethwa.

³⁵² Gomme re a go phegelela, ngwanešu morategi wa ka wa Mokriste goba kgaetšedi, go kolobetšwa Leineng la Jesu Kriste le go amogela Moya wo Mokgethwa. Ge o šetše o amogetše Moya wo Mokgethwa, morago ga ge o kolobeditšwe leineng la Tate, Morwa, Moya wo Mokgethwa, Modimo a go šegofatše! O re, “Ngwanešu Branham, ke dire eng ka yona?” Potšišo e be e arabilwe. Ke kgona feela go bolela boka Paulo a boletše, le swanetše go kolobetšwa gape!

³⁵³ Bjale, lebelelang fa, Ditiro. A re baleng ye, Bagalatia 1:9. E ngwaleng fase, lena bao le e ngwalago. Paulo o rile, monna yo wa go swana yo a boletšego se, o rutile selo se. A le dumela seo bjale? A yeo ke nnete? Paulo o be a ba boditše ba be ba swanetše go kolobetšwagape gape Leineng la Jesu Kriste. Gomme Paulo o rile, “Ge Morongwa go tšwa Legodimong . . .” Bagalatia 1:8, “Ge Morongwa go tšwa Legodimong a ka le ruta e ka ba eng gape ntle le Ye, a nke a be go lena morogakwa.” Ge a le mopisopomogolo, ge a le mopapa, ge a le modiredi, ge a le moprofeta, ge a le moruti, ge a le Morongwa go tšwa Legodimong, goba e ka ba mang a ka bago, o rile, “Ge ba ruta e ka ba eng gape ntle le Ye, a nke a be go lena morogakwa!” A yeo ke nnete? Gomme o e boeleditše gape, a re, “Bjalo ka ge ke boletše, kafao ke bolela gape: Ge ba ruta e ka ba eng gape eupša Ye, a a be morogakwa!” A yeo ke nnete?

³⁵⁴ Kafao Morena a le šegofatše. Ke e bala go tšwa go Lentšu, gomme le dira sephetho sa lena.

³⁵⁵ Bjale ke ba bakae ba ratago pina yela ya kgale ye botse:

Tumelo ya ka e lebelela go Wena,
Wena Kwana ya Khalibari,
Mophološi Mokgethwa;
Bjale nkwe ge ke rapela,
Tloša molato wa ka wohle,
Gomme ntumelele go tloga letšatši le
Go ba wa Gago ka moka!

³⁵⁶ Ke nyaka go le botšiša se sengwe, lena ka kerekeng ye. Bjalo ka monna yo a hwago a rerela monna yo a hwago, a lemoga gore ye e ka no ba theroy a mafelelo nkilego ka e rera; gomme ke leka go rera theroy a nngwe le ye nngwe yeo ke e dirago, boka e bile ya ka ya mafelelo, bjalo ka motho yo a hwago go motho yo a hwago. Bjale ke a le botšiša, baena ba ka, le badudi mmogo ba setšhaba se le naga, a ka kgonthelikwela gore le hloka mosepelo wa kgauswana le Modimo ka morago ga ditirelo tše? Modimo a le šegofatše! Nna bjalo ka . . . ngwanabolena, ke bolela le lena, thapelo ya ka ya tlhokofalo ke, go lena, gore le tla amogela mosepelo wo wa kgauswana le Modimo.

³⁵⁷ Gomme a nke, ka Letšatši la Kahlolo, ge mašego a ao ke bego ke a rera, go tla ba bjalo ka—bjalo ka kgatišo ye kgolo ya theipi e bapalwago go Letšatši lela, gomme segalontšu sa ka se tla tšwela ntle, gomme ke tla swanelago ema fale le go fa lebaka, gobane mantšu a ka e tla ba go ntšhegofatša goba go nkahlola ka Letšatši leo. Gomme ao e bile mantšu a ka lebaka la mengwaga ye masomepedi ya go feta, bjalo ka mošemane yo monnyane a ka ba bogolo bja mengwaga ye masomepedi, a rera Ebangedi, gomme ke masomenne tlhano bjale. Gomme ga se nke ka E fetola nthathana, gobane ga se ke kgone go E fetola ge feela Beibele e dula ka tsela yela.

³⁵⁸ Ke E medišitše ka go dipišopo le se sengwe le se sengwe gape, gomme ga se ka ke ka bona yo motee nako yeo a ka kgonago go bolela kgahlanong le Yona, go ya ka Lentšu. Ba re . . . Gabotse, bjale, ke . . . Moprista yo, mo matšatši a se makae a go feta, o rile, “Mor. Branham, ga re tše Beibele; ke kereke, go ren.” Kafao o ka se kgone go bolele le monna yola. Eupša ge o eya go e thekga godimo ga Beibele, yeo e a fapano. Le a bona?

³⁵⁹ Ke a rapela gore Modimo o tla . . . Yo mongwe le yo mongwe wa bagwera ba ka ba Katoliki ka mo, le yo mongwe le yo mongwe wa bagwera ba ka ba Maprotestant, gomme ebile . . . Ga ba sa le gona . . . Ge e ka ba ofe . . . Ke—ke no rata yo mongwe le yo mongwe wa lena. Gomme Modimo o tseba ge eba yeo ke therešo goba aowa. Šetšang ka go mothalo wa thapelo, ge difofu—difofu le dihlotsa, ga E re, “Katoliki.”

³⁶⁰ Fa go dutše monna thwi fa godimo ga sefa-...thwi fa, Mokatoliki, a ehwa ka kankere, a jelwe; o tlie ntlong ya ka, gomme Moya wo Mokgethwa wa tla godimo ga gagwe, wa mo fodiša kankere yeo. Ga se nke a mmotša ge eba o be a le Mokatoliki goba aowa; ga se nke ka bolela lentšu go yena. O tlie godimo, a kolobetšwa Leineng la Jesu Kriste le go amogela Moya wo Mokgethwa. Fale go dutše monna thwi fale, rakgwebo ka Louisville. Ya. Le a bona?

³⁶¹ Wona ga botšiše ge eba o Mokatoliki goba aowa. Ke ge eba pelo ya gago e swaretšwe Modimo ke tlala. “Ba lehlogenolo ke ba ba swerwego ke tlala le lenyora ka morago ga toko, ka gore ba tla tlatšwa.” A yeo ke nnete? Amene. Morena a le šegofatše.

³⁶² Ke ba bakae ba tsebago pina ye botse ye ya kgale, Go Šegofala Go Be Setlemi Sela Se Tlemaganyago? Ke batho ba bakae fa godimo ga bogolo bja mengwaga ye masomenne, phagamišang diatla tša lena le nna, gomme le re, “Ke elelwa pina ya kgale, go tloga go mengwaga ye masomenne, Go Šegofala Go Be Setlemi Sela Sa Go Tlemaganya”?

Go šegofala go be setlemi sela sa go tlemaganya
Dipelo tša rena ka lerato la Bokriste;
Kopanelo ya menagano ya leloko
E swana le yela ya Godimo.

³⁶³ A ga le rate tšona dipina tša kgale? Theetšang, ke nyaka go bolela se, ge re bile le bontši bja dipina tšela tša kgale sebakeng sa go ya pele go gogolo go re nago, Ke a dumela kereke e be e tla ba kaonana kudu. Ke rata tšela tše botse, dipina tša kgale tše di bego di tlokilwe ke Moya wo Mokgethwa.

³⁶⁴ Bona batala, ke be ke fela ke gopola, mokgalabje wa lekhalate, o be a tlwaetše go dula ntle ka morago ga ntlo, tlase kua ka dithabeng tša Kentucky. Ge a be a kgathala, o be a tla dula godimo ga kota yela ya kgale—ya kgale gomme o be a tla itia diatla tša gagwe godimo ga kota. Ke mo elelwa feela gabotse, o be a na le ntokidiko ye nnyane ya moriri wo mošweu go dikologa hlogo ya gagwe. O be a opela pina yela ya kgale, pina ya kgale:

ke tla tsoga le go ya go Jesu,
O tla nkogakarela ka matsogong a Gagwe;
Ka matsogong a Mophološi morategi wa ka,
Oo, go na le dithakgatši tše dikete tše lesome.

³⁶⁵ Ga go melodi ye mentši go yona. Ke ba bakae ba kilego ba kwa pina yela ya kgale? [Phuthego e re, “Amene.”—Mor.] Nna! Seo se kaone. Theetšang... .



DIPOTŠIŠO LE DIKARABO NST54-0515

(Questions and Answers)

SERISI K A BOITSHWARO, TSHEPEDIŠO LE THUTO YA KEREKE

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšiboa, Mei 15, 1954, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org